

আলপনা

শ্রীমণিলাল গঙ্গোপাধ্যায়

প্রকাশক

ইণ্ডিয়ান্ পারিশিং হাউস

২২, কর্ণওয়ালিস স্ট্রীট

শ্রীমণিলাল গঙ্গোপাধ্যায়

কালিক প্রেস

২০ কর্ণওয়ালিস স্ট্রীট, কলিকাতা.

শ্রীহরিচরণ মারা দ্বারা মুদ্রিত

মূল্য আট আনা

বন্ধুত্ব

শ্রীগোলোকবিহারী মুখোপাধ্যায়ের

কবিতামলে

বরলাভ, তিফুকের হৃদয়, বিসমৎ ও
চীন দেশের কাজি এই কয়েকটি গল্প
ইংরাজি হইতে গৃহীত। বাকিগুলি
আমার মৌলিক রচনা।

শ্রীমদিসাৰ গঙ্গোপাধ্যায়।

কলিকাতা

১লা আশ্বিন ১৩১৭

সূচী

জয়মাল্য	১
বরলাভ	৮
ভিক্ষুর হৃদয়	১৬
কিসমৎ	৩৩
চীনদেশের কাজি	৩৭
খটিনাচক্র	৮২
দেবতার কোপ	১১২
ছকার জন্মকথা	১৩৫



আলপনা

জয়মালা

(১)

কিছু না কিছু রূপ সকলেরই দাঁকে কিন্তু তার মতো এমন কালো কুরূপ বুঝিবা অগতে কেউ ছিল না। মুখের মধ্যে পুরু পুরু কালো কালো ঠোঁট দুখানা এবং কুলোর মত কান দুটো তার চেহারাকে অতি গরানক করে তুলেছিল।

কিন্তু বাহিরটা তার যেমনই হ'ক অন্তরটা তারি চমৎকার ছিল—এমন মাধুর্যা, এমন

জাল্পনা

কোমলতা, এমন শান্তভাব অতি অল্প লোকের
হৃদয়েই দেখা যায়। মুখখানা বদিও কঠোর
কদাকার কিন্তু তাতেই সময় সময় এমন মিঠে
হাসি ফুটে উঠত যে তার সৌন্দর্য বর্ণনা করা
যায় না। তার সেই গোল গোল ভাটার মতো
চোখ দুটো এমন একটা স্বর্গীয় আভাষ উজ্জ্বল
হয়ে উঠত, মনে হ'ত যেন তার ভিতরকার
সৌন্দর্য বাহিরের কালো আবরণ ছিন্ন করে
প্রকাশ পাবার জন্য আকুলি ব্যাকুলি করছে।

তার অন্তরে এত সৌন্দর্য তবু কাউকে
সে আকর্ষণ করতে পারেনা না। কেউ তাকে
চিনলে না। কেউ তার অন্তর দেখে না,
সবাই বাহিরটাই দেখে! সবাই মুখ ফিরিয়ে
চলে যায়! এই ছুৎখে তার অন্তর থেকে থেকে
জ্বলে যেত!

সে যেখানে বসে সেখানে কেউ আসেনা।
সে যা বলে তাতে কেউ কান পাতে না।

মাকাল ফলের মতো কেবল বাহিরটা

জয়মাল্য

যাদের সুন্দর তারাও সর্বত্র আদর পায় কিন্তু
তার স্থান কোথাও নেই।

কবি সে !

কিছু ছুঃখ কাহিনী নিয়ে সে গান
বঁধত, আপন মনে সেই গান গাইত,
কেউ তা কান পেতে শুনতনা।

প্রেমিক সে !

শ্রেমে স্বদয় তার পূর্ণ—কিন্তু সে কথা
কেউ বিশ্বাসই করতনা।

সে দেশের রাজকৃত্যকে সে একবার মাত্র
দেখেছিল। সেই দেখাতেই ভালোবাসা।
নে ভালোবাসা তার অন্তরে কোথায় গোপন
ছিল, ইসারাতেও কেউ কোনো দিন জানতে
পারেনি।

আত্মপনা

(২)

রাধা একবার দেশের কবিদের ডেকে
জড়ো করলেন ;—কে সব চেয়ে বড় কবি
তারই বিচার হবে ।

বড় বড় নামজাদা কবিরা এসে আসর
জুড়ে বসলেন—তার মধ্যে সেও গিয়ে বসল ।
তাকে দেখে সবাই বিরক্ত—আবে নোলো,
এটাও এখানে ! স্পর্ধা তো কম নয় !

সে সব বুঝলে । কথাটি না করে হেঁট
মাথা করে বসে রইল ।

কাকর বাড়ি সে কখনো নিমন্ত্রণ পায়নি,
নিমন্ত্রণ যায়ওনি । আজ যে সে রাজসভায়
এসেছে সে কেবল দুঃখের বোঝাটা একটু হালকা
করে নেবার জন্তে । বুক তার কেটে যাচ্ছে—
সে আর পারেনা—অপমান অবস্থা সহিতে আর
পারেনা ! সে যে মানুষ, তার যে হৃদয় আছে,
সে যে ব্যথা পায় একথা দেশের লোক কেউ

তো স্বীকার করে না—তাই আজ সে সভার
মধ্যে দাঁড়িয়ে সকলকার সমুপে জোর করে
সেই কথা বলে যাবে—তাই আজ সে এখানে
এসেছে।

(৩)

কবিতার একে একে ডাক পড়ল। কেউ
সম্বা নর্গনা করলেন, কেউ প্রভাত বর্গনা
করলেন, কেউ রাজস্তুতি করলেন। সকলের
বন্ধন শেষ হ'ল সে তখন উঠে দাঁড়াল। আশ-
পাশের লোকেরা তাই দেখে টিটকারি দিয়ে
উঠল—সে কিন্তু দৃকপাতও করলে না।

সভার সকলকে আহ্বান করে ছন্দে গাঁথা
নিজের কাহিনী সে বলতে আরম্ভ করলে।
মুহূর্তের মধ্যে সভা স্তব্ধ! কোথায় রইল
টিটকারি, আর কোথায় রইল শ্লেষ উক্তি!

বীণার তারে তারে যেমন ঝঙ্কার বেজে
ওঠে, কবিতার ছন্দে ছন্দে তেমনি ঝঙ্কার

আত্মপনা

উঠতে লাগল। সমস্ত সত্তার মধ্যে একটা করুণ রসের স্রোত বহে গেল—সকলকার মন্থ বেদনার স্পন্দিত হয়ে উঠল, হৃদয় দ্রব হয়ে গেল।

সবাই অবাক! যারা তার মুখের পানে মুগ্ধ তুলে কখনো চায়নি, আজ তারা বিশ্বয়ে তার পানে একদৃষ্টে চেয়ে রইল। 'চোখ আর নামাতে পারেনা। কোথায় রইল বৃণা, কোথায় রইল অবজ্ঞা, কোথায় গেল তার কালো মূর্তি! সবাই দেখলে.. যেন এক দিব্য পুরুষ স্বর্গ থেকে নেমে এলেন।

সত্তার মধ্যে যে এই কাণ্ডটা ঘটে গেল—সবার কাছ থেকে সে যে সম্মান লাভ করলে, গোটা সবাই বুঝতে পারলে, সবাই দেখলে, দেখলেনা কেবল সে নিজে। চোখ বুজে—ননের কাছ থেকে জগৎ সংসার সরিয়ে দিয়ে—ভোলামনে আপনার হৃৎকের গানই সে গেয়ে যাচ্ছিল। গান যখন শেষ হ'ল,

জয়মাল্য

রাজকন্যা এসে তারই গলায় জয়মাল্য পরিয়ে
দিলেন। চারিদিকে শঙ্খধ্বনি উঠল। সে
তখন চোখ খুলে দেখে সামনে রাজকুমারী !
কোন বাহু দুটি তার বকে এসে ঠেকেছে, তাঁর
নিখাস তার গায়ে এসে লাগচে !



বর লাভ

সে অপর জগতের কথা । সেখানকার সঙ্গে এখানকার কিছুই মেলে না । সে জগৎ এখান থেকে অনেক দূর ;—অনন্ত আকাশের অসংখ্য নক্ষত্রমণ্ডলীর মাঝখানে কোন্না এক জায়গায় তাহার স্থান ।

সেখানে এক পুরুষ ও এক রমণী থাকিত । একটি বোঁটায় যেমন দুটি ফুল তেমনি ভাবে তাহারা মিলিত ছিল । দুজনের মধ্যে কোথাও বিচ্ছেদ ছিল না ।

সেখানে এক প্রকাণ্ড বন ; তাহাতে ঘন ঘন গাছের সারি !—এক গাছ অপর গাছের সহিত গায়ে গায়ে ঠেকিয়া আছে, মধ্যে এতটুকু ব্যবধা নাহি । বনের যা-কিছু-সকলই এক অপরের সহিত নিবিড়ভাবে মিলিয়া আছে । কোথাও বিচ্ছেদ নাহি ;—পাতায়

বর লাভ

পাতায়, ডালে ডালে, ফলে ফলে, ফুলে ফুলে
ঠাসা। আকাশের বাতাস, আকাশের জল
এবং সেখানকার যে চন্দ্রসূর্য্য তার রশ্মি পর্য্যন্ত
সেই বন বনের বনস্পতি আর তরুলতাদের
সুদৃঢ় মিলন ভাঙিয়া প্রবেশের পথ পায় না।

সেই বনের মাঝে এক মন্দির। সে যে
কতকালের তার ঠিক নাই! সে মন্দিরে কেহ
ধাকিত না, রাত্রে সেখানে দেবতারা
আসিতেন। শুনা যায়, সেই সময়ে—সেই
ঘোর রাত্রে অন্ধকার বনের মধ্যে জনপ্রাণী সঙ্গে
না লইয়া একেবারে কেহ যদি মন্দিরের সম্মুখে
উপস্থিত হয়, এবং মন্দির সোপানে নতজানু
হইয়া দেবতার আরাধনা করে ও দেবতার
উদ্দেশে বুক চিরিয়া রক্ত দেয় তাহা হইলে
দেবতার কাছে সে যে প্রার্থনাই জানায়
তাহা গ্রাহ্য হয়!

পুরুষ ও রমণী বহুবীর এই মন্দিরে
গিয়াছে, বহুবীর দেবতার কাছে হুজনে

আল্পনা

ছন্দনার মঙ্গল প্রার্থনা করিয়াছে কিন্তু দুই জনের মধ্যে কেহ কখন একা সেখানে যায় না।

এক পূর্ণিমার রাতে পুরুষটিকে গায়ে না লইয়া রমণী একেলা মন্দির উদ্দেশে ঘরের বাহির হইয়া গেল। বনের বাহির তখন জ্যোৎস্নার প্লাবনে ভাসিয়া যাইতেছে, জলস্থল আকাশ, শুভ্রতায় ভরিয়া গিয়াছে;— আকাশে নীলিমা নাই, সমুদ্রেও নীলিমা নাই! সব আলোময়, কেবল বনের ভিতর ঘোর অন্ধকার—সেখানে জ্যোৎস্না নাই! আলো নাই।

রমণী সেই ঘোর অন্ধকারের মধ্যে পথ চলিয়া মন্দির-সেতানে আসিয়া বসিল। ভক্তিভরে দেবতার নাম জপ করিতে লাগিল, কিন্তু অনেকক্ষণ পর্যন্ত কোনো সাড়া পাওয়া গেল না। তখন সে একধণ্ড পাথর লইয়া মন্দিরস্থলে আঘাত করিল;—ধীরে ধীরে বিন্দু

বিন্দু রক্ত বুক বাহিয়া মন্দির-সোপানে পড়িল।

অমনি শব্দ উঠিল—“কি চাও ?”

রমণী বলিল—“এক পুরুষ আছেন,
হিনি আমার কাছে ঈগতের মধ্যে সব চেয়ে
প্রিয়, তাঁকে আপনি বর দিন।”

—“কি বর চাও ?”

—“তা তো জানি না প্রভু ! যাতে তাঁর
দর্শনময় মঙ্গল হয় সেই বর দিন।”

—“তথাস্তু !”

বহুদিনের আকাঙ্ক্ষার সফলতা লাভ
করিয়া আজ সে আনন্দে উচ্ছ্বসিত হইয়া
উঠিল। এত আনন্দ সে জীবনে কখনও
উপভোগ করে নাই—সে আনন্দের ভাগি
পুরুষটিকে দিবার জন্য সে অধীর হইয়া
উঠিল। ধীরে ধীরে না চলিয়া মনের
উৎকর্ষ দৌড়িতে লাগিল। স্থির বন
দ্রুতপাদক্ষেপে কাপিয়া উঠিল, স্তম্ভতা ভঙ্গ
করিয়া শুষ্কপত্র হইতে কাগজ মত মর্ম্মর

আল্পনা

ধ্বনি উঠিল। অন্ধকারের মধ্যে সেই শব্দ
শুনিয়া রমণীর প্রাণ চকিত ও ভীত হইয়া
উঠিতে লাগিল।

শীঘ্রই সে বনেব বাহির হইয়া আসিল
সে স্থান অন্ধকার নয়, সেখানে তখন বসন্তের
বাতাস বহিতেছে, পুষ্পগন্ধে দিক ভরিয়া
আছে; দূবে সমুদ্রতীরের বালুকা জ্যোৎস্না-
আলোকে আকাশেব নক্ষত্রের মতে
জ্বলিতেছে! সমুদ্রতরঙ্গ চন্দ্রালোকে নাচি-
তেছে! আকাশে, বাতাসে, জলে স্বভে
আনন্দ বাগিনী নাজিয়া উঠিয়াছে।

রমণী সমুদ্রেব দিকে ছুটিয়া যাইতে যাইতে
হঠাৎ ঝমকিয়া দাড়াইল। অদূবে একখানি
তরণী সমুদ্রেব বুকে দিব্য ভাসিয়া যাইতেছে,
কোথাও নাটক নাই, বাধা নাই; সমুদ্র-
তরঙ্গের সঙ্গে সঙ্গে নাচিয়া নাচিয়া
চলিয়াছে।

রমণী ভাবিল—“এমন রাতে এমন সময়



বর লাভ

দেখ ছাড়িয়া কে যায় ? কে ঐ তরণীর দাঁড়
ধরিয়া দাঁড়াইরা ?”

অস্পষ্ট আলোকে তাহাকে চেনা
যাইতেছিল না, তাহার মুখ ভালো করিয়া
দেখাও যাইতেছিল না, কিন্তু রমণী অল্পকণের
মমোই বুঝতে পারিল কে সে ! সে মূর্খি যে
তাহাও হৃদয়পটে আঁকা—সে-যে চিরপরিচিত !

তরাই ক্রমেই দূর হইতে দূরে যাইতে
লাগিল, ক্রমেই সব অস্পষ্ট হইয়া আসিল ।
এমন সময় সে কি দেখিল ?—এ কি ?
এক পরমাসুন্দরী বালিকা—তরণীর হাঁস
ধরিয়া বসিয়া আছে ;—তাহার সুন্দর নবীন
মুখে জ্যোৎস্নার শুভ্র আলো !

রমণীর প্রাণ উতলা হইয়া উঠিল । সে
পাগলিনীর মতো ছুটিয়া সমুদ্রে ঝাঁপ দিতে
গেল—নোকা আটক করিবে ! কিন্তু সমুখে
সমুদ্রতরঙ্গ ছর্গপ্রাচীরের মতো ধরিয়া
দাঁড়াইয়াছে ! তাহা ভেদ করিয়া যাওয়া

আত্মপনা

অসাধ্য। তবে সে কি করিবে? নিরুপায় হইয়া কাঁদিতে লাগিল। সমুদ্রের দিকে আকুলভাবে বাহুদ্বিটি প্রসারিত করিয়া শুধু বলিতে লাগিল—এস হে কিরে এস, বঁধু হে, ফিরে এস!

রমণী জলে নামিয়া পড়িয়াছে, তরঙ্গ-প্রাচীর ভেদ করিয়া সম্মুখে অগ্রসর হইবার জন্ত যুক্তিতেছে এমন সময় তাহার কানের পাশে কে যেন বলিল—“এ কি করাচিস্?”

বালিকা উচ্ছ্বসিত হইয়া কাঁদিয়া ফেলিল। বলিল—“আমি যে এইমাত্র তাঁর জন্তে বুকের রক্ত দিয়ে দেবতার কাছ থেকে বর ভিক্ষা করে এনেছি!”

কানের পাশে আবার কে বলিল—“বেশ ত্রো! বর তো সে পেয়েছে!”

—“কী বর পেয়েছেন?”

—“তাঁর সর্বাঙ্গীন মঙ্গল;—তাঁর সহিত তাঁর অনন্ত বিচ্ছেদ!”

বর লাভ

রমণী স্তম্ভিত হইয়া গেল !

তরনী তখন অগাধ সমুদ্রের মধ্যে কোথায়
নিরুদ্দেশ হইয়া গেছে !

আবার শব্দ উঠিল—“কেমন, তুই তো
সুখী ?”

রমণী ধীরে ধীরে কহিল—“হাঁ, সুখী !”

চারিদিক তখন স্তব্ধ হইয়া গেল, আকাশে
বাতাসে করুণ রাগিনী বাজিয়া উঠিল ।
রমণীর চরণ ঘেরিয়া সমুদ্রের চঞ্চল জল ছল
ছল করিয়া কাঁদিয়া ফিরিতে লাগিল !



ভিক্ষুরের হৃদয়

তার নিজেই মতো হতভাগা সঙ্গীছাড়া
একটা লোকের সঙ্গে যখন চৌরাস্তার মোড়ে
রাতছপুবে দেখা তখন সে লোকটা তাহাকে
বলিল—“দ্যাখো, আজ যদি একটা দাঁও
মারতে চাও তাহলে এই রাস্তা ধরে বরাবর
দক্ষিণ মুখে চলে যাও—সামনেই একটি বেশ
ছোটখাট বাড়ি দেখতে পাবে—তার পাঁচিল
তেমন উঁচু নয়—কটকও তথৈবচ। বাড়িতে
জনগামুষ নেই—একটা বুড়ো মালী পাহারা
দেয় ; সে আজ জরে পড়েছে। যে কুকুরটা
বাড়ীময় ঘুরে ঘুরে বেড়াত সেটাও আজ কদিন
হল মারা গেছে। এমন সুবিধে আর কখনো
পাবে না—বুঝলে !”

এই কথাই উত্তরে কিছু না বলিয়া সে
বরাবর দক্ষিণমুখে চলিয়া গেল। খানিক

ভিক্ষুর স্বপ্ন

পরেই একটা পুল। পুল পার হইয়া শাল
বন। ঘোর আধার। পথে লোক নাই। সে
ধীরে ধীরে চলিয়াছে। গায়ে তার একটা
হেঁড়া কবুল জড়ানো। তাহাতে, সেই অন্ধকারে
তার চেহারা ভালো দেখা যাইতেছিল না,
মনে হইতেছিল একটা ছায়া যেন হাঁটিয়া
চলিয়াছে। ঘাসের উপর পা পড়াতে চলার
কোনো শব্দ উঠিতেছিল না। চারিদিক
শুষ্ক হইয়া ছিল।

কম বয়সেই তাহার শরীরে বার্বিক্য
দেখা দিয়াছে। তাহার চেহারা দেখিলে
মনে হয় যে তাহার উপর দিয়া অনেক শোক
ছাথের বড় বহিরা গেছে। ছাথ কষ্টের
আঘাতে তাহার স্থানাৎ এত কঠিন হইয়া
উঠিয়াছিল যে সে মুখে কোনো ভাবের রেখা
পড়িত না। কেবল বড় বড় চোখ দুটি
সদাই স্নিগ্ধ, উজ্জল, সরস ও নবীন হইয়া
থাকিত,—তাহার জীবনী-শক্তি, আশার

আল্পনা

কোণলতা, কমনীয়তা ঐ চোখ দুটিতে আসিয়া
আশ্রয় লইয়াছিল। অণু সব লক্ষীছাড়ানের
সঙ্গে তার ঐখানটার প্রভেদ।

সে চলিয়াছে। সামনে বন—পিছনে বন।
মাঝে মাঝে কেবল ছুটি একটি কুঁড়ে ঘরের
মাথা গাছপালার উপর জাগিয়া আছে। কিছু
পরেই সেই বাড়ি।

বাড়ির সামনে আসিয়াই সে একবার
থমকিয়া দাঁড়াইল। কেউ কোথাও নাই।
সেই জনহীন স্থানে অন্ধকারের মধ্যে দাঁড়াইয়া
তাহার মনে হইতেছিল সেখানকার জল স্থল
আকাশ যা কিছু সবই যেন তাহার নিষ্কর,—
আর কেউ মালিক নাই। কিন্তু এ কি ?
তাহার প্রাণে এ অবসন্নতা কেন ?
পা চলে না—হাত উঠে না ; প্রাণপণ শক্তিতে
কে যেন তাহার কাজে আঙ্গ বাধা দিতে
উঠিয়াছে !

এই তার প্রথম—এর আগে সে কখনো

শিকুরের ক্ষমতা

চুরি করে নাই। দারুণ ক্ষুধার জ্বালায়
উৎপীড়িত হইয়া সে মধ্যো মধ্যো পরের বাগানে
ফলটা পাকড়টা পাড়িয়া খাইয়াছে বটে
কিন্তু কখনো পাঁটল ডিঙাইয়া, দরজা ভাঙিয়া,
সিঁদ কাটিয়া চুরি করে নাই।

তেমন করিয়া চুরি সে করে নাই বটে—
কিন্তু কেন করিবে না? কে তাহার মুখের
পানে চায়? সকাল হইতে সন্ধ্যা পর্য্যন্ত সমস্ত
শরীর বধন ক্ষুধার জ্বালায় জ্বলিতে থাকে,
তৃষ্ণায় ছাতি কাটিয়া যায়, তখন কি কেউ
এক মুঠা অন্ন, এক ফোঁটা জল তাহার সামনে
আনিয়া ধরে? শীত নাই, বর্ষা নাই, গ্রীষ্ম
নাই—দিনরাত সে যে খোলা মাঠে পড়িয়া
থাকে, মাথা শুঁজিবার ঠাই পায় না—শীতে
দাঁতে দাঁত লাগিয়া যায়, তাহাতে কেউ কি
একবার 'আহা' বলে?

সে অনেক দিনের কথা। বাপ মা হারাইয়া
সে যখন প্রথম পথে পথে ঘুরিয়া বেড়াইত

আল্পনা

তখন গ্রামের এক বুড়ো তাহাকে বড় করিয়া
নিদের বাড়ি লইয়া গিয়া বুদ্ধি বৃদ্ধি
নিধাইয়াছিল। তাহাতেই তাহার গ্রামাচ্ছাদন
একরকম চলিত। সংসারে কোনো বন্ধন
ছিল না বলিয়া তাহার স্বভাবটা ছিল সবগুরে
রকমের—এক জায়গায় স্থির থাকিতে পারিত
না। এ গ্রাম সে গ্রাম করিয়া ঘুরিয়া
বেড়াইত—কোথাও বাসা বাধে নাই,
খোলা জায়গায়ই দিন কাটাইত, রাত
কাটাইত।

একদিন ভরসন্ধ্যায় এক কুরার পাড়ে
তাহার সহিত প্রথম দেখা। সেখানে তখন
আর কেউ ছিলনা। মেরেটি কুরার জল
তুলিতে আসিয়া সেইখানে বসিয়া জলপান
চিখাইতেছিল। সে যে সুন্দরী ছিল তা নয়,
কিন্তু সেদিনকার সন্ধ্যায় মানিয়া তাহার
রান মুগধানিকে, হুন্হুন্ চোখ দুটিকে এমন
নিরাশ করণ সৌন্দর্যে মগ্নিত করিয়া তুলিল

যে তাহার উপমা' নাই—তাহাতেই সে মুখ
হট্টয়া গেল ।

সেও ছেলেবেলা হইতে বাপ ম' হারা,
আপনার বলিবার তার কেউ ছিলনা । কখনো
সুখের মুখ দেখে নাই । পরের বাড়ি অশেষ
লাঞ্ছনার সহিত বাসীবৃত্তি করিয়া জীবন
কাটাইত ।

ঝড়ের হাওয়ার ঝরা পাতার মতো এই
দুটি প্রাণী এক ঠাই আসিয়া মিলিল । এই
মিলনই জীবনমরণের মিলন হইয়া উঠিল ।

সে যেমন ঘুরিত সঙ্গ মেয়েটিও তাহার
মুখ চাহিয়া তেমনি ঘুরিতে লাগিল—
কোনো কুণ্ডা, কোনো হুঃখ বোধ করিল না ।
হিমে, বর্ষার রোজে, অনাহারে অনিদ্রায়
নিরাশ্রয়ে, দিন নাই, রাত্রি নাই, উন্মুক্ত
আকাশতলে তাহারা দুটি প্রাণীতে হাসিমুখে
জীবন কাটাইতে লাগিল—কোথা হইতে যে
আনন্দ আসিত কেহ খুঁজিয়া পাইত না ।

আল্পনা

এমনি করিয়া দিন কাটে। কিছুদিন পরে তাহাদের মধ্যে এক নূতন প্রাণী আসিয়া জুটিল। ছেলেটি দেখিতে বেশ! এমন স্বষ্টপুষ্ট গোলগাল ননীর মত কোমল দেহ, এমন সুন্দর সুশ্রী ছেলে গরীবের ঘরে কেউ কখনো দেখে নাই। যেন রাজপুত্র!

ছেলেটিকে পাইয়া বাপ মার মনে হইল সে এক অমূল্যনিধি! আনন্দে তাহাদের প্রাণ ভরিয়া উঠিল। এতদিন তাহারা কিছুতে ক্রক্ষেপ করিয়া চলে নাই—সংসারে তাহাদের কোনো আকর্ষণ, কোনো বন্ধন ছিল না—মুক্ত বায়ুর মতো তাহারা ঘুরিয়া ফিরিয়া বেড়াইত। কিন্তু ছেলেটিকে পাইয়া সংসারটা তাহাদের চোখে যেন কি এক মোহিনী মায়ায়, যাত্‌করের খেলার রূপান্তরিত হইয়া গেল। সহস্র আকর্ষণ তাহাদিগকে বাধিতে লাগিল। ছেলেটি কিসে ভালো থাকে, কি করিয়া ভালো খাইতে পরিতে

ভিক্ষুদের হৃদয়

পায় সেই ভাবনার তাহাদের চোখে
শূন্য ছিলনা।

চারি বৎসর কাটিয়া গেলে ছেলের আত্মস্থখে
পড়িল—তাহাতেই তাহার জীবন শেষ!
সকলে বলিল—“দিনরাত পথে পথে ঘুরিয়া
হিমে ঠাণ্ডার রাত কাটাইয়া মা তো মারা
গেল—এখন ছেলোটিকে সাবধানে রাখো।”

বাপ সে কথা গ্রাহ্যই করিল না। সে
চিরদিন পথে মাঠে কাটাইয়াছে—জীবনের
পক্ষে ধর যে একটা নিরাপদ স্থান তাহা
সে বুঝিতই না। আগের মতই সে জীবন
কাটাইতে লাগিল। কিন্তু আর সে আনন্দ
থাকিল না—প্রাণের মধ্যে একটা দুঃখ
বিধিয়া রহিল। এখন সে একলা—তার
প্রাণের সঙ্গী—তার দুঃখের সাথী চিরদিনের
জন্য তাহাকে ছাড়িয়া গেছে।

ছেলোটী ঠিক মায়েরই মতো—যেন
একছাঁচে ঢালা—সেই কৌকড়া কৌকড়া চুল,

আল্পনা।

সেই হাসি হাসি মুখ—সেই সব! তার পানে
চাহিলে ক্রীর শোক তার অনেকটা দূর হইত।
প্রাণটা যখন আকুল হইয়া কাঁদিয়া উঠিত,
তখন সে ছেলোটিকে বুকের মধ্যে নিবিড়ভাবে
চাপিয়া ধরিত,—তাহাতে প্রাণটা কিছু ঠাণ্ডা
হইত।

তাহার যে অতবড় কঠোর প্রাণ তাহা
হইতেও মেহের অমৃতধারা উচ্ছ্বসিত হইয়া
শিশুর হৃদয় সিক্ত করিয়া দিত!

তখন সেই শিশু তাহার জীবনের
একমাত্র সম্বল হইয়া উঠিল। কিন্তু
সে নিতান্তই হতভাগ্য! মেহের পুতুল
জীবনের সম্বল সেই শিশুটিকে সে হারাইল।
ছেলেমানুষের শরীরে অতটা অনিষ্টম সহিবে
কেন? সে কি ত্রিম বর্ষা সহিতে পারে?

ছেলেটি যখন মারা গেল তখন সে হায়
হার করিতে লাগিল—কেন লোকের কথা
শুনিলাম না—কেন তার শরীরের বহু

শিকুর হৃদয়

লইলাম না ! ছেলেটির বখন সংকার হইয়া
গেল তখন তাহার চোখের জল আর রাখা
মানিল না—তাহার জীবনে এই প্রথম কান্না !
সে কান্না ভাগাইয়া দিল—কান্না আর
কিছুতে খামে না !

এত কান্নাও তাহার প্রাণ শান্ত হইল না ।
তাহার মনে হইতেছিল যেন শরীরের সমস্ত
রক্ত জল হইয়া চোখ দিয়া বাহির হইতেছে,
যেন তার কাছে সমস্ত জগতটা খালি, সব
আধার ; বুকের স্পন্দন থামিয়া গেছে !
দিবরাত্র তাহার চোখ দুটি কেবলই বৃথায়
ছেলেকে সন্বেষণ করিয়া ফেরে ; কিন্তু কোথায়
সে ? কোথায় সে ? কল্পনায় যে তাহার
একটা মূর্তি গড়িয়া প্রাণটাকে শীতল করিবে
তাহাও সে পারিত না ;—তাহার কি চিন্তা-
শক্তি আছে ? না, কল্পনা আছে ? সে যে
মনে মনে কিছুই আকিতে পারে না, গড়িতে
পারে না । তাহার অস্পষ্ট স্মৃতিটুকুও দিন

আল্পনা

দিন মুছিয়া যাইতেছে তবে সে কেমন করিয়া—কি দিয়া তাহার স্নেহের পুতলিটিকে প্রাণের সঙ্গে রাখিয়া রাখিবে! ছেলেটির এমন কোনো জিনিসও নাই যাহাকে অবলম্বন করিয়া তাহাকে স্মরণে রাখিতে পারে—গানের দোলাই, শুইবার কাঁথা যাহা কিছু ছিল তাহাও চিতার সহিত পুড়িয়া ছাই হইয়াছে। অস্তিত্বের সমস্ত চিহ্ন মুছিয়া লইয়া সে তাহার নিকট হইতে চলিয়া গেছে। তবে কি লইয়া সে ভুলিয়া থাকিবে?

এখন হইতে সে একেবারে মরিয়া হইয়া উঠিল। তাহার মধ্যে যতটুকু কোমলতা ছিল তার কিছুই রহিল না। সে বাঘের মতো ভীষণ হইয়া উঠিল!

তাহার এক বন্ধু একদিন বলিয়াছিল—“পরের বাগানে ফলটা পাকড়টা চুরি করাও বা আর সিঁধ কাটিয়া চুরি করাও তাই—দুয়েতে তফাৎ কি? দুইই চুরি!”

ভিক্ষুর হৃদয়

আজ সেই বাড়ির ফটকের সামনে দাঁড়াইয়া তাহার মনে সেই কথাই কেবল জাগিতে লাগিল।

সে একবার ঘাসের উপর হাত পা ছড়াইয়া উপুড় হইয়া শুইয়া পড়িল। কি জানি কেন সেই সময় বুক ফাটিয়া চোখের জল বাহির হইতে লাগিল, প্রাণের ভিতরে সে কেমন একটা অসহ্য যন্ত্রণা বোধ করিতেছিল! কান্নার পর একটু শান্ত হইলে সে উঠিয়া দাঁড়াইল। মনে মনে বলিতে লাগিল—
“আরো পাঁচজনে তো চুরি করে—আমিই বা কেন না করি? কিসের ভাবনা—কিসের ভয়!”

এক লাফে সামনের নর্দমাটা ডিঙাইয়া সে প্রাচীরের তলায় আসিয়া দাঁড়াইল। যতই সে প্রাচীরের দিকে ঘেঁসিয়া যায় ততই তাহার মনে একটা উৎসাহ আসে। শেষে যখন প্রাচীরের গায়ে হাত ঠেকিল তখন আর

আল্পনা

মনে কোনো বিধাই রহিল না। তখন এক
লাকে সে প্রাচীর ডিঙাইয়া ফেলিল।
সামনেই এক ঘরের দরজা—এক মোচড়ে
তালা ভাঙিয়া একেবারে ঘরের ভিতরে
আসিয়া উপস্থিত!

প্রথমে কিছু দেখিলনা। ক্রমে ক্রমে
ঘরের অন্ধকার চোখে সহিয়া আসিলে
সেখানকার সব জিনিস তাহার নজরে
পড়িল। দেখিয়া সে একেবারে হতভয়!
ঘরটি বেশ স্নিগ্ধ; রুদ্ধ বায়ু বরাং ফুলের
গন্ধে ভরা! দেওয়ালে অনেকগুলি ছবি।
চারিদিকে বহুমূল্যবান আসবাব! এ সব
জিনিস সে কখনো চক্ষে দেখে নাই। সেগুলার
সামনে অবাক হইয়া দাঁড়াইয়া ভাবিতে লাগিল
—নাগুণে এ সব লইয়া কবে কি—কি
প্রয়োজন সিদ্ধ হয়? তাহার মনটা ভয়ে
বিস্ময়ে পূর্ণ হইয়া উঠিল!

এত জিনিস রহিয়াছে তাহার মধ্যে

ভিক্ষুর হৃদয়

কোনটি নয় তাহা সে কিছুতেই ঠিক করিতে পারিল না। যতই ভাবিতে থাকে ততই গোলমাল হইয়া যায়। তাহার মনে হইতেছিল সব জিনিসগুলিই যেন তাহাকে সম্বরে ডাকিয়া বলিতেছে—“ওগো আমার লও! আমার লও!” সে এখন কাহাকে ফেসিয়া কাহাকে নয়! সে যে একেবারে হতবুদ্ধি হইয়া গেছে!

সামনে একটা তোরঙ্গ, তাহার দিকে সে অগ্রসর হইল। এক টানে তাহার ডালা খুলিয়া ফেলিল। তোরঙ্গর ভিতর বেশি কিছু ছিল না—কতকগুলো কি হেঁড়া কাগজ ছড়ান ছিল। এক কোণে দুটা সোনার মোহর অঙ্গকারে চক্ চক্ করিয়া জলিয়া উঠিল। সেই দুইটা তুলিয়া লইবার জন্য যেমন হাত বাড়াইয়াছে অমনি একটি ছবির উপর তাহার নজর পড়িল। সমস্ত শরীরের মধ্যে যেন বিদ্যৎ বহিরা গেল—নিরা

আল্পনা

উপশিরাগুলো চন্ চন্ করিয়া উঠিল। তাহার
প্রাণের মধ্যে আনন্দ, বিষয়, আবেগ একসঙ্গে
খেলিয়া বেড়াইতে লাগিল।

ছবিটি একটি ছোট ছেলের! কল্পনায়
যে ছবি আঁকিতে গিয়া সহস্রবার ব্যর্থ হইয়া
কেবল ব্যথাই পাউয়াছে আজ সেই ছবি
চোখে সামনে দেখিয়া সে একেবারে
অভিভূত হইয়া পড়িল। নিমেষের মধ্যে সমস্ত
জুলিয়া গেল। কি করিতে আসিয়াছে,
কোথায় আসিয়াছে, কোনো খেয়াল রহিলনা
—বাহুজ্ঞানশূন্য হইয়া একদৃষ্টে কেবল ছবির
পানে চাহিয়া রহিল। সেই মন ভাগানো
মুখ, সেই কৌকড়া কৌকড়া চুল, সেই ফ্যান্
ফ্যান্ চাহনি, যৌটের আগায় সেই মধুর
ফিক্‌ফিকে হাসি—সেই সব—একেবারে ছবত্
টিক!

সে যে কোন্ ছেলের ছবি তার ঠিক
নাই কিন্তু তার মনে হইল সেটি তার নিজের



ভিক্ষুর হৃদয়

ছেলেরই ছবি ! তার মন কিছুতেই মানিতে
চাহিলনা যে সে পরের ছেলে ! এতদিন
তাহার প্রাণ যাহা পাইবার জন্য আকুল হইয়া
কাঁদিতছিল আজ তাহা লাভ করিয়া সে পরম
তৃপ্তি লাভ করিল—তাহার সমস্ত দুঃখ, সমস্ত
অভাব যেন নিমেষের মধ্যে ঘুচিয়া গেল !
ছেলের একটা স্মৃতিচিহ্নের জন্য সে লাগামিত
হইয়া ফিবিয়াছে ; এখন তাহা হাতের মধ্যে
পাইয়া আনন্দে দিশাহারা হইল । ছবিটি
বুকে কবিতাই তাহার মনে হইল যেন
ছেলেটিকে সে ফিরিয়া পাইয়াছে, বুকের
মধ্যে যেন সে তাহার অঙ্গের তত্ত্ব স্পর্শ
সিদ্ধ নিখাস অনুভব করিতেছে ।

সে আর বিলম্ব করিল না । ছবিখানি
আঁকড়াইয়া ধরিয়া বারবার চুম্বন করিল ;
তাহার পর বুকের মধ্যে লুকাইয়া লইয়া সেখান
হইতে প্রাণপণে ছুট দিল ।

এই চুরি তাহার প্রথম চুরি—শেষ

অনিপনা

চুরিও বটে! আর তাহার মনে চুরির লোভ
রহিল না—আহার বে আর কোনো
অভাবই নাই!



কিসমৎ

(১)

বোগদাদ্ মহর আজ উৎসবময়—আলোক-
মালায় সজ্জিত, গীতবাণ্ডে মুখরিত !

বৃদ্ধ বয়সে হারুন-অল-রশিদে'র সখ হইল
বালাকালের বন্ধুবান্ধব ও তাবৎ আমির
ওমরাহকে একটা বড়গোছের ভোজ দিয়া
একত্র করেন। জাফর উজির আটদিন অক্লান্ত
পরিশ্রম করিয়া তাহার আয়োজন করিয়াছেন।
রাঙ্গপ্রাণাদ আলোর-আলোর, ফুলে-ফুলে,
ভরিয়া উঠিয়াছে ; গুলাব আতরের গন্ধে দিক
আমোদিত !

একে একে নিমন্ত্রিতেরা আসিয়া উপস্থিত
হইতেছেন। ভোজ আরম্ভ হইবে। এমন
সময়, উজির হাঁপাইতে হাঁপাইতে কালিফের
ঘরে উপস্থিত। তাহার দেহ বেতসপত্রের মতো
কাঁপিতেছে—মুখে চিন্তার কালো ছায়া !

আল্পনা

উজিরকে এই অবস্থায় দেখিয়া কালিফ
বিস্মিতভাবে তাঁহার মুখের পানে চাহিয়া
জিজ্ঞাসা করিলেন—“উজির সাহেব ! ব্যাপার
কি ?”

উজির কম্পিত হস্তে সেলাম করিয়া অশ্রুট
কণ্ঠে কহিলেন—“জাহাপনা ! নোকরকে ছুটি
দিন। আমি আর এক-মুহূর্ত্ত এখানে থাকতে
পারবো না। আজ রাতে—এখনই আমাকে
সিরকসে যেকৈ হবে !”

কালিফ্ ব্যগ্র হইয়া বহিলেন—“কেন ?
কি হয়েছে ?”

উজির কহিলেন—“কারণ আছে।”

কালিফ্ কহিলেন—“খুব জুরুর কারণ
থাকলেও তো আজ তোমায় ছাড়তে পারিনে
উজির সাহেব !—তোমারই উপর যে উৎসবের
ভার ! তুমি চিরদিনের বন্ধ, তুমি উপস্থিত না
থাকলে কি চলে ?”

উজির অধীর হইয়া কহিলেন—“মাপ

করুন খোদাবন্দ—এ গরীবের ছুটি
মঞ্জুর করতেই হবে—খোড়হাত করে
বলচি।”

কালিফ্‌ কহিলেন—‘কেন বল দেখি ?
কিসের এত তাড়া ?’

উজির কাঁপিতে কাঁপিতে বলিলেন—“তবে
শুধুন জনাব ! মৃত্যুর দূত এসেচে । তাকে
এইমাত্র আমি এই বাড়ির মধ্যে দেখেচি, সে
আমার দিকে বার বার কটাক্ষ করচে,
আমাকেই সে খুঁস্‌চে । এখনই যদি পালাতে
না পারি আমার মৃত্যু নিশ্চয় ! এত আনন্দ
উৎসব আমান্ন কণ্ঠ নষ্ট হবে ?”

একথা শুনিয়া কালিফ্‌ বলিলেন—“এমন
যদি হয় উজির সাহেব, তাহলে তোমার ছুটি—
তুমি এখনি পালাও ! খোদা তোমার রক্ষা
করুন !”

মুহূর্ত্তমাত্র বিলম্ব না করিয়া সেই অন্ধকার
রাতে উজির প্রাঙ্গণ ছাড়িয়া পলাইলেন ।

(২)

ভোজ শেষ হইয়া গেছে কিন্তু কালিফ্, অবসন্ন দেহে শয়ন কক্ষে বসিয়া আছেন। হঠাৎ দেখিলেন, সম্মুখে মৃত্যুর দূত! কালিফ্, জিজ্ঞাসা করিলেন—“তুমি কেন এখানে?”

কালিফ্কে সেলাম করিয়া সে উত্তর করিল—“উজিরের সন্ধানে!”

কালিফ্ একটু হাসিয়া কহিলেন—“উজির তো এখানে নেই—এইমাত্র সে ছুটি লইয়া গিরকাসে গেছে।”

মৃত্যুর দূত নিশ্চিত হইয়া কহিল, —“খোদাবন্দ! ঠিক হয়েছে! কাল ভোরে সেখানেই মৃত্যু তাঁর নিয়তি। এখন আমিও চলি, খবর দিইগে তাঁর জীবনের ছুটিও মঞ্জুর!”

কালিফ্ দীর্ঘনিশ্বাস ফেলিয়া কপালে হাত ঠেকাইয়া কহিলেন—“কিসমৎ!”

চীনদেশের কাজি

মুনান হইতে প্রতি বৎসর যে সদাগরের দল ঘোড়ার পিঠে লোহার দান, নোনার পাত, আখরোট, হরিতাল, উটের কধল, ঘাসের টুপি প্রভৃতি নানা জিনিস বোঝাই করিয়া বাণিজ্য করিতে বাহির হইত, মাইসিয়াং সেই দলের সওয়ার ছিল। এই দল ঠিক বর্ষার পরেই শান্ প্রদেশে আসিয়া হাজির হইত—সমস্ত দোটা ঘুরিয়া, ঘুরিয়া সওদা করিত, তারপর তুলা, আফিম্ প্রভৃতি কিনিয়া লইয়া গ্রীষ্মের শেষে স্বস্থানে ফিরিয়া যাইত।

এই ভাবের জীবনযাপন কখনই সুখের নয়। কোনো রকমে নীকে মুখে গুঁজিয়া সকাল সাতটা বাজিতে না বাজিতে যাত্রা আরম্ভ, বারোটা-একটা বাজিলে ঘোড়ার পিঠ হইতে জিনিসপত্র নামাইয়া গাছের ছায়ার বসিয়া

আত্মপনা

একটু শ্রান্তিদূর, তার পর আবার সফ্যা পর্য্যন্ত চলা। এর মধ্যে কোথাও জন লইবার আবশ্যক হইলে এক আধবার দাঁড়ানো হয় ; নচেৎ একদমে চলিতে থাকে। শেষে, বাজারে আসিয়া 'পড়িসে জিনিসপত্র কেনা-বেচার সময় বা একটু বিশ্রাম।

রাস্তা যদি ভালো থাকে তবে প্রতিদিন ক্রোশ পনেরো হাঁটা হয়। পাহাড়ে রাস্তা হইলে চড়াই উৎরাই ভাঙিতে, শিলিরে ভেজা পিছল রাস্তা চলিতে অনেক সময় লাগে, সেই ক্ষণে দশ ক্রোশের বেশি একদিনে চলা হয় না। রাত হইলে, মাটির উপর খড়-কুটা বিছাইয়া তার উপরে কয়লা পাতিয়া সকলে শুইয়া পড়ে।

দলের যিনি সর্দার তিনিই কেবল ঘোড়ায় চড়িয়া চলেন, আর সকলকে হাঁটিয়া বাইতে হয়। এই দলের সর্দার ছিল—চু-কো-লিয়াং। য়ুনানের সবচেয়ে কড়া মদ যে গ্রামে তৈরি হয়

চীনদেশের কাহিনী

সেই গ্রামে ইহার জন্ম । কানি না সেই কারণে
কিনা, লোকটা ভয়ানক মাতাল ও বদমাশী
ছিল । মদ খাইয়া সে যখন মুখ লাল করিয়া
বসিয়া থাকিত তখন কাছে যার কার
সাধ্য !

একদিন ঐ বণিকদল এক পাহাড়ে রাস্তা
ভাঙিয়া চলিয়াছে, সাইসিয়ুংএর ঘোড়াটা
হৌচট খাইয়া পড়িয়া গেল—তার পিঠের
আসবাব চারিদিকে ছড়াইয়া পড়িল এবং দু
চারিটা জিনিস গড়াইয়া পাহাড়ের নীচে খন্দে
কোথায় চলিয়া গেল ।

চু-কো-গিয়াং দলের আগে আগে ঘোড়ার
পিঠে চলিতেছিল—দল ছাড়িয়া সে অনেকটা
দূর অগ্রসর হইয়া গিয়াছিল । কাজেই তাহার
কানে এই দুর্ঘটনার কথা তখন গেল না ;
সন্ধ্যাবেলা সে যখন ঘোড়া হইতে নামিয়া রাস্তা
কাটাইবার জন্য জাগ্রতা খুঁজিতেছিল তখন
পিছন হইতে তাহার দল আসিয়া পৌঁছিল ।

আল্পনা

তাহাদের মুখে জিনিস খোওয়া যাওয়ার কথা
ভুলিয়া সে একেবারে অগ্নিশর্মা হইয়া উঠিল !
মেশায় তখন সে ভরপুর—মাথার ভিতরটা
ঝাঁঝ করিতেছে । মুখে যা আসিল তাই
বলিয়া সাইকে গালি দিল । সাই এই
গালি পরিপাক করিতে পারিল না, তাহারও
মেজাজ চড়িয়া উঠিল, সেও যা-ইচ্ছা-তাই
বলিয়া গালি দিল ! তুমুল ঝগড়া বাধিয়া
উঠিল । রাগে চু-কো-লিয়াং কাণ্ডজ্ঞানশূন্য
হইল । ঘোড়ার গিঠে চামড়ার থলিতে তার
একটা পিস্তল থাকিত, সে সেই পিস্তলটা
বাহির করিতে গেল । সাই তখন বেগতিক
দেখিয়া উম্পট দিল । পিস্তলের খালিটা কাঁচা
চামড়ার তৈরি—চামড়াটা শুকাইয়া গিয়া
পিস্তলটাকে গিলিয়া ধরিয়াছিল—কিছুতে
বাহির হইতে দিতে চাহিতেছিল না । চু
টানাটানি করিতেছিল । সেই অবসরে সাই
অনেকটা দূর পলাইয়া গেল । পিস্তল যখন

চীনদেশের কাছ

বাতির হইল তখন লিয়ারং চাহিয়া দেখে সাই
দৃষ্টির বাহিরে চলিয়া গেছে।

সাই ছুটিয়া চলিতেছিল। বনের মধ্যে
অনেকদূর গিয়া যখন দেখিল পিছনে কেউ
তাড়া করিয়া আসিতেছে না তখন সে এক
গাছের তলায় গিয়া বসিল—রাতের অন্ধকার
তখন বোঝ হইয়া নামিয়া আসিয়াছে।

সাই বসিয়া বসিয়া ভাবিতে লাগিল।
এখন কি করা যায়? দলের লোকেরা যেখানে
আড়া গাড়িয়াছে সেখানে পথ চিনিয়া ফিরিয়া
যাওয়া অসম্ভব। তা ছাড়া আজ রাতে চু-
লিয়ারংএর সামনে যাওয়া আর বাঘের মুখে
যাওয়া একই কথা।

পাহাড়ের গা বাহিয়া এক সূড়ি পথ নামিয়া
গিয়াছে। সাই সেই পথ ধরিয়া চলিল।
কিছু দূর চলিয়া পাহাড়েব তলায় এক ছোট
গ্রামে আসিয়া উপস্থিত হইল।

সে গ্রামে কেবল চাষাদেরই ঘর; তাহারা

আগুপনা

শুধু তুলার চাষ করে। চীনে ব্যবসাদারেরা প্রতি বৎসর তাহাদের ঘর হইতে অনেক টাকা তুলি কিনিয়া লইয়া যায়। সাই তাহা জানিত। সে এক চাষার কুটারে প্রবেশ করিয়া নিজেকে এক মহাজনের গোমস্তা বলিয়া পরিচয় দিল। বলিল, দলভ্রষ্ট হইয়া পথ হারাইয়া সেখানে আসিয়া পড়িয়াছে।

চাষা যখন শুনিল সে একজন তুলি-ব্যবসায়ীর লোক তখন তাহাকে খুব আদর করিয়া নিজের কুটারে থাকিতে বলিল। ভাবিল, লোকটাকে হাতে রাখা ভালো—সময়ে উপকারে লাগিবে।

সাই ভাবিয়াছিল রাত পোহাইলে পথ খুঁজিয়া নিজেদের দলে গিয়া জুটিবে। কিন্তু রাতের মধ্যেই সে জরে পড়িল। সাতদিন বেছঁস হইয়া রহিল। যখন জ্ঞান হইল তখন তাহাদের দল কতদূর চলিয়া গেছে—আর সন্ধান করা বৃথা! কাজেই সেখানে ছিল

চীনদেশের কাজি

সেইখানেই থাকিয়া গেল। চাষা পাহাড়ে থাকিত বটে কিন্তু তাহার হৃদয়টা পাথরের মতো কঠিন ছিল না। অতিথিসেবায় তাহার আনন্দ বই কষ্ট ছিল না—সে সাইকে অতি স্বল্পে পুষ্টিতে লাগিল। সাই মধ্যে মধ্যে চাষাকে স্তোকবাক্যে ভুলাইত। বলিত, তাহার তুল্য সে চীনদেশের বাজারে খুব চড়া দরে বিক্রাইয়া দিতে পারে এমন ক্ষমতা তাহার আছে। চাষা যে এই সব উড়ো-কথায় ভুলিত না তাহা নহে। ভবিষ্যতে একটা বড় গোছের দাঁড় মারিবার আশায় সে বেশ আনন্দের সহিত সাইয়ের ভরণপোষণ বহন করিতেছিল।

সাইয়ের অনেক গুণ ছিল। তাহার কথায় এমন বাধুনি ছিল যে সহজে লোক বশ হইয়া যাইত। কয়েকজন চাষাকে রান্নি করাইয়া সে সেই গ্রামে ব্যবসা আরম্ভ করিয়া দিল। চাষাদের নিকট হইতে তুল্য লইয়া গিয়া সে চীনে মহাজনদের নিকট বিক্রয় করিয়া

আল্পনা

আসিত, এবং চাবাদের নিকট হইতে লাভের কিছু অংশ গ্রহণ করিত। এইরূপ করিয়া সেই গ্রামের মধ্যে সে বেশ জমিয়া বাসিল। অল্পে অল্পে অর্থ সঞ্চয় হইতে লাগিল, এবং গ্রামের মোড়ল-কন্ডার সহিত তাহার দিবাচণ্ড হইয়া গেল। তখন সে নিজে কিছু জমী কিনিয়া চাষ আরম্ভ করিয়া দিল। দিনে দিনে তাহার শ্রীবৃদ্ধি হইতে থাকিল।

কয়েক বৎসর পরে তাহার একটি পুত্র-সন্তান জন্মগ্রহণ করিল। ছেলেটির যখন বয়স চার বৎসর তখন সাইয়ের ভাবনা হইল কি করিয়া ছেলেটির লেখাপড়ার ভাবনা বন্দোবস্ত করে। সেই গ্রামে কেবল নিরক্ষর পাহাড়ী লোকের বাস :—সেখানে কোনো পাঠশালা ছিলনা,—তাঁহারা লেখাপড়ার ধার খারিত না। গোটাকতক মঠ আছে তাহাতে লিখিতে ও পড়িতে শেখানো হয় বটে কিন্তু সেগুলোর উপর সাইয়ের কোনো

চীনদেশের কার্জি

শ্রদ্ধা ছিলনা—কারণ সে ভুলিয়াছিল যে
মঠের পুরোহিতরা বামদিক হইতে ডানদিকে
একটানে লিখিয়া যায় ;—কি অদ্ভুত !

সাই নিজে লেখাপড়া শেখে নাই সেকথা
সত্য, কিন্তু তাহার অবস্থা যখন ভালো
হইয়াছে তখন তাহার ছেলে লেখাপড়া না
শিখিলে কি চলে ? সে জানিত বড় ঘরের
ছেলে মাত্রই লেখাপড়া শেখে, এবং তাহাদের
শিখিবার উপযোগী একটি মাত্র ভাষা আছে,
তাহা চীন ভাষা ! ছেলেকে যদি শিখাইতে
হয় তাহা হইলে এই চীন ভাষা শেখানোই
উচিত—কারণ তার ছেলে এখন বড় ঘরের
ছেলেরই মত যে ! কিন্তু এ গ্রামে সে ভাষা
শিখাইবে কে ? চীন যুলুকে না গেলে তো
হইবে না ! সেখানে যাইতে ক্ষতি কি ? সে
তো তাহার স্বদেশ । তা ছাড়া তাহার এখন
বেশ ছুপয়সা জমিয়াছে—নিজের গ্রামে গিয়া
এখন সে বেশ সুখে স্বচ্ছন্দেই থাকিতে পারে,

আল্পনা

এবং ছেলের লেখাপড়ারও ভালো বন্দোবস্ত
হয়। এই স্থির করিয়া সে জ্বীকে বলিল
—লা-টি! আমি মনে করছি, এইবার চীন
মুন্সুকে ফিরে যাবো।

এই কথা শুনিয়া জ্বীর মন বিষয়ে পূর্ণ
হইয়া গেল। সে চোখ ছুটা বড় করিয়া
বলিল—চীন মুন্সুক! সে কোন্ দেশ?
কত বড়? এখানকার চেয়েও বড় জায়গা
নাকি!

সাই হো হো করিয়া হাসিয়া উঠিয়া
বিজ্ঞপের স্বরে বলিল—কি কথাই বলে!
এখানকার চেয়ে বড় নাকি! চীনদেশ ছেড়ে
দিলে পৃথিবীতে আর বড় জায়গা থাকে না,
হানো। আমাদের ঐ তুলোর ক্ষেতের ধারে
ধানার গায়ে শেওলা ফুটেছে দেখচো—
চীনদেশটা ঐ প্রকাণ্ড তুলোর ক্ষেত আর
তোমাদের এই গাঁ ঐ শেওলার একটা
পাপড়ি। কত ওফাৎ বুঝলে? আর বেশি

চীনদেশের কাহিনী

দিন নয়, শীঘ্রই সে দেশ চোখে দেখবে—
তখন বুঝবে—বুঝবে !

মা-টি অবাক হুইয়া গেল । "সে বলিল"
—যাই বল বাপু, ওসব বড় বড় জায়গা আমার
ভালো লাগে না । ছু ছবার অল্পই সহরে
গেছি ;—হ্যাঃ, তেমন জায়গার মানুষে থাকে !
বাড়িগুলো এমনি ঘেসাঘেসি, আর এত
বড় বড় ! লোকগুলো ভারি বেহায়া—
কেবল মুখের পানে হাঁ করে তাকিয়ে থাকে ।
রাষ্ট্রাগুলো—আরে হ্যাঃ—খুলোয় কাদায়
ভরা ; আমি তোমাদের ও চীনদেশে যাচ্ছি
না । আচ্ছা—শুনি, যেতে কত দিন লাগবে ?
—খুব দূর নাকি ?

মাই বলিল—তুমি নেহাৎ গাথা দেখাচি ।
তোমাদের এখানকার যে সহর সেখানকার
অঙ্গ পাড়ারগায়ের কাছেও তা ঘেসতে পারেনা ।
সেখানকার বাড়ি কী ! এখানকার মতো
এই মাটির মনে করচ না কি ! তা নয় । ইট

আল্পনা

দিয়ে পাথর দিয়ে গাঁথা বড় বড় সব ইমারৎ ।
লম্বা লম্বা বর ! এই ফটক—আকাশে মাথা
ঠেকে। বাড়ির সামনে ফুলের বাগান ।
চাকরবাকর হৈ হৈ করচে। রাস্তাঘাট
ঢকঢকে পাথরে বাঁধানো, বর বর করচে—
ছুঁচ পড়লে খুঁটে নেওয়া যায়। দেখবে—
দেখবে—সবই দেখবে—রোসো না। ভালো
ভালো সব পাঠশালা আছে সেখানে ছেলেকে
পড়তে দেবো, লেখাপড়া শিখে তোমার
ছেলে যখন অজিয়তি করবে তখন বুঝতে
পারবে কেন সে দেশে যাচ্ছি।

মা-টি চটিয়া উঠিয়া বসিল—খালি বক্ বক্
করচো ! যেতে কত সময় লাগবে সেই কথা
আগে বলনা।

—যেতে লাগবে ক দিন ?—বেশি দিন
না, এই হুদ মাস দুই। তা তোমার কোনো
কষ্ট হবেনা—দিব্যি পাকি চড়ে যাবে।

—বাবারে ! হু—মাস ! আমি যাচ্চিনা।

চীনদেশের কাজি

তোমার খুশি হয় তুমি যাও। আমি যেখানে
আছি সেইখানেই থাকবো। তোমার ও
ইটের ইয়ারৎ, পাথরের রাস্তা আমি দেখতে
চাইনা—আমার এ-মাটির মর, পাহাড়ে রাস্তাই
বেশ!

—যাবে না বই কি! ছেলে মানুষ
করবে কে? এখানে থাকলে ছেলেটা
তো তোমার মত মুখ্য হয়ে থাকবে—সে
হচ্ছেনা বাপু। ছেলেকে জজ না করে
আমি ছাড়চিনা।

এই কথার লা-টি বুক ভেপড়াইয়া কাঁদিতে
লাগিল। সে বলিল—মারো, কাটো, বাই
করো! আমি সেখানে কিছুতে যাবোনা।
তুমি আমার জোর করে নিরে যাবে? মনে
নেই বিয়ের সময় কি প্রতিজ্ঞা করেছিলে?
—আমাকে কখনো এখান থেকে কোথাও
নিরে যাবে না। এখন তবে এ কী
বলচো! গ্রামসুদ্ধ লোককে মদ খাওয়ানো

আল্পনা

হোলো, দশটা পুয়ের পাঁচটা যুগী জবাই
হোলো, তবে তো আমাদের বিয়ে হয়েছে।
সেই বিয়েতে যে প্রতিজ্ঞা করেছো, সে
প্রতিজ্ঞা তুমি রাখবে না! এত বড় পাষণ্ড
তুমি! পাপের ভর নেই? যে দেশের নাম
আমি জানিনা, যে দেশ চক্ষে কখনো দেখিনি,
যেখানকার লোক আমায় চেনে না,
যেখানকার লোককে আমি চিনি না, সেই
দেশে তুমি আমায় নিরে যাবে? তোমার
অধ্যক্ষের শেষ থাকবেনা সে।

সাই বলিল— আমার ধর্ম, আমার অধ্যক্ষ
আমি বুঝবো, তোমায় আর যখনাড়া দিতে
হবেনা। ধর্মের কথা, শাস্ত্রের কথা তুমি
মেরেমানুষ কি জানো। শাস্ত্রে বলেছে স্বামীই
স্ত্রীর একমাত্র মালিক। আমার ঘোড়াকে
যেমন যেখানে খুসি নিরে যেতে পারি,
স্ত্রীকেও তেমনি পারি। ছুটুনি করলে
ঘোড়ার পিঠে বেনন চাবুক কসাই, স্ত্রীর

চীনদেশের কাহিনী

পিঠেও তেমনি কমানো যায়—শাওঁ একথাও
বলেচে। তোমার ওসব কথা আমি
শুনবোনা। তোনায় যেতেই হবে। দেখো,
ফের ভালমানুষি করে বলছি—চল এই বেলা।
সেখানে গেলে তোমার আর ফিরতে ইচ্ছে
করবেনা—দেখো আমার কথা সত্যি কি না!

লা-টি দৃঢ়স্বরে বলিল—আমি যাবো না।

সাই সেই কথা শুনিয়া ভয়ানক চটিয়া
উঠিল। বলিল—তবে এইখানে মরতে
পড়ে থাকো। আমি ছেলে নিয়ে চলুম!

লা-টি স্বামীকে ছাড়িয়া দিতে পারে
কিন্তু ছেলেটিকে কোল-ছাড়া করিতে
পারেনা। সে কাঁদিয়া উঠিয়া বলিল—
আমার ছেলে আমার কাছে থাকবে।

সাই বলিল—কিছুতে না।

লা-টি এই কথা শুনিয়া কাঁদিতে কাঁদিতে
ছুটিয়া ঘর হইতে বাহির হইয়া গেল। আর
কাছে আসিয়া হাজির। তাহাকে সকল কথা

আধুগন,

খুলিয়া বলিয়া বলিল—আমি যেতে চাইনে
বলে, না, আমায় যা-না-তাই বলচে !

মা-টির মা বুড়ি । তার বয়সে সে অনেক
দেখিয়াছে । সে বলিল—বাছা ! শুধু
বকুলিতেই এই ! এখনো তবু পিঠে মাটি
পড়েনি ! আমি বরাবর দেখে আসছি, স্বামীর
কাছে মার খেতে খেতে স্ত্রীর হাড়গোড় আঁস
থাকে না ;—এই তো এখানকার রীত !
তোমার ভারি ভাগ্য যে তোমার গায়ে
এখনো মাটি পড়েনি । তুই তো সুখেই
আছিস, গায়ে গয়না গাঁটি পরেছিস,
রাজারি হালে আছিস । তোকে জলও তুলতে
হয় না, ঘরও কাঁট দিতে হয় না । এই দেখ না
বাপু, আমি তো এ গাঁয়ের মোড়লের গিন্নী,
খাটতে খাটতে আমার জিব বেরিয়ে আসে ।
এই বুড়ো বয়সেও আমাকে বাজরা মাথার
হাটে সওদা করতে যেতে হয় । তুই তো
দিব্যি পায়ের উপর পা দিয়ে আছিস । পাঙ্কি

চীনদেশের কাজি

চড়ে বেড়াস, আর গায়ের লোকের সঙ্গে
কৌদল করিস! তোর স্বামীর মতো
স্বামী কখন পায়? সে তোকে কত স্থখে
রেখেছে বল দেখি। তার কথা তুই মানুবিনে?
না মানিস নিজেই ভুগবি। এইখানে একলা
পড়ে থাকিস! তোর ছুখে তখন শেরাল
কুকুর কাঁদবে! আমি কি করব?

মায়ের কথা লা-টির ভালো লাগিল না।
সে ভাবিয়াছিল না স্বামীর কার্যে প্রতিবাদ
করিবে, কিন্তু তাহাকে স্বামীরই পক্ষ লইতে
দেখিয়া তাহার ছুখ উতলিয়া উঠিল। সে তখন
কাঁদিতে কাঁদিতে বাপের কাছে গেল।

বাপ ক্ষেতে ভূমি চষিতেছিল। ক্ষেত
অনেক দূরে এক গাহাড়ের উপরে। লা-টি
সেইখানে হাঁটিয়া চলিল। চলার পরিশ্রমে ও
রৌদ্রের তাপে সে শীঘ্রই ক্লান্ত হইয়া পড়িল।
অবশেষে হাঁপাইতে হাঁপাইতে বাপের কাছে
আসিয়া তাহাকে সকল কথা বলিল। বাপ

আস্পনা

সে সকল জিনিষা উদরে যাহা বলিল তাহা
লা-টির আদর্শেই মনের মতো হইল না। বাবা
বলিল—বাবার যখন মন করছে তখন সে
বাবেই, তাকে কেউ ধরে রাখতে পারবে না।
তুই না যাস্ পড়ে থাকবি। ছেলেকে সে
কখনই এখানে বেধে যাবে না, সঙ্গে করে নিয়ে
যাবেই। ছেলে ছেড়ে যদি না থাকতে পারিস
তো তাকেও সঙ্গে যেতে হবে। আর এখানে
যদি থাকিস তাহ'লে বিয়ের আগে সকাল
থেকে সন্ধ্যা পর্যন্ত যেমন ক্ষেতে কাজ
করতিস, তেমনি করবি। আমি তো আর
বসিয়ে বসিয়ে খেতে দিতে পারবো না।

লা-টি ভাবে নাই তাহাব বাপ যা এমন
নির্দিয়ের মতো কথা বলিবে। সে ভাবিয়াছিল
তাহারা নিশ্চয়ই স্বামীকে গ্রাম ছাড়িয়া যাইতে
বাধা দিবে। এখন সে অকূল পাথারে পড়িল।
এক গাছের তলায় বসিয়া গালে হাত দিয়া
ভাবিতে লাগিল। সামনে একটা ক্ষেতে

চীনদেশের কাঞ্জি

কতকগুলি চাষার মেয়ে কোমর বাঁধিয়া
জমিতে নিড়েন দিতেছিল, পরিশ্রমে ও
রৌদ্রের তাপে তাহাদের মাথার বাম পায়ে
পড়িতেছে। এই দৃশ্য দেখিয়া লা-টির মন ছাঁৎ
করিয়া উঠিল।—এখানে থাকিলে ছদ্মিণ বাসে
তাহারো অবস্থা ঐরূপ হইবে। বাপ রে তাঁর
চেরে মরা ভালো! সে তখন তুসনার
সমালোচনা করিয়া বৃষ্টিতে পারিল তাহার
স্বামী তাহাকে কত সুখে রাখিয়াছে।
সেখান হইতে উঠিয়া ধীরে ধীরে সে তখন
স্বামীর ঘরে ফিরিয়া গেল। অভিমানে
ও আত্মগর্বে মুখ ফুটিয়া কিছু বলিতে পারিল
না বটে কিন্তু মনে মনে ঠিক করিল
স্বামীর সহিত চীন মুলুকে যাইবে। স্বামীও
আর উচ্চবাচ্য করিল না। বারম্বার যাইবার
কেন্দ্র অনুরোধ করিয়া সে জীর কাছে নিজেকে
হেয় করিতে চায় না। সে ঠিক করিল জীকে
এইবার দেখাইবে যে, সে না থাকিলেও তাহার

আল্পনা

দিন চলে—তাহাকে সঙ্গে লইতে সে তত ব্যস্ত নয়।

তুই জবে এইরূপ চুপচাপ্‌ রহিল। শেষে যাইবার দিন যখন পাকি আদিয়া হাজির, তখন লা-টি ছেলেটিকে বুকে লইয়া আস্তে আস্তে পাকিতে চাড়িয়া বসিল—কোনো কথা বলিল না।

তু'দিনের পথ চলিবার পর তাহাদের সঙ্গে এক বণিকদলের দেখা।—তাহারাও চীন-দেশের যাত্রী। সেই দলের যে জর্দার তার নাম ছিল লি। এখানকার পথঘাট লি'র মুখস্থ। সে বৎসরে বহু বার এখান দিয়া যাতায়াত করে। এখানকার নিয়মকানুন, আচারব্যবহার কিছুই তাহার অবিদিত ছিল না।

লোকটাকে দেখিলে তাহার বয়স সহজে ঠাহর হইত না। শরীরের প্রতি অত্যধিক কুৎসিত অত্যাচারে তাহার দেহে অকাল

চীনদেশের কাজি

বার্কক্য আসিয়াছিল। মনের মধ্যে সদাই বদমাইসি খেলিতেছে। লোকটা বাহিরে দেখিতে মোলারেম কিন্তু অন্তরে স্ত্রানক কুটিল। মুখের ভাবে সে নিজের স্বরূপ ঢাকিয়া রাখিবার চেষ্টা করিত। দেখিলেই বোধ হইত খুব ফুর্তিবাজ;—সদাই মুখে হাসি, গান, গল্পগুজব, ঠাট্টামকরা লাগিয়াই আছে। এমন সব মজার মজার চুট্কি গল্প বলিতে পারিত যে লোকেরা হাসিয়া খুন হইত। গলাও বেশ মিষ্ট;—গান গাহিয়া লোককে মুগ্ধ করিতে পারিত। যে তাহার সঙ্গে মিশিত সেই বেশ একটা আমোদ পাইত। পথ-চলার পক্ষে এমন একটা সঙ্গী বড়ই উপাদেয়। সাই তাহাকে পাইয়া বিশেষ আনন্দিত হইল।

সাই ও লি ঘোড়ার পিঠে আগে আগে চলিতেছিল, পিছনে লা-টি হেলোটিকে লইয়া ঘেরাটোপ-ফেলা পাকি চড়িয়া যাইতেছিল।

আল্পনা

লির নজর লা-টির পাক্কির উপরে । বাতাসে
যেমন পাক্কির ঢাকা এক একবার উড়িয়া যায়
অমনি লি লা-টিকে আড়চোখে দেখিয়া লয় ।
লি দেখিল লা-টির চেহারা মন্দ নহে; গায়ে
বেশ ভারি ভারি গহনাও আছে । স্বামীর
সহিত লা-টির যে মনের মিল নাই তাহা
তাহাদের পরস্পরের ব্যবহারে লি শীঘ্রই
বুঝিতে পারিল । সে ভাবিল বাঃ, বেশ তো !
বেশ একটা সুযোগ জুটিয়াছে ! সে তখন
পাক্কির খুব কাছ ঘেসিয়া ঘোড়া চালাইতে
লাগিল এবং সুবিধা বুঝিয়া মধ্যে মধ্যে গুন্‌গুন্
সুরে ছাঁট একটি প্রণয় সঙ্গীত ছাড়িতে লাগিল ।
প্রণয়ে সে লাটির দিকে আড় নজরে চাহিতে-
ছিল এখন বেশ স্পষ্টভাবে কটাকপাত করিতে
আরম্ভ করিল । সে চাহনিতে লা-টিও যে
ঘাড় হেঁট করিয়া রহিল, তাহা নহে । সন্ধ্যার
বাতাসে বাশির সুরের মতো লির গুন্‌গুন্
গান ভাসিয়া আসিয়া তাহার প্রাণটাকে

চীনদেশের কাঞ্জি

উদাস চঞ্চল করিয়া তুলিতেছিল ! গানের সব কথা সে বুঝিতেছিল না বটে কিন্তু সুরের মধ্যে কাঁহার প্রাণের একটা পেছন্ন প্রণয়-আবেগ তাহার স্বামীর-প্রতি-বিক্রম-মনটাকে কোন্ এক অজানা পথে টানিয়া হইয়া যাউতেছিল। লির সেই বিহ্বলতা মাথা কটাঙ্গের মধ্যে এমন একটা নিগূঢ় প্রলোভন ছিল যার আকর্ষণ কাটাঁইয়া তোলা লাটির পক্ষে অসম্ভব হইয়া উঠিল। তাহার ইচ্ছা হইতে লাগিল সেও অমনি করিয়া লির দিকে চাহে। এবং তাহিতেও লাগিল।

রাত্রে, এক চটিতে তাহারা আশ্রয় গ্রহণ করিল। সেখানে রাত্রিষাপনের পর সকালে বাহির হইয়া সমস্তদিন চলিয়া সন্ধ্যার সময় আর এক চটিতে থামিল। এই ভাবে চারি দিন কাটাঁয়া গেল। এর মধ্যে লির কোনো পরিবর্তন দেখা গেল না ;—সে যেমন গান গাহিতে গাহিতে, গল্প করিতে

আল্পনা

করিতে এবং লা-টির উপর কটাক করিতে
করিতে আসিতেছিল, তেমনি আসিতে
লাগিল। লা-টিও আগের মতো তেমনি ভাবে
তাহাকে প্রশয় দিতে লাগিল। তাহার গান
যে লাটির কানে ভালো লাগে, এবং গল্পগুলো
যে অন্তরের সহিত উপভোগ করিতেছে
এমন আভাস দিতে সে ছাড়িল না। এমনি
করিয়া হৃৎকনের অন্তরে প্রেমের ফস্তু বহিতে
লাগিল।

পাঁচ দিনের পর তাহারা সন্ রাজ্যের
সীমানায় আসিয়া পৌঁছিল। এইখানে
কতকগুলো চীনে ধরণে ছোটোখাটো
পান্থনিবাস আছে, তাহারই একটাতে তাহারা
আশ্রয় লইল। তখন প্রায় সন্ধ্যা। লি তাহার
অসবাবপত্র ও বোড়াগুলো কোথায় রাখিবে
সেই ব্যবস্থা করিতে গেল, সাই জীপুত্রকে
লইয়া পান্থনিবাসের একটা ঘরে প্রবেশ
করিল।

চীনদেশের কাজি

লা-টি গৌ হইয়া আছে—কথা কহে না,—মুখে প্রসন্নতা নাই। সাই যতই স্ত্রীকে কথা কওরাইবার চেষ্টা করে সে ততই বাকিয়া বসে। সাইও ততই চটিয়া উঠে। শেষে আদ্য কোনো কথা না কাইয়া সাই বিরক্তির সহিত ঘর হইতে বাহির হইয়া গেল। মনে ভাবিল বাহিরে একটু বেড়াইয়া মনটা ঠাণ্ডা করিয়া আসি। লা-টি একলা সেই ঘরে পড়িয়া রহিল। সন্ধ্যার অন্ধকারে গা ঢাকিয়া লি সেইখানে প্রবেশ করিল।

সাই যখন ফিরিল তখন রাত হইয়াছে। সে একেবারে সটান স্ত্রীর ঘরে গেল। যেমন সেখানে যাওয়া অমনি লা-টি চীৎকার করিয়া উঠিল—ওগো কে আছে! রক্ষা করো—খুন করলে, মেরে ফলে,—ডাকাত! ডাকাত! লি! লি!—শীঘ্র এসো!

সব কথা শেষ না হইতেই লি সবেগে ঘরে আসিয়া প্রবেশ করিল। এমন ভাবে আসিল

আল্পনা

যে মনে হইল যেন এতক্ষণ বাহিরে দরজার পাশে দাঁড়াইয়া সে লাটির এই চীৎকারধ্বনির অপেক্ষা করিতেছিল। সে প্রথমেই সাইয়ের দিকে চাহিয়া চীৎকার করিয়া বলিল—তুই পাগল, না মাতাল? রাত্রিবেলা আমার স্ত্রীর ঘরে ঢুকেচিস্। এত বড় স্পর্ধা তোর! বেরো এখনি—নইলে গলাধাক্কা দিয়ে বার করবে!।

সাই অবাক হইয়া ফ্যাল্ ফ্যাল্ করিয়া চাহিয়া রহিল—মুখ দিয়া কথা সরিল না।

পান্থনিবাসের কর্তা, চাকর-খান্দের প্রভৃতি গোলমাল শুনিয়া সেখানে ছুটিয়া আসিল এবং তাহাদের সকলকে গোল-করিয়া ঘিরিয়া দাঁড়াইল। লি তাহাদিগকে শুনাইয়া শুনাইয়া জোর-গলায় বলিতে লাগিল—বের করে দাও—ওকে বের করে দাও। হাঁ কোরে দেখচো কি? এমনি কোরে তোমরা পাগল মাতালকে এখানে জায়গা দাও—যাদের দৌরাণ্ড্য ভালমানুষের প্রাণ ওষ্ঠাগত!

চীনদেশের কাজি

পাহনিবাসের কঁতা মাথা চুলকাইরা
কহিল—ও তো আপনাদেরই দলের লোক
মশায়—আপনাদেরই সঙ্গে তো এসেছে !

লি বলিল—আরে মোলো, আমাদের সঙ্গে
এসেছে বলেই কি আমাদের দোষ ! তা বলে
কি তোমরা পাগল মাতাল নছার লোকদের
এখানে জায়গা দেবে ? ভদ্রঘরের মেয়েদের
কি এখানে আবরু নেই ? এখনি ও
মাতালটাকে তাড়াও বলচি, নইলে ও বে
রকম করে, আনার দিকে চাইছে, তাতে
নিশ্চয় আমাদের ওর খুন করবার মতলব
আছে !

সুই রাগে থরথর করিয়া কাঁপিতেছিল !
সে ছুটিয়া গিয়া লিকে আক্রমণ করিতে গেল ।
পাহনিবাসের লোকেরা তাহার হাত ধরিয়া
ফেলিল এবং অনেক ধস্তাধস্তির পর
তাহাকে বাড়ির বাহির করিয়া ফটক বন্ধ
করিয়া দিল । সুই তখন সম্বোরে ফটকের

আল্পনা

উপর লাথি, किल, चढ़ मारिते लागिल,
किछु से लोहार कपाट एकटुँ कौपिल ना।
तधन से निरूपय हईया रास्ताय दौड़ाईया
चींकार करिते लागिल। पाड़ार लोके
ताहार कोनो खबरई लईल ना;—तधन
अनेक रात हईराछे, ता छाड़ा पाइनिवासेर
आशेपाशे एमन गोलमाल शोना ताहादेर
अभ्यास हईया गेछे। विशेष किछु बटियाछे
ए कथा केहई मने करिल ना। अलङ्कण
परेई एक पाहाराओयाला आनिरा साहियेर
पिठे कलेर जूता दिया बलिब—छुप र'
छेँचासाने। এই बलिया से एकटा हातकड़ि
बाहिर करिल। साह कोनो कथा ना
बलियाई तङ्कणां कि एकटा चकूके जिनिम
ताहार पकेटे 'खुँ'जिया दिल। आंशुने धेन
अल पड़िल। पाहाराओयाला एकेबाये
नरम हईया गेल—ताहार कथार भङ्गि,
गुलार अर पुरेवर चेये अनेक नीचेर पर्दाय

চীনদেশের কাজি

নানিয়া আসিল। সে বলিল—মশায়! আপনার ভারি ভাগি যে আমার নজরে পড়েছিলেন, আর কেউ হলে কথাটা না করে একেবারে হাজত হেন্তো। আমি ভদ্রলোক, ভদ্রলোকের মান রাখতে জানি! এখন যত সব ছোটোলোক পুলিশে ঢুকেছে—তারা ভদ্রলোকের মান রাখে না! হ্যাং, আপনার হয়েছে কি—জিজ্ঞাসা করতে পারি?

সাই গলাটা একটু পরিষ্কার করিয়া লইয়া বলিল—আমার স্ত্রী চুরি গেছে!

স্ত্রী—চুরি! এতদিন পাগারা দিছি, কই, এমন কথা তো কখনো শুনিনি! গায়ে কি দামী গহনা ছিল?

—ছিল বই কি! তা ছাড়া আমার ছেলে সেই সঙ্গে!

ছেলে! এমন চোর তো দেখিনি কখনো! ছেলে পোষবারই যদি তারে মারখা আছে তবে সে চুরি করে কেন? মশায়! আপনার

আত্মপনা

কথাগুলো কেমন-কেমন ঠেকছে ! কিছু মনে করবেন না । কথা শুনে আপনার মাথার ঠিক আছে কিনা সন্দেহ হয় । আপনি একটু বিবেচনা করে আমাদের মতো লোকের সঙ্গে কথা কইবেন— কারণ এসব কথা আদালতে আপনারই বিপক্ষে দাঁড়াতে পারে !

সাই রাগে ফুলিতে ফুলিতে হুড় হুড় করিয়া আছোপাস্ত সব বলিয়া ফেলিল । তার পব বলিল— বাপু হে ! আজ এখনই যদি তোমাদের পুলিশের কর্তাব সঙ্গে দেখা করিসে দিতে পারো তাহ'লে তা চাইবে তাই পারে !

পাহারাওয়ানা মাথা নাড়িয়া বলিল— অসম্ভব ! এতরাত্রে তাঁর সঙ্গে দেখা হওয়া অসম্ভব ! তিনি এই সবে চণ্ডু খেতে বসেছেন । তাছাড়া, তাঁকে নজর দেবার মতো কোনো জিনিস তোমার কাছে তো এখন নেই—এত রাত্রে দোকান পাট বন্ধ, কিনতেও পাওয়া যাবে না । এখানকার

চীনদেশের কাছি

বিচারকর্তা বড় বদমেজাজি ; যুখে কোনো কথা শোনেন না—লিখে তাঁকে সব জানাতে হয়। তোমার নালিশ কি তা আগে ভালো করে লেখাতে হবে। আমি তোমাকে একজন লোকের কাছে নিয়ে যেতে পারি—সে তারি পণ্ডিত ! এমন করে বানিয়ে তোমার কাহিনী লিখে দেবে যে আদালতে তা পড়বার সময় ঘরস্বল্প লোক চমকে উঠবে। সেই তোমার বন্ধে দেবে কি সংবাদ দিলে বিচারপতি সন্তুষ্ট হবেন—এবং কোন্ সময়টিতে দেখা করলে তোমার কাজ হাঁসিল হ'বে—সব সময় তিনি খুস মেজাজে থাকেন না তো !

—দেখুন মশায় ! জানাব সঙ্গে দেখা হয়েছিল বগেই আপনার সব দিকে সুবিধা হয়ে গেল। আর কেউ হলে, এতক্ষণ হাজতে পুরে পিঠে বেত কশাতো।

এই বলিয়া সে সাইরের দিকে আর একবার

আত্মপনা

ডান হাতটা বাড়াইয়া দিল এবং অল্পক্ষণ পরেই সে হাত জামার ছেবের মধ্যে প্রদীপ্ত হইল।

সাই তখন তাহাকে সঙ্গে করিয়া পূর্বোক্ত পণ্ডিত ব্যক্তিটির বাসায় গেল। সেখানে নিজের দরখাস্ত লেখাইয়া বাহির-বারান্দার একপাশে শুইয়া রহিল। সকাল হইলে দরখাস্তখানি লইয়া তাহার সঙ্গে কিছু ফলমূল ও মিষ্টান্ন বোগ করিয়া বিচারকের পায়ের কাছে ধরিল। বিচারক দরখাস্ত-পত্রখানির দিকে নজর দিয়া তাহা পাঠ করিতে শুরু করিলেন। পাঠ শেষ হইলে সাইকে তাহার নাম, ধাম, গোত্র, ব্যবসা জিজ্ঞাসা করিয়া একখানা প্রকাণ্ড খাতায় তাহা টুকিয়া লইলেন।

সাই খুব উৎসাহের সহিত বিচারপতির কথার জবাব দিতে লাগিল। সে বলিল—এ জেলায় সে হার কখনো আসেনি বটে কিন্তু এর পরের জেলায় তাকে সকলেই চেনে,

চীনদেশের কাছি

সেখানে সকলেই তাকে একজন গণ্যমান্য ব্যক্তি বলে জানে !

বিচারক বলিলেন—এ জেলার আর কখনো আসনি ? সে কথা আগে বললে না কেন ? প্রথমে তারই বিচার করতে হবে যে ! তুমি এ দেশের পরিচিত লোক নও, অধচ এধানকার আদালতে বিচারার্থী ; সে কারণে আইন অনুসারে তোমার জরিমানা হবে । যথা :—তোমার যে নামধাম টুকে নিয়েছি তার জন্য এক ভরি রূপো । তারপর তুমি যে কাল রাতে রাত্তায় গোলমাল করেছ তার দরুন এক ভরি রূপো । এ ছাড়া পাহারাওয়ালার মিছা-মিছি সময় নষ্ট করেছ তার জন্য এক ভরি, এই আদালতে প্রবেশের জন্য এক ভরি, তোমার আর্জি শোনা হয়েছে তার জন্য এক ভরি, আমার এতটা সময় গেস তার জন্য দশ ভরি, আদালতের আমলা আর্জি পড়েছে তার জন্য এক ভরি এবং আমি যে তোমার এই সুবিচার করলাম তার

আত্মপনা

পাঁচ ভরি রূপো আদালতের নিয়মে তোমাকে দিতে হবে,—এখনই দিতে পারবে কিনা আগে বল, তবে তোমার জন্তু কথা শোনা হবে !

সাই কোনো কথা না কহিয়া কোমরের গৌড়ে হইতে কপা ও তোল বাহির করিয়া আদালতের পাওনা চুকাইয়া দিল ।

বিচারপতি তখন বলিলেন—বেশ ! এতক্ষণে সব দস্তবন্দীক হইল—বে-আইনি এখানে চলে না । এখন তুমি যাও ; আজ তোমার বিচার কর্তে অত্যন্ত পরিশ্রান্ত হয়েছি আজ আর হবে না—কাল বিচার হবে । তার জন্তু তোমাকে আবার পাঁচ ভরি রূপো দিতে হবে—ইচ্ছা করলে সেটা এখনই জমা দিতে পারো—কারণ ঐরূপো আদায়ের জন্তু কাল যে আমার সময় নষ্ট হবে তার মূল্য লাওয়া আদালতের নিয়ম । আমি আজই তোমার স্ত্রী ও চোরকে তলব করে তাদের পুনানি শেষ করে রাখব । কাল বিচার-ফল জানাব । এখন তুমি নিজের কাজে যাও ।

চীনদেশের কাজি

সাই এই কথায় ভয়ানক চাটয়া উঠিল। সে বলিল—আমার আবার কাজ কি ? আমার কাজ এই ব্যাপারেব একটা নিষ্পত্তি করা। আমার স্ত্রী পুত্র আমি যাজ্ঞ এখনই চাই ! তাদের এখনই ধরে আনা হোক ! নইলে আমি মহা কাণ্ড বাধাবো !

আদালতের মধ্যে বিচারকের সম্মুখে দাঁড়াইয়া সাইয়ের এই বাচালতার বিচারকর্তা আশ্চর্য হইয়া উঠিলেন, হুকুম না লইয়া কথা কওয়ার অপরাধে সাইয়ের তৎক্ষণাৎ এক ভরি রৌপ্যদণ্ড হইল। আদালতের লোকেরা ছুটিয়া আসিয়া সাইকে কোনো কথা না বলিয়া একেবারে তাহার খলি কাড়িয়া লইল এবং রূপা ওজন করিতে বসিল। যতক্ষণ পর্য্যন্ত না নিষ্কির রূপা রাখিবার বাটিটা নামিয়া আসিয়া মাটিতে ঠেকিল ততক্ষণ পর্য্যন্ত তাহার রূপা চাপাইতে লাগিল। এইরূপ ওজনে সমস্ত রূপাটুকু নিঃশেষ করিয়া লইয়া তাহার সাইকে

আল্গনা

আদালতের বাহির করিয়া দিল। সেই বাহিরে দাঁড়াষ্টয়া খুব চীৎকার করিতে লাগিল। আদালতের লোকেরা তখন তাহাকে ধরিয়া আনন্দে পুরিল এবং কয়েক খণ্টা আটক রাখার পর ছাড়িয়া দিল।

এই ব্যাপারের একটু পরেই মি জা-টিকে সঙ্গে লইয়া আদালতে উপস্থিত। কোমো কথাবার্তা না কহিয়া একথানা খুব ভাবি রকমের সোনার পাত (অবশ্য সেটি সাইয়েবই সম্পত্তি) একেবারে বিচারকের পায়ের তলায় ধরিয়া। তারপর বলে—হুজুর! আমি এ জেলায় প্রায়ই আসি, হুজুরকে আমি খুব জানি—হুজুরের প্রতাপ এ অধমের আঁবদিত নাই—আপনিই এখানকার মাবাপ! আমার বড় ছেধ যে সাই নামে একটা জুরাচোরের সঙ্গে মামলায় পড়ে হুজুরের কাছে আমার পরিচিত হতে হ'ল—একটা ভাল উপলক্ষ্য ধরে আসতে পারলুম না। আপনার মতো মহাশয়

চীনদেশের কাছ

ব্যক্তির অমূল্য সময় এই সব মিথ্যা মামলার
নষ্ট হচ্ছে, এ বড়ই আপসোষের কথা !

বিচারক তখন লা-টিকে সিজাসাবাদ
করিতে লাগিলেন। লিও সবস্তু-রাত-ধরিয়্যা-
শেখানো বুলি লা-টি মুগ্ধ বলায় মতো বদিয়া
গেল। প্রশ্নোত্তর শেষ হইলে লিও সেলাম
দাড়াইয়া দাঁড়াইয়া উঠিয়া বলিল—আমার বড়
মৌভাগ্য যে আপনার মতো বিবেচক বুদ্ধিমান
সুবিচারকের হাতে এই নকদমার ভার পড়েছে।
আপনার নিকট যে উপযুক্ত বিচার পাব সে
বিষয়ে সন্দেহ নেই। হুজুরের জ্ঞাতার্থে বলে
রাখি যে, এই নকদমার ব্যয়নির্বাহের
জন্য আমি এক ভাল রূপা হুজুরে জনা

লা-টি ও লিও যেন আদা-গত হইতে বাহির
হইয়া গেল অমনি সাই আসিয়া সেখানে
উপস্থিত ! সে বলিল—এখনি বিচার
করুন !

আত্মপনা

স্বপ্নাব হইল—বিচার শেষ হইয়া গেছে।
তাহারা স্বামী স্ত্রীতে এতক্ষণ বাড়ি পৌঁছিয়াছে।
তুই—

—সে যে আমার স্ত্রী ! আমার ছেলে !

—ছেলে ? ছেলের কথা তো ওঠে নাই !

পরের ছেলে তুই পাবি কেন ?

—সে আমার ছেলে—সে আমার ছেলে—

সে ছেলে আমার চাই !

—চাই ! এক বড় স্পর্ধা ! আমার মুখের
উপর কথা !

কথা শেষ হইতে না হইতেই শেয়ানারা
আসিয়া সাইকে ধরিল। বিচারকর্তা ছকুম
দিলেন—পাঁচিশ বেত !

সাত্বয়ের কানে সেই কথা প্রবেশ করিবা-
মাত্র সেখান হইতে সে ছুট দিল। যাহারা
তাহাকে ধরিতে গেল সজোরে তাহাদের হাত
হিনাইয়া উর্দ্ধ্বাসে দৌড়িতে লাগিল। ছুটিয়া
একেবারে 'সবওয়া'র প্রাসাদ-তোরণে

চীনদেশের কাছি

আসিয়া দাঁড়াইল । সেখানে একটা প্রকাণ্ড
ঢাক বাঁধা ছিল ; সেই ঢাকের উপর ঘন ঘন
কাটি দিতে লাগিল ।

সবওয়ার প্রাসাদে যে ঢাক আছে তাহা
সচরাচর বাজানো হয় না । রাজ্যে যদি বিপদ
উপস্থিত হয় তবেই তাহার উপরে কাটি পড়ে ।
বড় জোর আগুন লাগিলে বা খুন হইলে
কখনো কখনো বাজে--তার চেয়ে কম
আবশ্যকে কখনো বাজে না । বহুদিন হইতে ঢাক
নীরব ! আজ হঠাৎ ঢাকের বাণ্ড শুনিয়া
প্রাসাদের মধ্যে হৃদয়স্থল পড়িয়া গেল । সব ওয়া
ব্যস্তসমস্তভাবে বিশ্রাম করি হইতে বাহির
হইলেন । ঢাকের নফর, লোক মস্কর, সৈন্ত-
সামন্ত, দূত, প্রহরী, নাপিত, গায়ক, বাদক,
তাম্বুলি, ছাঁকাবরদার সে যেখানে ছিল ছুটিয়া
বাহিরে আসিল, এবং সমুখে যে যে-অঙ্গ
পাইল উঠাইয়া লইল । কাহারো হাতে শুধু
ঢাল, কাহারো হাতে শুধু তলোয়ার ! কেউ

আত্মপনা

ধনুক লইয়াছে তাঁর লয় নাই, কেউ তুণ
লইয়াছে ধনুক লয় নাই !

সাই তখনো ঢাক বাজাইতেছে এবং
মধ্যে মধ্যে আশপাশের জনতার দিকে কটমট
করিয়া চাহিতেছে। ভয়ে কেহ তাহার দিকে
অগ্রসর হইতেছে না। অসনসাহসী একজন
ছিল সে একটু কাছে গিয়া সাইকে জিজ্ঞাসা
করিল—“কি চাও তুমি?” তখন আর সকলে
সাহস পাইয়া তাহার দিকে বুঁকিয়া দাঁড়াইল
এবং সমস্বরে বলিয়া উঠিল—কি চাও
তুমি ?—কি চাও তুমি ?

সাই বলিল—বিচার চাই !

সবওয়া যখন দেখিলেন কোনো বিপ্লব
বাধে নাই বা কোনো শত্রুপক্ষ তাঁহার প্রাণাদ
আক্রমণ করে নাই তখন তিনি উপরের
বারান্দা হইতে মুখ বাড়াইয়া জিজ্ঞাসা
করিলেন—ব্যাপার কি ? কে ও ?

যে সবপ্রথম সাইকে প্রশ্ন করিয়াছিল সে

চীনদেশের কাজি

সবওয়াব দিকে মুখ তুলিয়া বলিল—হুজুর !
একজন চীনে—বিচার চায় !

সবওয়াব বলিলেন—ওঃ ! বিচার চায় ।
বেশ ! লোকটা পাগল কিম্বা মাতাল নয় তো ?
হাতে অস্ত্রশস্ত্র আছে না কি ?

—আস্ত্রা না হুজুর !

—তবে ওপরে নিয়ে আর ।

জন পঞ্চাশেক লোক সাইকে পাকড়াও
করিয়া টানিতে টানিতে সিঁড়ি দিয়া উপরে
তুলিল, এবং সবওয়াব যে মঞ্চের উপর বসিয়া
ছিলেন তাহার তলায় ধপ্ করিয়া ফেলিয়া দিল ।

সবওয়াব সাইকে প্রশ্ন করিলেন—চাক
পিটছিলে কেন ?

সাই হাঁপাইতে হাঁপাইতে বলিল—আমার
স্ত্রী—আমার পুত্র—চুরি গেছে—আদালতে
বিচারের জন্ত গিয়েছিলাম—বিচার হয়েছে
আমারই পিঠে পঁচিশ বেত !

সবওয়াব গম্ভীর ভাবে মাথা নাড়িয়া বলিলেন

আল্পনা

—হাঁঃ! তারপর একটু চুপ করিয়া ধীরে ধীরে বলিলেন—তোমার বোধ হয় জানা নেই আমার ঢাক যখন-তখন বাজে না। যদি কেউ শুধু শুধু বাজায় তাকে শাস্তি পেতে হয়। আগে সেই শাস্তি নাও তবে তোমার অশ্রু কথা শুন্বো। ওরে! একে পঁচিশ বেত দে!

দুইজন পাইক আসিয়া সাইকে বাঞ্জিয়া লইয়া গেল। বেতমাঝা হইয়া গেলে সবওয়া বলিলেন—এতক্ষণে আইনমাফিক্ সব হল! এরাড্যো বে-আইনি হবার ঘো-টি নেই! এখন বল তোমার কি বলবার আছে—কে তোমার স্ত্রীপুত্র চুরি করেছে?

সাইয়ের অঙ্গ বেত্রাধাতে যত না জ্বলিতেছিল রাগে তত জ্বলিতেছিল। সে একটু সামলাইয়া গেল। এতক্ষণে তাহার এই সংবুদ্ধিটুকু জন্মিয়াছে যে রাগ প্রকাশ করিলে আসল কাজ মাটি হইবে—উপরন্তু লাঞ্চার অস্ত্র থাকিবে না। সে ধীরভাবে

চীনদেশের কাজি

আগোপান্ত সকল কথা বলিল। কথা শুনিয়া সবওয়া হুকুম দিলেন—যা এখন তাদের সকলকে ধরে নিয়ে আয়।

সব কথা বাহির হইতে না হইতে পঁচিশজন লোক উর্দ্ধ্বাসে ছুটিল এবং পাহনিবাসে যে যেখানে ছিল সকলকে ধরিয়া আনিল—কি ছানি বাছিয়া আনিতে গেলে যদি আসল লোককে না আনা হয়!

সবওয়া লিকে জিজ্ঞাসা করিলে লি বলিল লা-টি তাহার স্ত্রী।

সাই বাধা দিয়া বলিল—মিথ্যা কথা! লা-টি আমার স্ত্রী!

তার পর লা-টিকে প্রশ্ন করা হইল। সে বলিল—সাইকে আমি চিনি না—লিই আমার স্বামী!

এ বড় সমস্যার কথা! এখন লা-টি সত্যই কাহার স্ত্রী এ কথা বিচার করিয়া বলা বড় সহজ নহে। সবওয়া বিপদে পড়িলেন। বৃদ্ধের

আল্পনা

কুদিত ক্র আয়ো কুক্ষিত হইয়া উঠিল ! কি
বিচার হয় শুনিবার ক্ষণ সভাসুদ্ধ লোক স্তব্ধ
হইয়া রহিল !

সবওয়া আসন ছাড়িয়া উঠিয়া দাঁড়াইলেন—
—ঘরের মধ্যে পায়চারি করিতে করিতে
ভাবিতে লাগিলেন । হঠাৎ তাহার মুখভাবের
পরিবর্তন হইল । তখন তিনি আবার স্থান-
গ্রহণ করিলেন । বলিলেন—“বুড়ো মানুষ
দৌড়ধাপ করে ক্ষিধে পেয়েছে—ওরে যা তো
কিছু খাবার নিয়ে আয় তো !

তৎক্ষণাৎ সোনার খালে ফলমূল-মিষ্টান্ন
আসিয়া হাজির হইল । সাইয়ের ছোট ছেলেটি
সেখানে বসিয়াছিল তাহার হাতে আগে
না দিয়া কি কিছু মুখে তোলা যায় ! সবওয়া
তাহাকে ডাকিয়া একটা মিষ্টান্ন দিলেন ।
সে তাহা লইয়া খাইতে লাগিল । সবওয়া তখন
নিজে আহারে মন দিলেন এবং মধ্যে মধ্যে
ছেলেটির দিকে দৃষ্টিপাত করিতে লাগিলেন ।

তীনদেশের কাজি

ছেলেটির যখন খাওয়া শেষ হইল তখন, সবওয়া তাহাকে আবার ডাকিয়া জিজ্ঞাসা করিলেন—
—আর কিছু খাবি ?

সে ঘাড় নাড়িয়া বলিল, না !

সবওয়া বলিলেন—যা, তবে চট করে
তোমর বাপকে এইটে দিগে আয় !

সে যাহাকে বরাবর নিজের বাপ বলিয়া
খানে দৌড়িয়া গিয়া তাহারই হাতে মিষ্টান্ন
ভুলিয়া দিল । সাই তাহাকে সঙ্গেহে কোলে
লইয়া তাহার মুগ্ধমন করিল । সম্ভ্রামধ্যে
সবওয়ার অন্ন জরফার গড়িয়া গেল !

সবওয়া তখন দাঁড়াইয়া উঠিয়া বলিলেন
—আমার বিচারে বদমায়েস লি দোষী—তাহাকে
রাস্তার মাঝে দাঁড় করাইয়া পাঁচশো কোড়া নারা
হোক ! লা-টিও দোষী—তার ভ্রশোবার কান
মগ্ন হোক । আর ছেলেটি বিচার কার্যে
সহায়তা করিয়াছে বলিয়া পুরস্কার-রূপ তাহাকে
আমার পাতের বাকি মিষ্টান্ন দেওয়া হোক !

ঘটনাচক্রে

স্বামী ও স্ত্রীতে প্রায়ই তর্ক বাধিত ।
তর্ক-বিষয় খুব জটিল না হইলেও কথার
উপর কথা পড়িয়া তাহা কেবল জট পাকাইত
—দীনাংসা কখনো হইত না । স্বামী যাহা স্থির
করেন তাহা আদর্শেই স্ত্রীর মনের মতো হয় না
এবং স্ত্রীর যাহা মন্তব্য তাহা এমনই বুদ্ধি-
হীনতার পরিচায়ক যে স্বামীর মতো বিস্তৃত ব্যক্তি
তাহা কখনই গ্রহণ করিতে পারেন না । এই
রূপে দুইটি প্রাণী চিরকাল পাশাপাশি থাকিয়া
নিজ নিজ নত স্বাপন করিয়াই চলিতেছিল ;
কিন্তু দুইটি সমান্তরাল সমরেখার মতো তাহাদের
মতের মিল হওয়ার কোনো সম্ভাবনাই দেখা
যাইতেছিল না ।

স্বামীলোকের বাকু সেকালের লোক হইলেও
অনেক বিষয়ে একালের লোকের মতো ছিলেন ।

ঘটনাচক্র

বালাবিবাহ প্রভৃতি কতকগুলি সামাজিক বিষয়ে তিনি ঠিক সেকেন্দ্রে মত পরিপোষণ করিতেন না। নয় বছরের কণ্ঠার বিবাহ দিয়া গৌরীদানের ফল লাভের আকাঙ্ক্ষা তাঁহার বড় দেখা যাইত না, কিম্বা অল্পবয়স্ক পুত্রকে সংসারী করিয়া পুত্রায় নরক হইতে কোন পাইবার ব্যবস্থা সম্বন্ধেও তাঁহার বিশেষ ব্যগতা ছিল না। তিনি মেয়েদের লেখাপড়া শিখাইয়া একটু বড় করিয়া বিবাহ দিবার পক্ষপাতী ছিলেন এবং ছেলেদের বেলায় বলিতেন যে প্রতিমত অর্থোর্জজন করিতে না পারা পদাঙ্ক তাহাদের বিবাহ করা উচিত নয়।

অত্যাচার মতের চেয়ে তাঁহার এই শেষোক্ত মতটির একটু বিশেষ দৃঢ়তা ছিল। তাঁহার একমাত্র পুত্র নরেন্দ্রনাথ বি. এ পরীক্ষায় উত্তীর্ণ হইয়াছে, বয়স একুশ পার হইতে চলিল, গৃহিণীর মোহাগমিশ্রিত অনুরোধ, অভিনয়সঙ্গীত ক্রোধ, ঘটক-ঘটকীর প্রাত্যহিক উত্থাপন,

আত্মপনা

এ সমস্ত কিছুই বামলোচনকে সংকল্পভ্রষ্ট করিতে পাবে নাই। পুত্রের বিবাহের কথা উঠিলেই তিনি সে কথা চাপা দিয়া বলিতেন—“নহেন টাকা-কড়ি আয়ুক, উপায় করুক, স্ত্রী তো বিবাহ করবে। এত জাড়াতাড়ি কেন? এখন থেকে একটা গলগ্রহ জুটিয়ে দিয়ে আমি তাব ভবিষ্যৎ উন্নতির পথ মাটি করতে পারব না,—বাপ হয়ে তাকে ছুঃখের ঘূর্ণাবর্তের মধ্যে ফেলে দেবো?”

গৃহিণী কিন্তু একথা কিছুতেই বুঝিতেন না। একটু সুত্রবধু ঘরে আনিবার জন্য তাঁহার অধীরতা দিন দিন বাড়িয়াই উঠিতেছিল। তিনি প্রতিদিন নানা উপায়ে স্বামীকে উদ্ভাস্ত করিতেন, কিন্তু বামলোচন কিছুতেই স্নান হইতেন না। তিনি বলিতেন—“অর্থোপায় না কবে বিবাহ করাতে আনাদের দেশের দৈন্য দিন দিন বেড়ে উঠছে; ছেলের বিয়ে দেবার সময়ে প্রত্যেক পিতা মাতার একথা ভাবা উচিত।”

শ্রী পাণ্টা জবাব দিয়া বলিতেন—‘আজ পর্য্যন্ত কেউ এ বিষয়ে ভাবলে না, আর তোমারই ছেলের নিয়ের সময় ভাবনার আকাশ ভেঙে পড়ল—যত সব অনাস্থাই কথা! কই তুমি নিজে নিয়ে সর্ব্বদা সময় তো একথা ভাবনি! তখন তো তুমি উপায়ের ‘উ’ পর্য্যন্ত জানতে না—তার জন্তে তোমায় এমন কি দুঃখের মাগরে ভাসতে হয়েছে।’

রামলোচনবাবু এ কথায় একটু থতমত খাইয়া যাঠিতেন, শ্রীর দৃষ্টান্তকে সমাপ্ত করিবার যো নাই, লক্ষ্মীর কৃপায় জীবনের অর্ধেক অভাব ছিল না। কিন্তু তিনি এত সহজে পরাজয় মানিবারও পাত্র নহেন, তিনি বলিতেন—“সে কাল কি আছে!”

শ্রী উত্তর করিতেন—“কাল আবার গেল কোথায়—তখনও যেমন চন্দ্রসূর্য্য উঠত এখনও তেমনি ওঠে, তখনকার মতো এখনও দিন রাত্রি

অল্পনা

আছে ; ছেলের বিয়ে দেবার বেলায় তুমিই
কাল ঘুরিয়ে দিচ্ছ বইত নয় ।”

স্বামী একটু বিরক্ত হইয়া বলিতেন—“চন্দ্র
স্বাধীন পানে চেয়ে তো আঁধার মানুষের পেট
ভর না । সেকালে চাঁদ টাকায় একটা লোকের
চমত, এখন চল্লিশ টাকাত্তেও কুলায়
না । তখন লোকে যা উপার্জন করতে
পারত এখন তার সিকিও পারে
না ।”

স্ত্রী বলিতেন—তার জন্ত স্ত্রীপুত্র দায়ী নয় ।
আমাদের শাস্ত্রে বলে স্ত্রী যয়ং লক্ষ্মী : স্ত্রীর
সঙ্গ সঙ্গে যবে লক্ষ্মী আসেন—স্ত্রী-অভাবে
পুরুষরা লক্ষ্মী-ছাড়া !”

রামলোচন বাবু রাগিয়া উঠিয়া বলিতেন
—“তোমার মতো নৃথক তর্কে বুঝানো যায় না ।
সংসারের বোঝা ঘাড় করে দিন দিন যে
লোকে দৈন্তের সাগরে ডুবছে একথা তোমার
মতো নৃথ স্ত্রীলোকে বুঝতে পারবে না । যাও—

আমি তর্ক করতে চাইনে—আমার এক কথা, নরেনের বিয়ে দেবো না।”

স্বামীর এই রূঢ় বাক্যে স্ত্রীর চোখে জল আসিত, তিনি আঁচলে চোখ মুছিতে মুছিতে চলিয়া যাইতেন। কিন্তু পরদিন আবার পুত্রের বিবাহ-প্রসঙ্গ উত্থাপন না করিয়া থাকিতে পারিতেন না। তাঁহার প্রাণটা ছটফট করিত। শেষে যখন তর্কে পারিয়া উঠিতেন না তখন বলিতেন—“আচ্ছা, অদৃষ্টে যদি ওর বিয়ে এখন থাকে তো কেউ ঠেকাতে পারবে না।”

স্বামী চটিয়া উঠিয়া বলিতেন—“সেই বেশ! অদৃষ্টের দিকেই তাকিয়ে থাকো—আমায় কেন বিরক্ত কর!”

(২)

রামলোচন সঙ্গতিপন্ন ব্যক্তি ছিলেন, নরেন অর্থোপার্জন না করিলেও পিতৃ-অর্থে সুখে স্বচ্ছন্দে সংসারযাত্রা নিৰ্ব্বাহ করিতে পারিত। তদ্রূপ তিনি পুত্রের বিবাহ দিতে

অনুপনা

চাহিতেন না তাহাব কারণ, তিনি নিজে যে
অতকে ভালো বলিয়া সকলের কাছে প্রচার
করিতেন তাহা অমান্য করাকে তিনি হৃদয়ের
অভ্যন্তর দুর্বলতা গনে করিতেন। তাঁহার
মনে মনে গর্ব ছিল, তিনি একজন দৃঢ়চিত্ত
ব্যক্তি, তিনি সে গর্বের হানি করিতে চাহিতেন
না। কথায় বার্তায়, আলাপে ব্যবহারে তিনি
প্রকাশ করিতেন যে, সমাজের মধ্যে যে কুশখা
আশ্রয়লাভ করিয়া জাতিকে ধ্বংসের পথে
লইয়া যাইতেছে, অন্ধ সংস্কারের বন্দুকী হইয়া
তাহাকে তিনি কিছুতেই প্রেরণ দিবেন না।
সমাজের যে অংশ জীর্ণ হইয়া পড়িতেছে,
আপনাপন শক্তিতে তিনি তাহার সংস্কার করিতে
প্রস্তুত আছেন। তাঁহার এই বাক্যের সহিত
তিনি নিজের দৈনন্দিন কর্মের সামঞ্জস্য রাখিয়া
চলিতেন। পুত্রকে উপায়কম করিবার জন্য
তিনি যে এত ব্যস্ত ছিলেন তাহাব আরো এক
কারণ,—তিনি মনে মনে সংকল্প করিয়াছিলেন,

নিজের অর্জিত অর্থ দেশের কোনো হিতকর্মে
দান করিয়া যাইবেন।

হিন্দুর অন্তঃপুর, কঠিন ছাঁচে গঠিত।
রামলোচন বাবু বহিঃসমাজ সংস্কারের অভিমত
যত সহজে ব্যক্ত করিতে পারিতেন নিজের
পরিবারে সেই অভিমত কার্যে পরিণত করিতে
গিয়া দেখিতেন যে সংস্কার ব্যাপারটা তেমন
সহজ নয়। তাঁহার যুক্তি, তাঁহার শাসন অন্তঃ-
পুরের কঠিন প্রাচীরে লাগিয়া নিফল হইয়া
ফিরিয়া আসিত। তাঁহার পত্নীর বুদ্ধির প্রার্থ্যা
যথেষ্ট ছিল বটে, কিন্তু সে প্রার্থ্যা অন্তঃপুরের
মধ্যে অজ্ঞানভিমিরাবৃত গুপ্ত অনিষ্টের উপর
আলোকবর্ষণ করিতে পারিত না; সেগুলি
তাঁহার স্বামী চোখে আঙুল দিয়া দেখাইয়া দিলেও
তিনি দেখিতে পাইতেন না, দেখিতে পাইলেও
তাঁহা অনিষ্টকর বলিয়া স্বীকার করিতেন না।
এই রকমে একটি ক্ষুদ্র পরিবারের মধ্যে অনবরত
পরিবর্তন ও পরিষ্কারের বন্দ চলিতেছিল।

আল্পনা

পত্নী স্বামীর সকল উৎপাত মার্জনা করিতেন কিন্তু পুত্রের বিবাহের আপত্তিতে তিনি অতিষ্ঠ হইয়া উঠিয়াছিলেন। তাঁহার কন্যা ছিল না। একটিমাত্র পুত্র। পুত্রের সহিত একটি ছোট বালিকার বিবাহ দিয়া তাহাকে কন্যার মতো প্রতিপালন করিবেন, এ আশা তাঁহার বহু দিনের সঞ্চিত। তিনি অনেক দিন হইতে বাড়ীর মধ্যে একটি অবগুণ্ণহীন ক্ষুদ্রবধূর ছুটা-ছুটি, খেলা-ধাড়া, আদর-আকার কল্পনা করিয়া আসিতেছেন। ভাবী বধূর জন্ত কত রাশি রাশি খেলনা, কত রকমের পোষাক পরিচ্ছদ সঞ্চিত হইয়া আছে, তাঁহার যখন যে ক্রিনিসাট চোখে ভাল ঠেকিয়াছে তাহা সেই অনাগত বধূটির জন্ত সংগ্রহ করিয়া রাখিয়াছেন। নানা উপাদানে ও আড়ম্বরে একটি খেলাঘর প্রস্তুত, কিন্তু খেলিবার প্রাণীটির অভাবে তাহা ধূসিমাৎ হইতে বসিয়াছে। এত করিয়া যে আশা পূর্ণ করিয়া আসিয়াছেন,

ঘটনাচক্র

কেন্দ্র স্বামীর একটা অকারণ জেদের জন্য তাহা ফলবতী হইতে পারিতেছে না—এই কথা স্মরণ করিয়া তাঁহার চক্ষে জল আসিত।

এক একদিন ছাদে উঠিয়া যখন দেখিতে পাইতেন ব্যাণ্ডের নাচ ও আলোকমালায় বেষ্টিত হইয়া অপর বাড়ির ছেলে বিবাহ করিতে যাইতেছে তখন তাঁহার প্রাণটা ভরিয়া উঠিত; মনে হইত, কবে তাঁহার পুত্রটিও এমনি করিয়া একটি সোনার টাঁদ বধু আনিতে যাইবে। তিনি অনেক দিন অপেক্ষা করিয়া আছেন, আর পারেন না :—নরেন এম, এ পাশ করিবে, ওকালতী পরীক্ষায় উত্তীর্ণ হইবে, অর্থোপার্জন করিবে, ওঃ সে অনেক দিনের কথা!

(৩)

ঘটকীর মুখে একটি বালিকার বিবরণ শুনিয়া তাহাকে পুত্রবধুত্বে বরণ কবিবার জন্ত রামচোচন-গৃহিণীর বড় ইচ্ছা হইতেছিল। তাহার এ ইচ্ছার প্রধান কারণ বালিকাটি পিতৃমাতৃহীনা। তাহার মনে হইতেছিল, তাহাকে পাইলে, তাহার যত্ন ও স্নেহে তিনি তাহার মাতার স্থান শীঘ্রই অধিকার করিতে পারিবেন। মেয়েটির প্রতি গৃহিণীর মাতৃস্নেহ আপনা-আপনি উৎসাহিত হইয়া উঠিতেছিল। বালিকার নাম শুভা। সে তাহার এক দরিদ্র মাতুলের গাছে প্রতিপালিত হইতেছে। মাতুলের এমন সংস্থান নাই যে, নিজের পুত্র-কন্যাগুলিকে স্বাভাবিক গ্রাসাচ্ছাদন দিতে পারেন, কাজেই শুভা সেই সংসারে দুর্কিসহ ভারস্বরূপ বিবেচিত হইতেছিল। আশ্রয়হীনা, স্নেহবঞ্চিতা, বুকু বালিকা বেথানে আশ্রয়

ঘটনাচক্র

স্নেহ ও অশ্রুর জন্তু আসিয়াছিল সেখানে তাঁরা
হুপ্রাপ্য। গৃহিণীর ইচ্ছা হইতেছিল, তাঁহাকে
এই দারিদ্র্যের মরুভূমি হইতে উঠাইয়া ঐশ্বর্যের
শ্রামলক্ষিত্র ক্রোড়ে স্থাপন করেন। কিন্তু শীঘ্র
সে অভিনাথ পূর্ণ করিবার কোন উপায়
দেখিতেছিলেন না বলিয়া অন্তরে দারুণ দুঃখ
বোধ করিতেছিলেন।

গৃহিণী শুভাকে যখন নিজের চোখে
দেখিয়া আসিলেন, তখন তাহাকে বধুরূপে
গ্রহণ করিবার ইচ্ছা অধিকতর বলবতী হইয়া
উঠিল। মেরেটির উপর কেমন একটা মায়া
পড়িয়া গেল—কেবলই মনে হইতে লাগিল
তাহার সহিত তাঁহার নিজের যেন কি একটা
সম্পর্ক জন্ম-জন্মান্তর হইতে স্থির হইয়া আছে।
তিনি স্বামীকে হৃদয়বান ব্যক্তি বলিয়া জানিতেন,
সেই জন্তু মনে করিতেন দুঃস্থ পরিবারের করুণ
আবেদন হয়ত স্বামীর ধনুর্ভঙ্গ পণ টলাইতে
পারে,—শুভার মাতুলানীকে বলিয়া আসিলেন,

আত্মপনা

যেন তাঁহারা কষ্টের কাছে গিয়া নিজেদের
ছুঃখকাহিনী জানাইয়া বিবাহের জন্ত বিশেষ
করিয়া ধরিয়া পড়েন ।

কিন্তু তাহাতেও কোনো ফল হইল না ।
শুভার নাহুল একদিন তাগিয়া রামলোচনের
পা দুটি জড়াইয়া ধরিয়া বলিলেন—“আনি
গরীব, আমায় রক্ষা করুন, শুভাকে আপনার
গৃহে স্থান দেন, নহিলে আমি মারা বাই ।”

মাতুলের কাতবতায় রামলোচন ছুঃখ
অনুভব করিলেন বটে, কিন্তু তজ্জন্ত নিজের
সংকটে জলাঞ্জলি দিতে মন দাওল না । তিনি
নিজে দারদ্রের সম্ভান ছিলেন, দরিদ্রপরিবারের
কষ্টকে পাজস্ব করা কি কষ্টকর তাহা তিনি
জানিতেন, কারণ বালাবস্থান তাঁহার ভগিনীর
বিবাহ দিবস সময় পিতার অনস্থা স্বচক্ষে
দেখিয়াছিলেন । কল্যাদায়গ্রস্ত পিতার নিদ্রা-
বিহীন রজনীযাপন, চিন্তাভারাক্রান্ত বিশুদ্ধমুখ,
অর্থসংগ্রহের বিফল চেষ্টার রাত্রিদিন

ঘটনাচক্র

ব্যতিব্যস্ততা দেখিয়া তিনি মনে মনে প্রতিজ্ঞা করিয়াছিলেন যে, তিনি যদি পারেন তো ভবিষ্যৎ জীবনে এ কষ্টের প্রতিকারের যথাসাধ্য চেষ্টা করিবেন ;—নিজের পুত্রের বিবাহ দরিদ্র কন্যার সহিত দিবেন, এক কপর্দকও আকাঙ্ক্ষা করিবেন না।

কিন্তু এখন কার্যক্ষেত্রে বাল্যকালের সেই প্রতিজ্ঞার বিরুদ্ধে পরিণত বয়সের সমাজ-হিতসংকল্প দণ্ডায়মান। চিন্তা করিয়া দেখিলেন, সে প্রতিজ্ঞার মূল্য অপেক্ষা এখনকার সংকল্পের মূল্য অনেক অধিক ;—তাহা এত সহজে তিনি ত্যাগ করিতে পারেন না। শুভার মাতুলকে একেবারে মনঃক্ষুণ্ণ করিতে চাহিলেন না, বিবাহের জন্ত কিছু অর্থ সাহায্য করিবেন বলিয়া বিদায় করিলেন ; যাইবার সময়ে তাঁহাকে বলিয়া দিলেন,—“কিন্তু আমি একটা সর্ত্ত রাখতে চাই,—কোনো উপার্জনক্ষম পাত্রকে কন্যাদান করতে হবে,

অাল্পনা

কেবল কুলগৌরবের প্রতি লক্ষ্য রাখলে
চলে না। এতে যদি বেশী অর্থের
প্রয়োজন হয়, তা দিতেও প্রস্তুত আছি।”

সানলোচন-পত্নীর আশা পূর্ণ হইল না।
এত কসিয়াও তিনি তাঁহার স্বামীকে সেই
কঠোর পণ হইতে এক পাও সরাইতে
পারিলেন না।

(৪)

একমাত্র পুত্র বলিয়া নারদ্রনাথ মাতার
পূর্ণনেহটুকু ভোগ করিতেছিল। মাতা তাহাকে
এখনও পর্যাশ্রিত ক্ষুদ্র শিশুটির মতো পালন করিয়া
আসিতেছিলেন। পুত্রের সকল পরিচর্যা
তিনি নিজের হাতে করিতেন। আহার শয়ন,
প্রভৃতির তত্ত্বাবধান নিজে না করিয়া তৃপ্তিলাভ
করিতে পারিতেন না। এই কারণে নরেন
গৃহকর্মে বালকের মতো অপটু রহিয়া
গিয়াছিল, বিদ্যাচর্চায় জ্ঞান বাড়াইতেছিল কিন্তু

ঘটনাচক্র

পরনির্ভরতায় নিতান্ত নিঃসহায়ের অবস্থা হইতে এক পাও অগ্রসর হইতে পারে নাহি। পরিবার কাপড় জামা মা না ঠিক করিয়া রাখিলে তাহার জনসমাজে বাহির হওয়া দুর্ঘট হইত। পড়ার বই ও লেখার কালিকলম হাতের কাছে মা যদি গুছাইয়া না দিতেন তাহা হইলে নিশ্চয় তাহাকে সবগুলি পরীক্ষায় ফেল হইয়া আসিতে হইত।

নরেনের পাঠ্যগৃহ তাহার মা প্রতিদিন পরিষ্কার করিয়া গুছাইয়া দিতেন। কালেক্সের নোট-বইয়ের ভ্রষ্টপাতা, তর্জমা ও এক্সারসাইজের খাতা, পাঠ্যপুস্তক, সংবাদপত্র এবং নানারকমের ইংরাজী-বাংলা-লেখা চোতা কাগজ ঘরময় ছড়ানো থাকিত। আলাগা কাগজ খাতাসে উড়িয়া বেড়াইত, মা সেগুলি প্রতিদিন উঠাইয়া ঠিক করিয়া গুছাইয়া রাখিয়া দিতেন। কালেক্সের সময় নরেন এই সব কাগজ-পত্র যখন খুঁজিয়া পাইত না, তখন জননী

আত্মপনা

নিকট অনুসন্ধান করিত, তিনি বাহির
করিয়া দিতেন ।

একদিন জঞ্জাল সরাইতে সরাইতে
হঠাৎ নরেনের হাতের লেখা এক টুকরা
কাগজ তাহার মাতার সোথে পড়িয়া । সেই
কাগজের শিরোনামে লিখিত দুইটা কথা তাঁহার
দৃষ্টি আকর্ষণ করিল,—“প্রিয়তমা মঞ্জরি !”
তিনি তাড়াতাড়ি উঠাইয়া গিয়া পড়িয়া
দেখিলেন লেখা আছে :—“প্রিয়তমা মঞ্জরি !
যে কথা বহুদিন হৃদয়ের মধ্যে গোপন
রাখিয়াছি, প্রতিদিন আশার বারিসিঞ্চনে
স্বাহাকে পল্লবিত করিয়া তুলিয়াছি ; যে কথা
মুখে প্রকাশ না করিলেও নয়নের দৃষ্টিতে এবং
মুখের ভাবে আপনি ফুটিয়া উঠিয়াছে, বাহা
গোপন করিতে যাইয়া কেবল প্রকাশই
করিয়া ফেলিয়াছি, সেই কথা আজ তোমাকে
স্পষ্ট করিয়া বলিব—অমি তোমার ভালবাসি !
আমার জীবনমরণের দেবী তুমি ! হৃদয়ের

মাঝে প্রেমের মন্দিরে তোমার প্রতিষ্ঠা
করিয়াছি।”

পত্রখানি গৃহিণীকে স্তম্ভিত করিয়া দিল।
তিনি বারবার করিয়া তাহা পাঠ করিতে
লাগিলেন—খতই পড়েন ততই শিহরিয়া
উঠেন, ততই দেখিতে পান সমুখে এ কি
বিপদ! তাহার পুত্র এ কি কুৎসিৎ প্রেমাভিনয়
করিতেছে! ছি—ছি! লজ্জায় তিনি মরমে
মরিয়া যাইতে লাগিলেন। একবার মনে করিলেন
—এও কি সম্ভব? কিন্তু অস্থান করিবাব
মতো কিছু প্রমাণ যে পান না! তখন তিনি
ভাবিতে লাগিলেন কে এ মঞ্জরী? সে
কি তাহাদেরই নিকটতম প্রতিবাদীর কন্যা
না কি? নরেনের পাড়বার ঘরের জানালার
সামনে তাহারও যে পাড়বার ঘর! তাহার
সহিত প্রণয় হওয়াতো অসম্ভব নয়!

আম্পনা

(৫)

রামলোচন বাবুর বাড়ীর ঠিক পাশেই
দিনোদবিহারী বাবুর বাসা। তাঁহার এক
আবিবাহিত যুবতী কণ্ঠার নাম মঞ্জরী।
এই মঞ্জরীর উদ্দেশ্যেই যে নরেনের প্রেম-পত্র
লিখিত সে বিষয়ে গৃহিণীর বিন্দুনাড় সংশয়
রহিল না।

ছেলেদের অল্প বয়সে বিবাহ না দিলে
তাঁহারা স্বভাব-চরিত্র ঠিক রাগিতে পারে না,
এইরূপ একটা সংস্কার গৃহিণীর দ্বারাও ছিল।
তিনি বলিতেন ক্ষুধার উদ্রেকে যেমন আহারের
একটা প্রয়োজনীয়তা আছে যৌবনের
বিকাশে তেমনি বিবাহেরও আবশ্যিক আছে ;
এক বড় একটা সত্যকে অমান্য করিলে
কখনোই সন্ত হইতে পারে না। সেই কারণে
পুত্রের এই প্রণয়-ব্যাপারে তিনি নরেনের দোষ
যত না দেখিলেন স্বামীর দোষ ততোধিক

দেখিলেন। তিনি বলিলেন—যত অপরাধ সবই তো স্বামী!—তিনিই তো যত নষ্টের মূল, যথাসময়ে বিবাহ দিলে তো আর এ কাণ্ডটা ঘটত না। পুত্রের বিবাহের পক্ষে তিনি যত যুক্তি দেখাইয়াছেন স্বামী এতদিন সে সমস্ত কেবল অগ্রাহ্যই করিয়া আসিয়াছেন, কিন্তু এইবারকার এই ঘটনায় তিনি যে নিশ্চয় জয়লাভ করিবেন এই কথা মনে করিয়া তাঁহার ভারি আনন্দ হইতে লাগিল।

গৃহিনী ভাবিয়া দেখিলেন, এ প্রণয়ের অবশুস্তাবী ফল বিবাহ। কিন্তু মঞ্জুরী যে ব্রাহ্ম-কন্যা! তাহাকে বিবাহ করিলে পুত্রের জাতি যাইবে। জাতিপাত তাঁহার কাছে বড় সামান্য জিনিস নহে, সেটাকে তিনি অত্যন্ত ভয় ও অশ্রদ্ধার চক্ষে দেখেন। তিনি জীবিত থাকিতে কিছুতেই এ বিবাহ ঘটতে দিতে পারিবেন না। পুত্র অসামাজিক বিবাহ করিলে তাহাকে আর আপনার সংসারে

আল্পনা

বাখা চলিবে না, নিতান্ত পরের মতো বাহিরে
রাখিত হইবে!—হৃদয়ের সহিত শত গ্রন্থিতে
যে বাধা যেমন করিয়া তাহাকে টানিয়া
ফেলিয়া দিবেন!

(৬)

গৃহিণী যখন পুত্রের হাতের লেখা সেই
চিঠি স্বামীর নিকট উপস্থিত করিলেন তখন
তিনি চমকিয়া উঠিলেন—তাহার মুখ বিবর্ণ
হইয়া গেল। একাগ্র মর্টনা—যে ঘটিতে পারে
তাহা তিনি স্বপ্নেও ভাবেন নাই। অনুপযুক্ত
অবস্থায় বিবাহ করা যে অসম্ভবজনক তাহাতে
তাহার দুই মত ছিল না; কিন্তু অনিসটার
সব দিক তিনি ভাঙা করিয়া দেখেন নাই,—
এখন বুঝিতে পারিলেন, ইহার এমন একটা
দিক আছে—যাহা রক্ষা করিয়া না চলিলে
অধিকতর অসম্ভব হইতে পারে। এখন যে

তাঁহার ক্রটি সংশোধন করিয়া লওয়া দরকার
হইয়াছে সে কথা অস্বীকার করিলেন না।
রামলোচনের হৃদয় যতই উদার থাকুক
পুত্রকে অহিন্দু পরিবারে বিবাহ করিতে
দিবেন, এত উদারতা তাঁহার ছিল না।

গৃহিণী বলিলে—“এখন কি করবে?”

রামলোচন উত্তর দিলেন—“নরেনের
বিবাহ না দিয়ে ভালো করি নি, এখন সে
কাজটা শীঘ্র সেরে নিতে হবে।”

রামলোচন-পত্নী মনে করিয়া আসিয়া-
ছিলেন যে খানীর উপর আঙ্গ অনেক দিনের
শোধ তুলিবেন! কিন্তু তিনি যখন নিজের
দোষ স্বীকার করিয়া লইলেন তখন আর
ক্রূতা করা চলিল না।

গৃহিণী ব্যাপারটা' যত সোজা ভাবিলেন,
রামলোচন তেমন ভাবিলেন না। নরেন যদি
মঞ্জরীকে সত্যই ভালোবাসিয়া থাকে তাহা
হইলে তাহার সহিত বিবাহ হইতে প্রতিনিবৃত্ত

অাল্পনা

করা সহজসাধ্য হইবে না। এখন তাঁহার পুত্র যদি পিতার নির্বাচিত পত্নী গ্রহণ না করে তবে উপায়? এই সব কথা চিন্তা করিয়া তিনি শিহরিয়া উঠিতে লাগিলেন। নিঃকৃত নোষের একটা মর্মান্তিক অনুশোচনা হৃদয়কে পীড়িত করিতে লাগিল। কিন্তু দোষ যখন মূর্ত্তি লইয়া দেখা দিয়াছে তখন তাহার বিনাশসাধন কষ্টসাধ্য হইলেও একেবারে হতাশ হইলে চলিবে না, এই বলিয়া তখনকার মতো মনে ভরসা বাধিলেন।

জননী একদিন পুত্রকে ডাকিয়া বলিলেন—“বাবা নরেন! আমার অনেক দিনের সাধ, তোমার বিয়ে দিয়া একটি বউ এনে ঘরসংসার করি, একটি মেয়ে দেখেছি খুব সুন্দরী, বলিস্তো! বিয়ের ঠিক করি।”

নরেন বলিল—“বিয়ের কথা এখন তুলো না মা! নামনে পরীক্ষা আসছে!”

মা বলিলেন—“বাবা, আমি আশীর্বাদ

করছি, তোন পরীক্ষার ফল ভালোই হবে।
আমার কথা বাগ, বিষে কর।”

নরেন বলিল—“মা, মা, সে এখন কিছুতেই
হতে পারে না, এই সব গোলমাল জুটিয়ে
আমার পরীক্ষাটা মাটি করে দিয়ো না।”

গৃহিণী ভাবিলেন, পরীক্ষার কথা
ওজরমাত্র। কিন্তু মঞ্জুরীর রূপে তন্ময় হইরা
আছে। এখন সে তন্ময়তা ভাঙিতে
হইলে আর একটি অধিকতর রূপসী চোখের
সম্মুখে দবা আবণ্ডক, তাই বলিলেন—“বেরে
নিখুঁৎ সুন্দরী, —একবার দেখবি!”

নরেন সে কথায় কর্ণপাত না করিয়া
বলিল—“আমার বক্তব্য মা বলেছি—ছটি
পায়ের পড়ি মা, আর বিরক্ত কোরো না।”

গৃহিণী মনে করিলেন, বেশি পীড়া-পীড়িতে
নরেন হয়ত একটা কাণ্ড করিয়া বসিবে, তাই
আর কিছু না বলিয়া চাপিয়া গেলেন।

শ্রীর নিকট হইতে পুত্রের বিবাহে

স্বপ্ন

অনিচ্ছার কথা শুনিয়া রামলোচন চিন্তিত
হইয়া পড়িলেন। যতই তাঁহার মনে হইতে
লাগিল নরেন বিবাহ না করিবার জন্ত জেদ
করিতেছে ততই বিবাহদিবার জন্ত তাঁহারও
জেদ বাড়িতে লাগিল—বিবাহের বিপক্ষে যে
মত ছিল তাহা কোথায় উবিয়া গেল !

তাঁহার মনে একবার প্রশ্ন উঠিয়াছিল,
নরেন যদি সত্যই মঞ্জরীর প্রণয়ে যুক্ত
হইয়া থাকে তাহা হইলে অন্য মেয়ের
সহিত বিবাহ দেওয়াটা কি ভালো হইবে ?
ছেলের জীবন চিরদিনের জন্ত অসুখী করিয়া
তুলিবেন না তো ? কিন্তু তাঁহার বিচক্ষণ বুদ্ধি
পরামর্শ দিল,—বালকের প্রণয় কেবল চোখের
নেশা ; বিবাহিত জীবনের আবর্তে পড়িলে
দুই দিনেই তাহা ছুটিয়া যাইবে, তাঁহার অন্য
ভাবনা নাই। এখন যাহাতে সে অপরিণত
বুদ্ধির বিলম্বে পড়িয়া অপদর্শ্য করিয়া না বসে
তাহাই দেখিতে হইবে ! পুত্রের অজ্ঞানকৃত

ভুল পিতা যদি নিজ হস্তে মংশোধন না করিয়া,
 তাহার প্রতি ঔদাসিন্য প্রকাশ করেন, তাহা
 হইলে পিতৃকর্তব্য অবহেলা করা হইবে যে !
 কিন্তু নরেন যদি তাঁহার শাসন অগ্রাহ্য করে ?
 করে তোঁ আর কি করিবেন ? তাই মিলিয়া,
 আপত্তির আশঙ্কায় চেষ্টা ত্যাগ করিতে
 পারা যায় না।--চেষ্টা তাঁহাকে করিতই
 হইবে।

তখন ধার্মী স্ত্রীতে পরামর্শ আঁটিয়া স্থির
 করিলেন যে ছেলের বিবাহের সকল উদ্যোগ
 গুপ্তভাবেই করিতে হইবে। শেষে জিনিগটাকে
 এতদূর পাকা করিয়া পুত্রের কাছে উপস্থিত
 করিবেন যে, তখন বিরুদ্ধাচরণ করা তাহার
 পক্ষে সহজ হইবে না। তাঁহারা দুজনে
 মিলিয়া তখন পুত্রকে আবদ্ধ করিবার জন্ত
 তাহার চারিদিকে নানা প্রলোভন ও আকর্ষণ
 দিয়া একটা মারাজাল রচনা করিতে
 লাগিলেন।

অাল্পনা

(৭)

নরেন পাশ হইবার পর, একেবারে সমস্ত ঠিক করিয়া তাহার পিতানীতা যখন বিবাহ-প্রস্তাব উপস্থিত করিলেন তখন সে রাজি হইয়া গেল। রামলোচন ও তাঁহার পত্নী কাঁক ছাড়িয়া বাচিলেন।

রামলোচনের পত্নীর মুখে এখন এক কথা। তিনি বার বার করিয়া স্বামীকে স্মরণিত্তি করিতেছেন--“স্বামী বলেচি যদি অন্তরে থাকে তো নরেনের বিয়ে কেউ ঠেকাতে পারবে না।” তাঁহার মুখে আর হাসি ধরে না। বহুদিনের আশা ফলবতী হইবে, শুভা তাঁহার ঘরে আসিতেছে, এই আনন্দে তিনি আশ্বহারা। কুহকিনী মঞ্জরী তাঁহার ছেলেকে স্মরণিত্তি করিয়া গ্রাম করিবার চেষ্টায় ছিল, তাহার মুখের হাসি কাড়িয়া আনিত্তি পারিয়াছেন এই ভাবিয়া মনে একটা পরম তৃপ্তি বোধ করিতেছিলেন।

ঘটনাচক্র

তিনি মনে করিতেছিলেন ছেলের বিবাহ ভালোয় ভালোয় চুকিয়া যাউক, বউ আনিয়া মঞ্জরীকে দেখাইবেন, তাহার মায়াবিকতা কেমন তিনি চূর্ণ করিয়া দিয়াছেন !

নরেন বিবাহে আর আপত্তি না করায় রামলোচন বাবু কতকটা সন্তুষ্ট ছিলেন। তাঁহার একটা ঘোরতর দুর্ভাবনা কাটিয়া গিয়াছিল বটে কিন্তু এতদিনের সংকল্প ভাঙিয়া যাওয়ায় মনে ভেমন সুখ ছিল না।

বিবাহের আয়োজন-উদ্বোধনের কাজ-কন্ঠে গৃহিণী যখন ব্যস্ত তখন নরেন আসিয়া মাকে বলিল—“মা ! এক টুকরো কাগজ খুঁজে পাচ্ছি না, তুমি রেখেছ কি ?”

গৃহিণী বলিলেন—“কি কাগজ বাবা !”

নরেন বলিল—“একখানা চিঠি।”

মা বলিলেন—“কার চিঠি ?”

নরেন একটু ধতাত খাইয়া গেল। সে মঞ্জরীর উদ্দেশ্যে লিখিত চিঠিখানা খুঁজিতে

আল্পনা

আসিয়াছিল। মাতার সমক্ষে প্রণয়-লিপির কথাটা উল্লেখ করিতে তাহার কেমন বাধ বাধ ঠেকিতেছিল। একটু আগুতা আমৃতাস্বরে বলিল—“মঞ্জরী বলে উপরে লেখা আছে।” মঞ্জরীর বিশেষণটা বলিতে লজ্জা করিতে লাগিল।

মা একটু রাগের ভাব দেখাইয়া কহিলেন—“সে চিঠি আমি রেখেছি। তোর আর তাতে দরকার কি?”

নরেন মাথা চুলকাইয়া বলিল—“বিশ্ব-দর্পণের সম্পাদক আমার একটা উপন্যাসের ক্ষুদ্র বড় তাগাদা দিচ্ছেন; গল্প একটা লেখা আছে—তার সব পাতাগুলো পাচ্ছি, কেবল একখানা পাচ্ছি না।”

মা বলিলেন—“সে চিঠিতে মঞ্জরীকে লিখছিলাম, তোর উপন্যাসের সঙ্গে তার কি?”

নরেন ধীরে ধীরে কহিল—“মঞ্জরী আমার উপন্যাসের নায়িকা!”

ঘটনাচক্র

পাশের ঘরে রামলোচন ছিলেন। তিনি এই কথা শুনিয়া আলুথালুভাবে ছুটিয়া আসিলেন। বিস্ফারিত চক্ষে চাহিয়া কহিলেন—“অ্যা! মঞ্জরী উপত্যাসের নায়িকা!”



দেবতার কোপ

নিখিলনাথ বড়ই গম্ভীর প্রকৃতির লোক ছিল। সংসারের মধ্যে যাহা বা আমোদ-আহ্লাদ, হাসি-ঠাট্টার প্রশ্রয় দেয় সে তাহাদিগকে পাপী বলিত। বিধাতার সৃষ্টির মধ্যে সর্বত্রই একটা উদার গাণ্ডীয়া বর্তমান রহিয়াছে, যে সেই গাণ্ডীয়া নষ্ট করে সে ঈশ্বরের ইচ্ছার বিরুদ্ধ কাৰ্য্য করে, তাহা পাপ। এই সারবান তত্ত্বটা নিখিলনাথ অতি অল্প বয়সেই আবিষ্কার করিয়াছিল। তাই সে নিজে সদাসর্বদা গম্ভীর হইয়া থাকিত। একটা হাসির কথা শুনিয়া পেটের ভিতরে বত্রিশটা নাড়ি যখন ছিঁড়িবার উপক্রম করিত, তখনো সে অতি কষ্টে নিজেকে সামলাইয়া রাখিত, হাসিত না।

দেবতার কোপ

অদৃষ্টক্রমে তাহার পত্নী সুরবালা ঠিক বিপরীত প্রকৃতির হইয়াছিল। তাহার অধর-প্রান্তে হাসির রেখাটুকু লাগিয়াই আছে ; কথায় কথায় পরিহাস ; আর বড়ই আমোদপ্রিয়।

এই দুইটি প্রাণী সাংসারিক বন্ধনে এক হইলেও, প্রকৃতির বিভিন্নতার জন্য তাহাদের হৃদয়ের মিলন অসম্ভব হইয়া উঠিতেছিল ; --পরস্পর পরস্পরকে কিছুতেই নিজের মনের মতো করিয়া তুলিতে পারিতেছিল না।

বন্ধুবান্ধবের সহিত ক্‌চিৎ-কখন হাসি ঠাট্টা করিলেও করা ধাইতে পারে কিন্তু স্ত্রীর সহিত একেবারেই না ; যেহেতু স্বামীস্ত্রীর সম্বন্ধ অতি পবিত্র এই ছিল নিখিলনাথের কাছে সব চেয়ে বড় কথা। তাই সে কখনো স্ত্রীর চপলতা নির্ঝিকার চিত্তে প্রভর দিত না। সুরবালা যখন স্বামীর সমক্ষে একটা সামান্য কথা হাবে ভাবে কটাক্ষে ও পরিহাস-রসসংযোগে বেশ সরস করিয়া তুলিত, তখন

আল্পনা

নিখিলনাথ সেটা একটু মিঠা হাসিতে আরো
রঙাইয়া না তুলিয়া একটা ক্রোধপূর্ণ উদাসদৃষ্টিতে
চাহিয়া তাহা ভঙ্গ করিয়া দিত। নিখিলনাথ
ভাবিয়াছিল, এইরূপ বারম্বার বাধা দিয়া
সে সুরবাণীর রহস্য-প্রবৃত্তির বীজ ধন হইতে
একেবারে উন্মূল করিয়া দিতে পারিবে ;
কিন্তু বহু চেষ্টা করিয়াও সুরবাণীর
প্রকৃতি পরিবর্তন করিতে পারিল না।
তাহার প্রতি এতটুকু অনুরাগ দেখাইলে
পাছে তাহার উদাস রহস্য-প্রবৃত্তি প্রশম
পায়, সেই জন্ত সে পত্নীর সহিত বড় ভালো
করিয়া ব্যবহার করিত না। অনেক সময়
তাহাকে অত্যন্ত তুচ্ছ তাচ্ছিল্য করিত। স্ত্রীর
সহিত এমনি ভাবে চলিত যে বোধ হইত সে
যেন মনে করে বিধাতার সৃষ্ট অসংখ্য বস্তুর
মধ্যে তাহার স্ত্রীও একটি পদার্থ, অথচ জিনিসের
চেয়ে তাহার উপর বেশি অনুরাগ দেখাইবার
আবশ্যক কি !

দেবতার কোপ

নিখিলনাথ যখন এই তাছিল্লা ভাব
অতিমাত্রায় বাড়াইয়া তুলিল তখন তাহার
স্ত্রীর সন্দেহ হইতে লাগিল যে স্বামী তাহাকে
নিশ্চয় ভালোবাসে না--নইলে এত অনাদর
কেন! নিখিল যে স্ত্রীর এ সন্দেহটা বুঝিত না
তাহা নহে, তবে কর্তব্যের কঠোর আদেশ-
পালনে গশ্চাপদ হইবার পাত্র সে নহে।
যখন এক একবার স্ত্রীকে সাদরে বক্ষে
টানিয়া লইবার ইচ্ছা হইত তখন সে সেই
আবেগস্রোত প্রাণপণে রুদ্ধ করিবার চেষ্টা
করিত।

(২)

নিখিলনাথের লেশপড়া যখন শেষ হইয়া
গেল তখন সে যে কি করিবে তাহা সহজে
ঠিক করিতে পারিল না। চাকরী সে
প্রাণান্তে করিবে না, ওকালতী ডাক্তারীতে

আল্পনা

আজকাল তেমন পসার নাই, ব্যবসা করিতে হইলে আগে তাহা শিক্ষা করা প্রয়োজন, নইলে লোকসানের ভয়, কাজেই তাহার পক্ষে কোনটাই সুবিধাজনক ছিল না; গ্রামাচ্ছাদনের চিন্তাও তেমন বলবতী নহে, সেইজন্য তাহার আর কোন পথ অবলম্বন করা হইল না।

ছেলেবেলা হইতে তাহার একটু রচনার সখ ছিল। সে দার্শনিক গবেষণাপূর্ণ কবিতা ও প্রবন্ধ লিখিত। বয়সের সঙ্গে সঙ্গে তাহার এই লিখিবার ঝোকটা খুব বাড়িয়া উঠিয়াছিল।

লেখাপড়া শেষ হইলে নিখিলের করিবার যখন আর কিছুই রহিল না তখন সে প্রবন্ধ ও কবিতা রচনায়া মাতিয়া উঠিল। ইহা ছাড়া আরো একটি কাজে সে অধিকতর মনোনিবেশ করিয়াছিল,— তাহা দেশের কাজ। মিটিং, বক্তৃতা, টাঁদার

দেবতার কোপ

ধাতা তাহাকে এত ব্যস্ত করিয়া তুলিতেছিল যে, সমস্ত দিনের মধ্যে আহার ও নিদ্রার সময়ও কুলাইয়া উঠিত না। দেশের হিতকল্পে একটা-না-একটা অনুষ্ঠান তাহাকে সর্বদা অধিকার করিয়া রাখিত, অথ কিছু করিবার ও ভাবিবার অবসর দিত না। স্বদেশ-চিন্তা তাহার হৃদয় হইতে ক্রমে ক্রমে সুরবালায় মূর্ত্তিটা একেবারে টাচিয়া ফেলিতেছিল।

সুরবালা স্বামীর মন নিজের দিকে ফিরাইবার জন্য বিধিযুক্ত চেষ্টা করিত; কিন্তু কিছুতেই সফল হইত না, বরং তাহার দর্শন পর্য্যন্ত ক্রমেই দুর্লভ হইয়া উঠিতে লাগিল। সে যখন স্বামীর নিকট হইতে একটু আদর লাভ করিবার জন্য উন্মুখ হইয়া বসিয়া থাকিত, তখন দেখা যাইত নিখিলনাথ সমাজসংস্কারের একটা জটিল প্রশ্ন লইয়া মাথা ঘামাইতেছে! বেশভূষার আড়ম্বরে স্বামীকে সে যতই আকর্ষণ করিবার চেষ্টা করিত, নিখিলনাথের

আত্মপনা

মন একটা মহৎ ত্যাগ ও বৈরাগ্যের কল্পনার
আশ্রয়ে ততই শূন্যমার্গে উঠিতে থাকিত।

যেদিন নিখিলনাথ বাড়ি থাকিত, দুপুর-
বেলা অভিতাবকদের লুকাইয়া সুরবালা
একটু প্রেমালোচনের জন্য স্বামীর ঘরে প্রবেশ
করিত। দেখিত, হ্র তাহার স্বামী প্রবন্ধ-
রচনায় ব্যস্ত নয় কোনো বই লইয়া পাঠে মগ্ন !
সে কি করিবে ? নিখিলনাথের কি এমন
একটু অনঙ্গর নাই যে তাহার সহিত দুদণ্ড
দুটা কথা কহে ? সে স্বামীর পিছনে
দীনভাবে অপেক্ষা করিয়া দাঁড়াইয়া
থাকিত—যদি সে করুণা করিয়া একবার
তাহার দিকে চাহে ! একবার একটু আদর
করিয়া কথা কহে ! তাহা হইলে সব দুঃখ
তাহার নিমেষের মধ্যে ঘুচিয়া যায়। কিন্তু
নিষ্ঠুর সে একবারো ফিরিয়া তাকায় না !
তবে সে কেমন করিয়া স্বামীকে নিজের পানে
ফিরাইবে ? সে যে ফিরিতে চাহে না, সে যে

দেবতার কোপ

মানে না, শোনে না ! কেবল তাহাতে ছাড়া
পৃথিবীর অসংখ্য সামগ্রীতে যে তাহার দৃষ্টি
নিবন্ধ ! সেই দৃষ্টিকে তাহার যতো একটা
সামান্য রমণীর পানোকিসের জোরে ফিরাইবে ?
সে চৌম্বক শক্তি সে কোথায় পাইবে ?
সুরবালা ভাবিয়া কুল পাইত না । যতই
দিন যায় সে দেখে তাহাদের উভয়ের মধ্যে
যেন কিসের একটা ব্যবধান গড়িয়া উঠিতেছে ;
—স্বামীকে যেন আর সে হৃদয়ের নিকটে
পাইতেছে না । ইহার কারণ কি তাহা
সে কিছুতেই ঠিক করিতে পারিত না ।
কি তাহার অপরাধ ? সে কোন্ ক্রটির জন্ত
এই শাস্তি ভোগ করিতেছে ? স্বামীকে
জিজ্ঞাসা করিলে, সে ততো বলে না,
—জিজ্ঞাস্য করিয়া উড়াইয়া দেয় । তবে সে
কি করিবে ? কে তাহাকে বলিয়া দিবে—
কেমন করিয়া স্বামীর ভাগোবাসা পাওয়া যায় !
এমনি করিয়া দিন যাইতে লাগিল ।

আল্পনা

সুরবালার মুখে আর সে হাসি নাই—তাহার
সে বাচালতাও নাই,—দিন দিন সে স্নান হইয়া
যাইতেছে। নিখিলনাথ তাহা লক্ষ্য করিয়া
আনন্দ বোধ করিল। সে ভাবিল তাহার
ঔষধ ধরিয়াছে! এ সময় একটু শিথিলতা
দেখাইলে পাছে সুরবালার পূর্ব-প্রকৃতি
ফিরিয়া আসে সেইজন্য সে খুব সাবধান হইয়া
রহিল;—গাঙ্গীর্যোর মাত্রা পূর্বের চেয়ে দ্বিগুণ
বাড়াইয়া তুলিল। তাহাতে সুরবালার দুঃখের
অবধি রহিল না।

(৩)

একদিন ঘর পরিষ্কার করিতে করিতে
নিখিলের মেথা একখানা কবিতার খাতা
সুরবালার হাতে আসিয়া পড়িল। সেখানা সে
বিশ্বয় ও উৎকর্ষার সহিত একনিখাসে পড়িয়া
কেলিল। পড়িয়া চক্ষু স্থির! একল-রশ্মি

দ্বারা বাহ্যাবরণ অতিক্রম করিয়া ভিতরটা শুদ্ধ
 যেমন দেখা যায় তেমনি করিয়া আজ এই
 কবিতার খাতার সাহায্যে সুরমালা স্বামীর
 হৃদয়টা খুব স্পষ্ট ভাবে দেখিতে পাইল ;
 —দেখিল সে হৃদয়ে তাহার স্থান নাই, আর
 এক কে রমণী সমস্ত হৃদয়টা জুড়িয়া বসিয়া
 আছে ! নিখিল তাহার প্রতি কেন এমন
 ব্যবহার করে—কেন এত অনাদর, এত তাচ্ছিল্য
 করে সেকথা এতদিন সে শতচেষ্টা করিয়াও
 বুঝিতে পারে নাই, আজ তাহার একটা অর্থ
 চোখের সামনে স্পষ্ট হইয়া ফুটিয়া উঠিল !

নিখিলনাথের সমস্ত কবিতাই জনমভূমির
 উদ্দেশে লেখা । কল্পনাতেও নিখিলনাথ কোন
 প্রেমিকার প্রেমবিহ্বলতা প্রকাশ করিয়া
 আপনার শাস্তীর্ষ্য ভঙ্গ করে নাই । কিন্তু
 অনেকস্থলে জননীর পরিবর্তে দুঃখিনী রমণী
 বলিয়া নিখিল মাতৃভূমির জন্ত আক্ষেপ
 করিয়াছিল ।

আম্পনা

স্বরবালার আনিবার ইচ্ছা হইতেছিল, কে সেই দুঃখিনী রমণী যাহার উদ্দেশে তাহার স্বামী হৃদয়োচ্ছ্বাসে এমন সব সুন্দর সুন্দর কবিতা রচনা করিতে পারিয়াছে! নিখিল কবিতায় যেমন গাছা-বাছা কথাগুলি সাজাইয়াছে অস্তুতঃ তাহার একটা কথা যদি জীবনের মধ্যে একদিন তাহার প্রতি প্রয়োগ করিত, তাহা হইলে সে কৃতার্থ হইয়া যাইত;—তাহার আর কোনো দুঃখ থাকিত না।

(৪)

যে বিপদ এতদিন শুধু আশঙ্কার মধ্যে ছিল, আজ সে সত্য হইয়া দেখা দিয়াছে। স্বরবালা এখন কি করিবে? কাহার নিকট সে এই বিপদের কথা বলিবে?—কে তাহাকে উদ্ধারের পথ বলিয়া দিবে? কি করিলে সে স্বামীর ভালোবাসা ফিরিয়া পাইবে

দেবতার কোণ

সুরবালা কিছুই ঠিক করিতে পারিল না ; কেবল অধীরতা বাড়িয়া উঠিতে লাগিল । ভাবিয়া চিন্তিয়া যখন কিছু ঠিক হইল না, আশঙ্কায়, সন্দেহে ব্যথায় নগস্ত হৃদয়টা যখন কেবল অর্জ্জরিত হইয়া উঠিয়া তাহাকে অভিভূত করিয়া ফেলিল, সে তখন আর কাহাকেও চোঁথের সামনে না দেখিয়া তাহার চিরজীবনের সঙ্গী বুড়ী ঝির কাছে চলিল ;—বুড়ী ঝি তাহাকে মানুষ করিয়াছে । প্রথম প্রথম শূণ্ডর-বাড়িটা যখন বড়ই অপরিচিত স্থান বলিয়া মনে ঠেকিত, তখন এই শৈশবের সঙ্গিনী বুড়ী ঝি সুরবালার একমাত্র পরিচিত আশ্রয় ছিল,— মনে একটিনাত্র কষ্ট হইলে সে তখনই এই বুড়ী ঝির বৃকে আসিয়া ঝাঁপাইয়া পড়িত । আজও তাই সে বুড়ী ঝির কাছে গেল । তাহার বৃকে মুখ লুকাইয়া অনেকক্ষণ ধরিয়া কাঁদিতে লাগিল । ঝি মনে করিল শান্তুড়ী বুঝি বকিয়াছে তাই এই কাণ্ড !

আল্পনা

সে সুরবালাকে কত আদর করিল, কত উপদেশ দিল কিন্তু কিছুতেই সে প্রবোধ মানিল না। বৃড়ী ভাবিল তবে একটা কিছু গুরুতর ঘটিয়াছে। সে তখন সুরবালার মাথাটা কোলের উপর টানিয়া লইয়া ধীরে ধীরে হাত বুলাইতে লাগিল। কানের কাছে মুখ লইয়া গিয়া জিজ্ঞাসা করিল—“বগ দেখি সুর, কি হয়েছে?” সুরবালা ঝির কাছে কখনো কোনো কথা গোপন করে নাই, সে তো তাহাকে শুধু দাসীর মতো দেখিত না, সে যে তাহার মায়ের মতন। লজ্জাভিত্তি অতি গোপন কথাটিও সে শুনিতে পাইত। সুরবালা অকপটে নিখিলনাথের সমস্ত কথা তাহার কাছে খুলিয়া বলিল।

ঝি শুনিয়া কিম্বিত হইয়া গেল। সুরবালার ছুরদৃষ্টের কথা ভাবিয়া তাহার নয়ন জ্বল হইয়া উঠিল, জিজ্ঞাসা করিল,—“নিখিল কি তোরে আদর যত্ন করেনা?”

দেবতার কোপ

“আদির যত্ন ?—ভাল করে ছুটো কথাও বলেনা ।”

“সতি, নাকি ?”

সুরবালার মুখ নিম্ন আর কোনো কথা বাহির হইল না—সে উচ্ছ্বসিত হইয়া কাঁদিতে লাগিল ।

বুড়ী বলিল—“কাঁদিগনে থাম । আমি উপায় করচি !”

সুরবালা বলিল—“কি উপায় করবি ?”

বুড়ী বলিল—“সে . আছে ;—দেবতার ছয়োরে গিয়ে গড়তে হবে । মানুষের সাধা নেই কিছু করে !”

সুরবালা কথাটা ভাল বুঝিতে পারিল না, বলিল—“কি বলিস্ তুই !”

বুড়ী তখন সব কথা স্পষ্ট করিয়া বুঝাইয়া দিয়া বলিল,—“শুনিস্ নি কি, ওষুধ করার কথা ?”

সুরবালা বলিল—“ওষুধ কি ?”

আম্পনা

“সে খাওয়ারে অবাধ্য, স্বোগামী বশ হয়
—সে দেবতার স্বপ্নদত্ত।”

“কোথায় পাওয়া যায়?”

“ধনপুরের পঞ্চানন ঠাকুর আশ্রিত
দেবতা! পৃথিবীস্থল লোক জানে।”

বৃদ্ধা তখন অসংখ্য উদাহরণ উল্লেখ করিল,
তাহার পরিচিত কত স্ত্রীলোক এই পঞ্চানন
ঠাকুরের ওষুধ লইয়া স্বামীকে হাতের মুঠার
নধ্যে আনিয়াছে তাহা বর্ণনা করিল। ঐ
উপারে নিজের অবাধ্য স্বামীকে সে কী
রকম বশে আনিয়াছিল, সে কথাও বলিতে
ভুলিল না।

বৃদ্ধার কথায় সুরবালা আশ্চর্য হইল।
তাহার মনে হইল বিপদ হইতে উদ্ধারের
একটা ভালো উপায় মিলিয়াছে। বুড়ী যখন
বলিতেছে তখন তাহাতে সন্দেহ কি! সে
জানিত কি তাহাকে ভালোবাসে—সে যাহা
করে তাহাই তাহার মঙ্গল। তাহার দ্বারা

দেবতার কোপ

কোনো বিপদের ভয় নাই। তাই সে কিছুমাত্র দ্বিধা না করিয়া বুড়ীর কথায় রাজি হইয়া গেল।

বৃদ্ধা সেই দিনই ওষুধ আনিতে বনপুরে অভিমুখে রওনা হইল।

(৫)

যথাসময়ে পঞ্চানন-দেবের মহোষধ লইয়া বুড়ী বনপুর হইতে বাড়ি ফিরিল, এবং যথানিয়মে তাহা মন্ত্র, পড়িয়া ও কোটার পুরিয়া সুরবারি হাতে আনিয়া দিল এবং চুপে চুপে কহিল,—“দারবেলার খাওয়াতে হবে, বুঝি! জামাইবার চায়ের সঙ্গে নিশিমে দিস,— খাওয়াতে মাত্র দেখবি হাতের মুঠোর মধ্যে এসেছে। পঞ্চাননঠাকুরের ওষুধ—এ পীর-প্যাকধর নয়, সাক্ষাৎ ধনন্তরী!—তুই এগো, আমি গরমজল নিয়ে আসছি। দেখিস, চুলাটা এলিয়ে তবে ওষুধ ঢালবি, ভুলিসনে।”

আল্পনা

বুড়ী গরম জল আনিতে গেল। ওষুধের কোটা হাতে লইয়া সুরবালা ধীরে ধীরে তাহার শয়নকক্ষে প্রবেশ করিল। কই এতদিন তাহার জন্ম সে হা-প্রত্যাশ করিয়া ছিল তাহা লাতে পাইয়া তাহার হৃদয় তো আনন্দে ভরপুর হইয়া উঠিল না। বরঞ্চ একটা অজ্ঞাত আতঙ্ক আসিয়া যেন তাহার হৃদয় অধিকার করিতে লাগিল। গৃহের যে দেয়ালের ধারে এতটি ছোট টেবিলে স্বামীর জন্ম চাশের সরঞ্জাম সাজানো ছিল, সেইখানে আসিয়া কণকাল সে বিমর্ষ ভাবে মূঢ় পেয়ালার দিকে চাহিয়া রহিল। যখন দেখিল, বুড়ী কেটলীহস্তে গৃহে প্রবেশ করিতেছে তখন অপরাধীর মত তাড়া-তাড়ি কোটার গুঁড়া পেয়ালায় ঢালিয়া দিল। ঘরে আসিয়া বুড়ী কেটলীটা ভূমে রাখিয়া আবার চুপে চুপে তাহাকে কহিল,— “এইবার চা তৈরি কর, আমি ভূতাকে এখানে পাঠিয়ে শিল নোড়াটা ভাল করে ধুয়ে রেখে আসি।”

দেবতার কোপ

সুরবালা মন্ত্রমুগ্ধের জায় ধীরে ধীরে বে
পেরালায় ঔষধ ঢালিয়াছিল তাহাতে চা
ঢালিল। কিন্তু চাকর আসিয়া যখন বাবুর
জন্তু চা চাহিল, তখন তাহার মুখ বিবর্ণ হইয়া
গেল, হাত কাঁপিতে লাগিল। সহসা তাহার
মনে পড়িয়া গেল যেন বাল্যকালে একবার
শুনিয়াছিল যে, একজন ঔষধে স্বামী বশ
করিতে গিয়া কি একটা বিলাট ঘটাইয়াছিল।
তাড়াতাড়ি সে আর-এক পেরালা চা প্রস্তুত
করিয়া চাকরের হাতে দিল।

চাকর চলিয়া গেল সে বুদ্ধনিষ্ঠাস ত্যাগ
করিয়া মনে মনে কহিল,—“হে ঠাকুর, ক্ষমা
কর, তুমি দয়া করিয়া বাহা দিয়াছ তাহা
আমার ভালোর জন্তই দিয়াছ, আমি তাহা
ফেলিব না, একবার পরীক্ষা করিয়া দেখিব।
যদি ক্ষতি না হয় তাঁহাকেই দিব। আর যদি
কোন ক্ষতি হয় ? মৃত্যুর অধিক আর ক্ষতি
কি হইবে ? মৃত্যুতে আমার কি ভয় ?

আল্পনা

ভগবান তাহাই হউক, সেই প্রসাদই আমি
ভিক্ষা চাহি। আর যেন স্বামীর অবহেলা চক্ষে
দেখিতে না হয়।”

ভাবিতে ভাবিতে সুরবালা সেই ঔষধ-
মিশ্রিত চা এক চুমুকে নিঃশেষ করিয়া ফেলিল।
তাহার পর বিছানাধ শয়ন করিয়া শীঘ্রই
ঘুমাইয়া পড়িল।

(৬)

ঘুমাইয়া সুরবালা স্বপ্নে দোখিল, নিখিল-
নাথের আর সে ভাব নাই, তাহার প্রকৃতির
সম্পূর্ণ পরিবর্তন হইয়াছে, সে তাহাকে
কত আদর সোহাগ করিতেছে। নিখিলনাথ
একবার বাহু দুটি প্রসারণ করিয়া সুরবালাকে
বক্ষের মধ্যে টানিয়া লইল। সুরবালা বোধ
হইল, জীবনে সে এতটা আনন্দ কখনো
অনুভব করে নাই।

হঠাৎ কি একটা যন্ত্রণায় তাহার ঘুম

দেবতার কোপ

ভাঙিয়া গেল। সুরবালায় মনে হইল তাহার সর্ব্বাঙ্গে কে যেন প্রহার করিতেছে। সে চীৎকার করিয়া উঠিয়া বসিল।

নিখিলনাথ এই সময় তাঁহার হারানো খাতার অনুসন্ধানে এইখানে আসিয়াছিল। অসমন্যে সুরবালাকে নিদ্রিত দেখিয়া তাহার মনে একটু চিন্তার উদ্রেক হইল। ভাবিল, কোনো অসুখ করে নাই তো? নিকটে আসিয়া কপালে হাত দিবামাত্র সুরবালা চীৎকার করিয়া উঠিয়া বসিল। নিখিলনাথের মুখের দিকে অপরিচিতের দ্যায় ভয়বিম্বিত দৃষ্টিতে চাহিয়া বলিল,—“কে তুই?”

সে স্বয়ং পরিহাসের স্বর নহে, সে হাসি সাধারণ হাসি নহে।

নিখিলনাথ সকাঁতরে কহিল,—“আমি—নিখিলনাথ! তুমি এমন করছো কেন? কি হয়েছে?”

এইকথা বলিয়া নিখিল শয্যার পার্শ্বে বসিয়া

আল্পনা

তাহাকে সাদরে বক্ষে টানিয়া লইতে গেল।
হৃদয়ের রুদ্ধ আবেগ-শ্রোত আজ বস্তুর
প্রাবনের মতো আসিয়া তাহার হৃদয়কে
ক্ষুব্ধ করিয়া তুলিয়াছে। কিন্তু সুরবালা সেই
প্রেমপূর্ণ আলিঙ্গনের মধো ধরা দিল না !
স্বামীর সেই প্রেমের সম্ভাষণ কঠোর ভাবে
প্রত্যাখ্যান করিয়া ভীতকম্পিতকণ্ঠে কহিল
—“তুই নিখিলনাথ ? ককখনো না। সর
বলছি,—নইলে তোকেও বিষ খাওয়ান।”

নিখিলনাথের চক্ষে জল আসিল ! তাহার
সন্দেহ হইতে লাগিল বোধ হয় সুরবালা পাগল
হইয়াছে। নইলে এমন করিয়া কথা কর
কেন ? এমন করিয়া হাসে, এমন করিয়া চাহে
কেন ? সুরবালার এই অবস্থা দেখিয়া
তাহার প্রাণটা যেন বাহির হইয়া যাইতে
চাহিল। তাহার মনে হইল যে নিজেই
তাহাকে পাগল করিয়া তুলিয়াছে।
—অনুশোচনার তাহার প্রাণটা জ্বলিয়া যাইতে

দেবতার কোপ


লাগিল ! তাহার মনে হইতে লাগিল—হায় !
হায় ! কি করনুম ! কি করনুম ! ভগবান
কি করিলে সুরবাণীর মুখে আবার সেই
পরিহাসের হাসি ফুটিয়া উঠে ! সেজন্য
নিখিলনাথ যে তাহার সমস্ত গাঙ্গীর্ষ্য ত্যাগেও
প্রস্তুত !

বুড়ী কি সুরবাণীর অবস্থা দেখিয়া
হাহাকার করিতে করিতে ঠাকুরঘরে ঢুকিল ।
সেখানে গৃহতলে মাথামুড় খুঁড়িয়া কহিল
—“কি দোষ হয়েছে বাবা,—কি অপরাধে এমন
ঘটালি ! আমি তো সব রীতি পালন করেছি !
তিনবার মন্ত্র পড়ে উপর দিকে চেয়ে তবে
শিকড় গুঁড় করেছি, তবে কি দোষে তুই
এমন ঘটালি বাবা !”

সহসা তাহার মনে পড়িয়া গেল,—
সুরবাণীর কেশ তো সে এলায়িত দেখে নাই ।
এই দোষেই যে ঠাকুর সর্কনাণ করিয়াছেন সে
তখন ঠিক বুঝিল । ঠাকুরের স্মরণ-বিচারের

আল্পনা

প্রতি বিশ্বাস ফিরিয়া পাইয়া সুরবার প্রতি
রাগ করিয়া কাঁদিয়া কাঁদিয়া কহিল,—“কল্লি
কি সুর, তুই কল্লি কি ! এলোচুলে ওষুধ
ঢালিলে ! পঞ্চানন ঠাকুর যে জাগ্রত দেবতা !
হায় হায় ! কি হোল ঠাকুর ! এ যাত্রা রক্ষা
কর ;—আমি এখনি স্বস্ত্যয়ন করাব।”



2

3

4

5

হুকার জন্ম

মর্ত্য হইতে পঞ্চাশত্কেটি যোজন উর্দ্ধে
ধূম্রলোক । সেখানে সবই বাষ্পময় ;—
বায়ু বাষ্পপূর্ণ, সাগর সরিৎ সরোবর বাষ্পে
ভরা, পর্বত কেবল বাষ্পস্তূপ মাত্র, পক্ষ পক্ষী
কীট পতঙ্গ সকলে বাষ্পাকারে বিরাজ
করিতেছে । সেই ধূম্রলোকে একদিন মহা
কোলাহল শোনা গেল ।

তখন স্বর্গের প্রধান ইঞ্জিনিয়ার বিশ্বকর্মার
সাহায্যে ব্রহ্মার ব্রহ্মাণ্ড-সৃজন এক রকম শেষ
হইয়াছে ;—মাথার ভিতর বা' বা' প্রাণ ছিল,
ইট কাট চূণ সূক্ষ্ম পাথর প্রভৃতির সমষ্টিতে তা
সবই মূর্তিমান হইয়া উঠিয়াছে । এইবার
ব্রহ্মা নাকে সর্ষপ তৈল দিয়া বহু বিনিদ্ৰ
রজনীর শোধ তুলিবেন মনে করিতেছেন, এমন
সময় এক উৎপাত আসিয়া জুটিল ।

আস্পনা

ধূমলোকবাসী ধূমপায়ীগণ সেদিন ধূমধামের
সহিত এক সভা আহ্বান করিয়াছিলেন।
সর্বত্র তাম্রকূটপত্রে ছাপা বিজ্ঞাপন বিনি
করিয়া ধূমপায়ীর দল একত্র করা হইয়াছে।
নানা তাম্রকূটাগারসমন্বিত ধূমকেতুধ্বজমাণ্ডিত
সভাস্থল জনসমাগমে গম্ গম্ করিতেছে,
গাঞ্জকা-ধূপে ও চরস-রসে সভাগৃহ
আমোদিত ! সে দিন সভার আলোচ্য বিষয়
ছিল—“ধূমপায়ীর কষ্ট নিবারণ।”

যথানিয়মে হাত তালির চটপট্-পটাপট্
শব্দে মনোনীত হইয়া সভাপতি আসন গ্রহণ
করিলেন। সভার সম্পাদক শ্রোতাদিগের
হাতে হাতে তাম্রকূটপত্রে ছাপা রেজোল্যুশনের
অমূলিপি বাঁটিয়া দিলেন,—হাততালির শব্দ
মিলাইতে নঃ মিলাইতে ততুর্দিকে তাম্রকূটপত্র
নাড়ার একটা থস্ থস্ শব্দ উঠিয়া ঘরের
বাতাসকে চঞ্চল করিয়া তুলিল।

প্রথম বক্তা দাঁড়াইয়া উঠিয়া মুখের সম্মুখে

ছকার জন্ম

রেডোল্যান্ডন পত্রখানি ধরিয়া নিম্নলিখিত প্রস্তাবটি পাঠ করিলেন ;—“ধূমপানের নিমিত্ত কোন যন্ত্র সৃষ্টি না হওয়ায় ধূমসেবিগণ বহুবিধ অসুবিধা ভোগ করিতেছেন ; এই সকল অসুবিধা দূরীভূত না হইলে ধূমপায়ীর সংখ্যা স্বল্প হইতে স্বল্পতর হইয়া শীঘ্রই নির্বাণ প্রাপ্ত হইবার আশঙ্কা আছে । এইজন্য আমরা সমস্ত ধূমগ্রাহী একত্র হইয়া এককণ্ঠে ব্রহ্মার সদনে আবেদন করিতেছি যে, তিনি ইহার কোন উপায় বিধান করুন । এই সঙ্গে তাঁহাকে জানান হউক যে, পূর্বোক্ত কারণে ইতিমধ্যে ১৯৯ জন অধিবাসী ধূমলোক ত্যাগ করিয়াছেন ।”

প্রস্তাবপাঠ শেষ হইলে ওজস্বিনী ভাষায় বক্তৃতা আরম্ভ হইল । বক্তা বলিতে লাগিলেন,—“ধূমলোচন সভাপতি মহাশয় ! ও ধূমলোকবাসী ভাই সকল ! কেহই অপরিভ্রাত নহেন যে ইন্দ্রাদি দেব যেমন জ্যোতিতে

আত্মপনা

পরিপুষ্ট, মানবজাতি। যেমন অগ্নে পরিবর্দ্ধিত,
তেমনি ধূম্রলোকবাসী যে আমরা, আমাদের
এই বাষ্পদেহ প্রচুর ধূম-ধূমায়িত না হইলে
অকর্মণ্য হইয়া পড়ে। হবিষানল যেমন
দেবতাদিগের, শাকাম যেমন মানবদিগের,
তেমনি স্বর্গ ও মর্ত্যের মধ্যবর্তী ধূম্রলোকবাসী
আমাদিগের এই যে না-মানব-না-দেব দেহ
ইহার সংগঠনে ধূম যে নিতান্ত আবশ্যিক এ কথা
কেহই অস্বীকার করিবেন না। কালিদাস
তঁাহার মেঘদূতে স্পষ্ট স্বীকার করিয়াছেন যে
ধূম্রজ্যোতির সংমিশ্রণে আমাদের এই বিপুল
দেহ গঠিত হইয়াছে ; এই বাষ্পময় দেহ লইয়া
একদিন আমরা রামগিরি হইতে অলকা,
অলকা হইতে রামগিরি, চক্ষুর নিমেষে
গতারাতি করিয়াছি ! সে কিসের বলে ?
একমাত্র ধূমপানই কি তাহার কারণ নয় ?”

“কিন্তু ভাই সব ! আমাদের ধূমপানের যে
কি কষ্ট তাহা আপনারা সকলেই জানেন।

ছকার জন্ম

প্রথম কথা, ধূমপত্র যে পরিমাণে পোড়াই সে পরিমাণে নেশা হয় না। শুধু নীকৃত পত্রে অগ্নিসংযোগ করিয়া তাহার চারিপাশ ঘিরিয়া বসিয়া ধূম গ্রহণ করিতে হয় বলিয়া ধূমের অধিকাংশই বৃথা যায়,— অতি অল্প পরিমাণ নাক ও মুখের মধ্যে প্রবিষ্ট হয়। ভরপূর্ব-নেশায়-পরিপূর্ণ ধূমকুণ্ডলী আনাদিককে বুদ্ধাস্থিত প্রদর্শনপূর্বক, মেঝাকারে, হেলিতে ছলিতে বাতাসে ভর দিয়া স্বর্গলোকে চম্পট প্রদান করে, আর আমরা হাঁ করিয়া ভাকাইয়া থাকি, না পাবি ধরিয়া মুখে পূরিতে না পারি আটক করিতে! হায় হায় একি কম আপশোষ! একি কম ক্ষতির কথা! (করতালি ধ্বনি) শুধু কি তাই? হাঁ করিয়া ধূমগ্রহণ করিতে করিতে মুখের চোয়াল ধরিয়া আসে, বৈচ ডাকিয়া ঔষধ মালিস করিতে হয় তবে সে বেদনা যায়। আবার গুন, একেলা বসিয়া আরামে যখন খুসি তখন

আল্পনা

ধূমপান করিতে পাইনা ; একেলার জন্তু কখনো
এত অধিক পরিমাণে ধূমপত্র পোড়ান যায় ?
—যে ধূমে পাঁচিশজন ধূমলোচন হইতে পারেন,
তাহা কি একটি প্রাণীর জন্তু খরচ করা যায় ?
ধোয়ার আড্ডায় সকলকে একত্র করিবার জন্তু
প্রতিদিন অনেকক্ষণ ধরিয়া অপেক্ষা করিতে
হয়। তাহাতে যে কত সময় নষ্ট তাহা
কহতব্য নয়। অনেকে হয়ত যথাসময়ে
উপস্থিত হইতে পারে না, বেচারাদের আর
সেদিন ধূমগ্রহণ করা হয় না ; তাহাদের সে
কষ্ট দেখিলে চক্ষু ফাটিয়া জ্বল আসে,—মনে
প্রফুল্লতা নাই, শরীরে বল নাই, কাজে মন
নাই, আহারে আকর্ষণ, কেবল অবসাদ,
জড়তা আর অসুস্থতা ! সে দিনটা তাহাদের
কাছে মেন বিধাতার অভিসম্পাত ! ছার ছায় !
এত ক্ষতি স্বীকার কবিয়াও স্বীতিমত নেশা
জমে কই ! ভাই সব ! গেল ! গেল ! সব গেল !
ধূম পান গেল ! ধূমলোক গেল ! উপায় করুন ।

উপায় করুন! নইলে ধূমপানের ব্যাপার ধূমেই শেষ হইবে।”

বক্তা-তাম্রকূটপত্রদ্বারা মুখের ঘাম মুছিতে মুছিতে বসিয়া পাড়িলেন। প্রস্তাবটি যথাক্রমে অন্তান্ত সভ্যের দ্বারা সমর্থিত ও পবিপোষিত হইয়া শেষে সমগ্র সভা কর্তৃক অনুমোদিত হইল।

ঠায় বসিয়া বক্তৃতা শুনিতে শুনিতে শ্রোতৃগণ ক্লান্ত হইয়া পাড়িয়াছিলেন, সকলেরই শরীরে অবসাদের লক্ষণ দেখা গেল। কেহ গাত্র প্রসাধন, কেহ হস্তোত্তোলন, কেহ বা মুখব্যাদান পূৰ্ব্বক দীর্ঘশ্বাস ত্যাগ করিয়া অবসাদ ঘুচাইবার নিফল চেষ্টা করিতে-ছিলেন। ক্রমে ক্রমে তাহা সংক্রামক হইয়া দাঁড়াইল। দেখিতে দেখিতে সভাস্থল হাই-তরঙ্গে উরঙ্গায়িত হইয়া উঠিল,—হাইয়ের অক্ষুট শব্দ ও তৎসংলগ্ন ড়ির তুড়্ তুড়্ শব্দ মিলিয়া এক অপক্লপ রবের সৃষ্টি হইল।

আল্পনা

বন্ধাত্তরে ধূমপত্র সজ্জিত ছিল, তাহাতে অগ্নি-সংযোগ করা হইল ! দর্শার মেঘের মতো পুঞ্জ পুঞ্জ ধোঁয়া উল্লীর্ণ হইয়া গৃহ আচ্ছন্ন করিয়া ফেলিল । সেই ধূমকুণ্ডলীর মধ্যে আসন পাতিয়া সভ্যমণ্ডলী উপবেশন করিলেন । মুখের হাই মুখেই গিলাইয়া গেল, সেখানে হাসির রেখা ফুটিয়া উঠিল । শরীষের অবসাদ ঘুচিয়া উৎসাহ আসিল ; মন প্রফুল্ল ভাব ধারণ করিল ।

(২)

ধূমপানিসভার রেজোলুশন সকল সভ্যের দ্বারা স্বাক্ষরিত হইয়া যথাসময়ে বন্ধার নিকট প্রেরিত হইল । বন্ধা পাঠ করিয়া মাথায় হাত দিয়া বসিয়া পড়িলেন । এতদিন তাঁহার বুদ্ধিতে প্রবেশ করে নাই যে ধূমসেবন-বস্ত্রের কোন আবশ্যকতা আছে । তিনি ভাবিয়াছিলেন স্বজন-কার্য্য শেষ হইয়াছে ;

ছকার জন্ম

সেই জগৎ বিশ্বকর্মার ডিপার্টমেন্টটা তুলিয়া দিবার সংকল্প করিতেছিলেন ; এই মর্মে একটা খসড়াও প্রস্তুত হইয়া আছে, দেবসভার আগামী অধিবেশনে তাহা পেশ করিবেন স্থির করিয়াছিলেন । এমন সময় এই কাণ্ড !

ব্রহ্মার এত ভাবনার আরো একটু কারণ ছিল । এবারকার বজেটে তিনি বিশ্বকর্মার ডিপার্টমেন্টের খরচটা ধরেন নাই ; মনে করিয়াছিলেন মেটা ত উঠিয়াই যাইবে—তবে কেন ? এখন তাহা ব্রহ্মার রাখিতে গেলে অর্থ যোগাট্টিবেন কেমন করিয়া ? এইরূপ নানা চিন্তায় ব্রহ্মা মুহূমান হইয়া পড়িলেন ।

স্বপ্নাতিকার্য্য, পূর্তকার্য্য, ও বহুনির্মাণ প্রভৃতি ব্যাপার আলোচনা করিবার ভার বিশ্বকর্মার উপর ছিল । ধূমপায়িসভার দরখাস্তখানা বিশ্বকর্মার দপ্তরে চালান করিয়া দিয়া ব্রহ্মা তখনকার মতো কতকটা নিশ্চিন্ত হইলেন ।

আত্মপনা

অনেক দিন হইতে বিশ্বকর্মার হাতে কোনো কাজ-কর্ম নাই; কি করেন, কি করেন ভাবিতেছেন এমন সময়ে সেই দরখাস্তখানা হাতে আসিয়া পড়িল। তিনি আনন্দে বিগলিত হইয়া পড়িলেন। কিন্তু কি-রকম-একটা যন্ত্র যে আবশ্যিক তাহা চট করিয়া তাঁহার মাথায় আসিল না। তিনি নিজে ধূমপান করিতেন না, কাষেই একটা পরিষ্কার ধারণা কিছুতেই হইতেছিল না। অনেক ভাবিয়া শেষে স্থির করিলেন যে, ধূমপানিসভার সম্পাদকের সহিত একটা মোখক আলোচনা করিয়া ব্যাপারটা খোলসা করিয়া লইবেন।

যথাসময়ে বিশ্বকর্মার আপিসের শিল-মোহরাস্থিত একখানা নরকারি চিঠি ধূমপানিসভায় সম্পাদকের নিকট পৌছিল। তিনি ভিলমাত্র বিলম্ব না করিয়া বিশ্বকর্মার আপিসে উপস্থিত হইলেন। বিশ্বকর্মা তাঁহার সহিত দীর্ঘকাল ধরিয়া ধূমপান-প্রণালী সম্বন্ধে

আলোচনা করিতে লাগিলেন। তাহাতে তাঁহার কাছে বিষয়টা ক্রমে ক্রমে বেশ পরিষ্কার হইয়া আসিতে লাগিল;—সহসা তাঁহার মাথায় একটা ‘আইডিয়া’ প্রবেশ করিল। তিনি কহিলেন,—“জাচ্ছা, যত্ন আমি তৈরি করিয়া দিতেছি; কিন্তু আপনাদের একটু সাহায্য চাই।”

সম্পাদক আগ্রহসহকারে বলিলেন—“কি করিতে হইবে বলুন। আমরা প্রাণপণে আপনার আদেশ পালন করিতে প্রস্তুত!”

বিষয়কথা কহিলেন,—“আর কিছু না, কেবল স্বর্গের তিন প্রধান দেবতা সৃষ্টি-স্থিতি-প্রলয়-কর্তা ব্রহ্মা বিষ্ণু মহেশ্বরের নিকট হইতে বস্ত্র নিৰ্মাণের উপকরণ সংগ্রহ করিয়া আনিতে হইবে।”

‘যে আচ্ছা’ বলিয়া সম্পাদক প্রস্থান করিলেন।

(৩)

ধূমপায়িগণের জনকতক বাছা বাছা লোক
মিলিয়া একটা প্রতিনিয়িত্ব গঠিত হইল।
তাঁহারা এক শুভদিনে বাষ্পযানে আরোহণ
করিয়া ব্রহ্মলোকে যাত্রা করিলেন। সহস্র
যোজন দূর হইতে এক বহুবিস্তীর্ণ সমুজ্জ্বল
জ্যোতিমণ্ডল তাঁহাদের নয়নপথে পতিত হইল,
যেন লক্ষ লক্ষ চন্দ্র একত্রে সমুদিত হইয়া
অতুল্য প্রভায় ব্রহ্মলোক মণ্ডিত করিয়া
রাখিয়াছে। সেখানে উপস্থিত হইয়া দেখি-
লেন, ভব ও চন্দ্র নামক দুইটি সুধা-ভূদ ব্রহ্ম-
লোককে চক্রাকারে বেষ্টন করিয়া চলিয়াছে,
তাঁহার তীরে দাঁড়াইয়া ব্রহ্মলোকবাসিগণ
আকর্ষণ স্থাপান করিতেছেন। সেখানকার
ভূমি বিচিত্ররত্নময়ী; স্থানে স্থানে হেম অট্টালিকা
ও অপূর্ব রত্নময় অসংখ্য দিব্য মন্দির শোভা
পাইতেছে। সেই শঙ্খঘণ্টা-কাংস-নির্নাদিত

হকার জন্ম

মন্দির-মধ্য হইতে ব্রহ্মর্ষিদিগের গমকণ্ঠে গীত
সাম গান উখিত হইয়া ঝল ঝল আকাশ মুখরিত
করিতেছে, সেই গানের সহিত একতানে
ভ্রমরগণ শুজন করিয়া গান গাহিতেছে; ধূপ-
ধূনা চন্দন কস্তুরী কুঙ্কুম ও পুষ্পের সৌরভে
দিক্ আমোদিত। বেদবেদাঙ্গপারদর্শী
মহানুভব ব্রাহ্মণগণ যথাপদ ও যথাক্রম পণ্ডিত
অধ্যয়ন করিতেছেন। বিস্তারিত বক্তব্য
আরম্ভ হইয়াছে, চতুর্দিকে হোমানল প্রজ্বলিত
তাঁহাতে বারম্বার আহুতি প্রদত্ত হইতেছে;—
আজ্যধূমে দিগ্ভ্রমণ পরিপূর্ণ। ব্রহ্মর্ষিদিগের
সুরলয়সংযোগে বেদাধ্যয়ন-শব্দে ব্রহ্মলোক
শব্দায়মান। ধূমপারিগণ সেই সকল সুমধুর
ধ্বনি শ্রবণ করিয়া শরীর পবিত্র বলিয়া বোধ
করিলেন, তাঁহাদের আনন্দের সীমা রহিল না।

কিছু দূর অগ্রসর হইয়া দেখিলেন এক-
স্থানে মহা জনতা,—দেবাস্ত্রনাগণ অমৃতবর্ষী
অশ্বত্থতলে দাঁড়াইয়া কলসে কলসে অমৃত

আল্পনা

আহরণ করিতেছেন ; অন্তরায় ও মদকর
সরোবরতীরে দক্ষপ্রমুখ প্রজাপতিগণ
অতিথিসৎকার করিতেছেন ।

দেখিতে দেখিতে তাঁহারা ব্রহ্মার সদনে আসিয়া
গৌছিনেন । প্রকাণ্ড অগ্নিময় হেম অট্টালিকা !
— পদ্মরাগ, নীলকান্ত, অম্বকান্ত, বৈহর্যামণি ও
হীনক, প্রবাল, মুক্তা প্রভৃতি নানা রত্নপচিত
অট্টালিকা প্রাচীরের ঔজ্জ্বল্য তাঁহাদের চক্ষু
বলমাইয়া দিল । দ্বারে অসংখ্য চতুর্ভুজ
প্রহরী ! তাহাদের চারি হস্তে চারি প্রকার
অস্ত্র বিরাজ করিতেছে ।

ব্রহ্মা তখন পূজায় বসিয়াছিলেন । এক
প্রহরী আসিয়া তাঁহাদিগকে বৈঠকখানায়
বসাইল ।

কিছুক্ষণ পরে নাগাবলী গানে, কমণ্ডলু
হাতে, চার কপালে চারটি ফোঁটা কাটিয়া
ব্রহ্মা বৈঠকখানায় দেখা দিলেন । সকলে
সসম্মুখে দাঁড়াইয়া উঠিয়া তাঁহাকে অভিবাদন

ছকার জন্ম

করিল। ব্রহ্মা চতুর্ভূজ তুলিয়া আশীর্বাদ করিলেন এবং সকলকে উপবেশন করিতে আদেশ দিলেন। তাঁহার সদাপ্রশান্ত চতুর্মুখ আঙ্গ কেমন বিষাদভারাক্রান্ত!

ব্রহ্মা কথা কহিতে আরম্ভ করিলেন। তাঁহার চার কর্ণের গম্ভীর স্বর একসঙ্গে বাহির হইয়া সকলকার ভীতি উৎপাদন করিল। দলের মধ্যে একজন ছোকরা ছিল, সে ব্রহ্মার চার জোড়া ওষ্ঠ একত্রে কম্পিত হইয়া যে একটা অদ্ভুত শব্দের সৃষ্টি করিতেছিল তাহাতে হাসি চাপিতে পারিতেছিল না, তাহার আকর্ষণ গণ্ড ক্ষণে ক্ষণে লাল হইয়া উঠিতেছিল।

ব্রহ্মা উৎকণ্ঠিতভাবে কহিলেন,—“যাহা বলিবার আছে চটগট বলিয়া লও। আমার সময় বড় অল্প, হাতে বিস্তর কাজ।”

প্রতিনিধিদের প্রধান ব্যক্তি তখন তাড়াতাড়ি দাঁড়াইয়া উঠিয়া বলিলেন—“আমরা

আত্মপনা

আপনার অধিক সময় নষ্ট করিব না। কেবল
ধূমপানযন্ত্রসংক্রান্ত দুই চারিটি কথা বলিব।
আপনি আমাদের দবংস্তু—”

ব্রহ্মা বাধা দিয়া বলিলেন—“অত বিশদ
বর্ণনার আবশ্যিক নাই, মোট কথাটা বন্দ।”

তিনি কথা আরম্ভ করিয়াছিলেন বাধা
পাইয়া থতমত খাইয়া গেলেন, কি বলিবেন সব
গোলমাল হইয়া গেল। ফ্যান্ ফ্যান্ দৃষ্টিতে
ব্রহ্মার পানে চাহিয়া রহিলেন। ব্রহ্মা তাহা
দেখিয়া চটিয়া অস্থির; বলিলেন—“এমনি
করিয়া সময় নষ্ট কর! যাও কোন কথা
শুনিতে চাই না।”

ব্রহ্মা দেখিলেন বিপদ! তিনি তখন
নিজেকে সামলাইয়া লইয়া পুনরায় কহিলেন,
—“বিশ্বকর্মা আমাদের সভার সম্পাদক—”

ব্রহ্মা বিরক্ত হইয়া বলিলেন—“অত কথা
শুনবার সময় নাই, এখনি স্নানাহার
করিয়া আমাকে দেবসভায় যাইতে হইবে,

হকার জন্ম

সেখানে অনেক কাজ আছে। তোমাদের আসল কথাটা কি শীঘ্র বল, নয় ত সমরাস্তুর আসিও।”

দলের প্রধান ব্যক্তি তাড়াতাড়ি বলিয়া উঠিলেন—“না, না, আমি এখনি সারিয়া লইতেছি। শুধু না, বিশ্বকর্মা আশ্বাস দিয়াছেন ধূমপানযন্ত্র তিনি নিৰ্ম্মাণ করিয়া দিবেন, কিন্তু—”

ব্রহ্মা অত্যন্ত চটিয়া উঠিয়া বলিলেন—“বিশ্বকর্মা আশ্বাস দিয়াছেন তা’ আমার কি?”

সে ভয়ে ভয়ে কহিল—“না, না, তা নয় কিন্তু—”

“কিন্তু কিন্তু করিয়াই আমাকে বিরক্ত করিলে, এত চেষ্টা করিয়াও আসল কথাটা এখনও শুনিতে পাইলাম না, আমি এমন করিয়া আর সময় নষ্ট করিতে পারি না— যাও।” এই বলিয়া ব্রহ্মা গাত্রোথান করিলেন।

আল্পনা

দলের সেই প্রধান ব্যক্তি অল্পে ছাড়িবার
পাত্র নহেন। তিনি তখন ছোড়করে
ব্রহ্মার স্তবগান করিয়া কহিলেন—“হে
দেবশ্রেষ্ঠ! হে সৃষ্টিকর্তা! হে পদ্মযোনি!
আপনারই অনুগ্রহে আমরা দেহে প্রাণ,
নয়নে আলোক, নাসিকায় বাতাস পাইতেছি,
আপনারই প্রসাদে জীবন ধারণ করিতেছি,
আপনার কৃপায় সর্ববিধে স্বচ্ছন্দতা লাভ
করিতেছি, আপনি আমাদের রক্ষাকর্তা,
ব্রাহ্মকর্তা, সর্বে-সর্বা, আমরা আপনার
শ্রীচরণের দাস মাত্র! আপনি আমাদের
প্রতি বিমুখ হইবেন না। হে দেব! অধম-
দিগের প্রতি করুণা কটাক্ষ করুন।”

ব্রহ্মা স্তবে গলিয়া গেলেন, উৎফুল্ল হইয়া
কহিলেন—“অবগা! অদগা!” তোমাদের দুঃখ
আমার কাছে নয় ত আর কাহার কাছে
জানাইবে? বেশ, আমি তোমাদের
সমস্ত অভাব দূর করিব;—বল শুনি!”

এই বলিয়া তিনি পুনরায় উপবেশন করিলেন ।

তখন তাঁহার সম্মুখে ধূমপানযন্ত্রের বৃত্তান্ত অজ্ঞোপাস্ত্র বলা হইল ; শুনিতে শুনিতে তিনি কথায় এত মত্ত হইয়া উঠিলেন যে দেব-সভার কথা একেবারে ভুলিয়া গেলেন । বক্তা মধ্যে মধ্যে প্রশংসা গান করিয়া তাঁহার শ্রবণের আগ্রহ বৃদ্ধি করিতে লাগিলেন ।

সমস্ত শুনিয়া ব্রহ্মা বলিলেন,—“আমার বাপু যাহা সম্বল ছিল তাহার সবই ব্রহ্মাণ্ড-সৃজনে গিয়াছে । থাকিবার মধ্যে আছে এই কমণ্ডলুটি । ইহা তোমাদিগকে দিতে পারি, যদি কোনো কাজে লাগে ;—কিন্তু বিশ্বকর্ষাকে বলিও যদি আবশ্যক না হয় তে আমার খেন ওটি ফিরাইয়া দেন ;—ওটি আমার বড় সপের, বড় আদরের, বড় দরকারের ।”

(৪)

ধূমপায়িসভার বাঙ্গালান একদিন কৈলাস
 অভিযুধে উড়িয়া চলিল। অসংখ্য জনপদ,
 নদ, নদী, অরণ্য অতিক্রম করিয়া প্রতিনিধিগণ
 দেখিলেন সম্মুখে এক রজতশুভ্র পর্বত !
 দূর হইতে তাহাকে মেঘ বলিয়া ভ্রম হইতেছে !
 মন্দোদনামক স্বচ্ছতোর শীতলবারিপূর্ণ-
 সরোবর সেই পর্বতের পদচুম্বন করিতেছে ;
 তাহারই তীরে নানা বিচিত্রসুগন্ধিপুষ্প-
 ভাষাধনভব্জাবলিশোভিত এক পবিত্র
 মনোরম নন্দন কানন ! সেখানে বক্ষ বক্ষ
 কিন্নর গন্ধর্ব ও অপ্সরাগণ নৃতগীতবাণে ও
 ক্রীড়াকলাপে মত্ত রহিয়াছে। তন্মধ্যে মহা-
 দেবের বাসস্থান।

কৈলাস মধ্যে পরম শান্তি সূর্ত্তিমান হইয়া
 বিবাক করিতেছেন,—কোথাও চাঞ্চল্য বা
 উদ্বেজন্যর লেশমাত্র নাই। সিদ্ধগণ

ছকার জন্ম

সংযতব্রত হইয়া উপশ্চরণ করিতেছেন ।
সেখানকার সকলেই যেন ধ্যানমগ্ন, গস্তীর,
সংযত ! সিংহ ব্যায় প্রভৃতি হিংস্র জন্তুসকল
হেষাদি ভুলিয়া মৃগমূথের সহিত একত্রে ক্রীড়া
করিতেছে । বলাকামালায় নভমস্তল যেমন
সুশোভিত হয়, অতিসুন্দর কামধেনুসকল
শ্রেণীনিবন্ধ থাকায় ঐ স্থান সেইরূপ সুশোভিত
হইয়া রহিয়াছে । ঘণ্টাকর্ণ, বিরূপাক্ষ,
দীর্ঘরোমা, শতগ্রীব, উরুবক্ত প্রভৃতি
সহস্র সহস্র ভূতগণ চতুর্দিকে পরিভ্রমণ
করিতেছে । তাহাদিগকে দেখিলে ত্রাসের
উদয় হয় ।

রুদ্রাক্ষমালাশোভিতকর্ণ জটাভারাক্রান্ত
দেবাদিদেব মহাদেব বসিয়া বসিয়া স্থিমিতনেত্রে
নভমস্তকে বিমাইহিতেন, সতীদেবী সম্মুখে
বসিয়া পদসেবা করিতেছেন । ঘরের চারিদিকে
নানা সামগ্রী ইতস্তত বিক্ষিপ্ত ; গোটাকতক
শুক বিহ্বপত্র ও ধূতুরাফুল বাতাসে এদিক-

আল্পনা

ওদিক করিতেছে, একছড়া মন্দার কুসুমের
ছেঁড়ামালা ও একখানা বাঘছাল একধারে
পড়িয়া আছে; তাহারই পাশে মহাদেবের
ডমকটি বর্তমান। এককোণে শুপীকৃত
হাই :—মধ্যে মধ্যে তাহা পবনতাড়িত হইয়া
সতী ও মহাদেবের অঙ্গে আসিয়া লাগিতেছে।
অদূরে ভৃঙ্গী একটা প্রকাণ্ড নিমকাঠি লইয়া
সিক্কি ঘুঁটিতেছে এবং গুন্ গুন্ স্বরে গান
গাহিতেছে। মহাদেবের বাহন বলদটা
গোয়ালে শুইয়া রোনহু করিতেছে, সাপগুলো
একটা গর্তের মধ্যে কুণ্ডলী পাকাইয়া নিশ্চিন্ত
মনে বিশ্রাম করিতেছে। নন্দী লগুড়হস্তে
বহির্দ্বার রক্ষা করিতেছে, গজিকাধুমে তাহার
চক্ষু দুটা জবাকুলের মতো রক্তবর্ণ।

প্রত্যহ বৈকালে নিদ্রিসেবন করা
মহাদেবের অভ্যাস। এখনও সিক্কি না পাইয়া
তাঁহার ক্রমাগত হাই উঠিতেছে, মনটা কেমন
ফস্ ফস্ করিতেছে! তিনি একবার ভৃঙ্গীকে

হকার জন্ম

হাঁক দিলেন । এমন সময় নন্দী বহির্দ্বার হইতে মহাদেবের সম্মুখে উপস্থিত হইয়া করছোড়ে নিবেদন করিল—“প্রভু ! শ্রীচরণ দর্শন আকাঙ্ক্ষায় ভক্তবৃন্দ বাহিরে অপেক্ষা করিতেছেন ।”

মহাদেব তাঁহাদিগকে ভিতরে আনিবার আদেশ দিলেন । সতীদেবী স্বামীর পা ছাড়িয়া কক্ষান্তরে প্রবেশ করিলেন ।

অগ্নিকণ মধ্যে ধূমসেবিসভার প্রতিনিধিদল সেখানে আসিয়া উপস্থিত হইলেন । ভূঙ্গী সিদ্ধি দৌটা ফেলিয়া তাঁহাদের বসিবার জন্ত ক্ষিপ্ৰহস্তে বাঘছালখানা পাতিয়া দিল । মহাদেব ভক্তগণকে দেখিয়া পরম প্রীত হইলেন । কুশলাদি প্রশ্নের পর জিজ্ঞাসা করিলেন—“হে ধূমলোকবাসিগণ ! ধূমসেবনে তোমাদের কোনো ব্যাধাত ঘটতেছে না ? মর্ত্যের যজ্ঞধূম তোমাদের দিকে নিয়ত পৌঁছিতেছে ত ? কেহ কোনপ্রকার উপদ্রব ঘটায় না ত ?”

আল্পনা

দলের প্রধান ব্যক্তি উত্তর করিলেন —“হে দেবাদিদেব ! কলিকালে অযুধীপে যজ্ঞকার্য্য বন্ধ বটে কিন্তু কলকারখানা, কলের গাড়ী প্রভৃতি হইতে যে ধূমোদ্গিরণ হয় তাহা বড় কম নয় । উক্ত দ্বীপে বৈজ্ঞাতিক ব্যাপারের প্রচার বৃদ্ধির সঙ্গে মনোমধ্যে আশঙ্কার উদয় হইতেছে বটে, কিন্তু আপনার শ্রীচরণাশীর্ষাদে আজ পর্য্যন্ত ধূম সেবনে কেহ কোনো ব্যাঘাত জন্মাইতে পারে নাই ; কেবল মধ্য মধ্য উন্নতিবিধায়িনী পত্রিকাখানা আমাদের প্রতি কটুবাক্য বর্ষণ করে । আমরা তাহাদের কথায় কর্ণপাত করি না, প্রতিবাদও করি না ! আমরা বৃথা তর্ক করিতে চাহিনা ; —কার্য্যের দ্বারা প্রতিপন্ন করিতে চাই যে ধূম সেবনে ও ধূমপায়ী সভা হইতে ত্রিলোকের প্রভূত উপকার সাধিত হইবে ।”

মহাদেব সাধু সাধু শব্দে এই উক্তি
সমর্থন করিলেন ।

ছকার জন্ম

তখন সেই দলের প্রধান ব্যক্তি উৎসাহিত হইয়া কহিলেন—“কিন্তু দেব ! ধূমসেবনের জন্ত কোনো যন্ত্র না থাকায় আমরাগকে বিশেষ কষ্ট পাইতে হইতেছে।” এই বলিয়া তিনি আত্মপূর্বিক মন্তব্য বর্ণনা করিলেন। মহাদেব শুনিয়া পরম সন্তুষ্ট হইলেন, এবং তাঁহাদের উত্তমের ভূয়সী প্রশংসা করিয়া কহিলেন—“হে আমার ভক্তবৃন্দ ! তোমাদের চেষ্টায় যদি একটা যন্ত্র সৃষ্টি হয় তাহা হইলে আনিও বাঁচি, গঞ্জিকা সেবনে আমারও তেমন সুবিধা হইতেছে না,—ইচ্ছা হয় সমস্ত ধূমটাই গলাধঃকরণ করি, কিন্তু তাহা ধারি না।”

দলের প্রধান ব্যক্তি তখন বলিলেন—“হে দেবোত্তম ! যন্ত্র নির্মাণ করা অসাধ্য হইবে না, বিশ্বকর্মা আমরাগকে ভরসা দিয়াছেন। ব্রহ্মার নিকট হইতে কমণ্ডলুটি পাইয়াছি ; এখন আপনি কোনো উপকরণ দিলেই হয়।”

আত্মপনা

মহাদেব উত্তর করিলেন—“দেখ ভক্তগণ, প্রায়ই আমার মনে হয় যে, আমার ডমরুটির দ্বারা জগতের অশেষ উপকার সাধিত হইবে। যখন বাজাই তখন তাহার গম্ভীর রব হইতে যেন অশ্রুটি আভাষ পাই—যেন সে আপনি গুমরি গুমরি বলে—‘হে দেব, আমার কার্যের প্রসার বৃদ্ধি করিয়া দাও, শুধু শব্দ সৃজন আমার চরম লক্ষ্য নয়; আমার অগ্র গুণ আছে তাহা প্রকাশিত হইতে দাও, কেবল তানমানলয়ের মধ্যে আমাকে আবদ্ধ রাখিও না।’ তাই বলিতেছি হে ধূমপায়িগণ! দেখদেখি পরীক্ষা করিয়া আমার অনুমান সত্য কি না। আমার বিশ্বাস ডমরুটি ধূমসেবন যন্ত্রের একটা অত্যাবশ্যক উপাদান হইতে পারিবে।” এই বলিয়া তিনি ভূঙ্গীকে ডমরু আনিতে আদেশ করিলেন। ভূঙ্গী তাহা উঠাইয়া আনিল। কাঁধ হইতে গামছাখানা লইয়া তাহার ধূলা ঝাড়িয়া মহাদেবের হাতে দিল।

ছকার জন্ম

মহাদেব তাহা গ্রহণ করিয়া মুদ্রিত নয়নে
বিভোর ভাবে বাহুইতে লাগিলেন। সে বাণ
আর খামে না! যতই বাজান ততই তন্ময়
হইয়া উঠেন। শেষে এত মাতিয়া উঠিলেন যে
তাহার সহিত নৃত্যও আরম্ভ হইল। নাচিতে
নাচিতে বাহুজ্ঞান বিলুপ্ত! তখন ধূমপারীরা
মনে মনে বিপদ গণিলেন। কারণ মহাদেবের
নৃত্য একবার আরম্ভ হইলে কবে শেষ হয়
কে জানে!

এমন সময় ভূঙ্গী সিদ্ধি লইয়া হাজির।
অমনি মহাদেবের নৃত্য বন্ধ! তিনি থককিয়া
দাঁড়াইলেন। ভূঙ্গীর হাত হইতে সিদ্ধির
বাটি লইয়া পানিকটা পান করিয়া ভক্তদিগকে
প্রসাদ দিলেন। ভক্তগণ প্রসাদ পান করিয়া
মাধায় হাত মুছিলেন। ধূমপান যন্ত্রের কথাটা
আর উঠিল না। ধূমপারীর দল প্রস্থান
করিবার অগ্রে বাস্ত হইয়া উঠিলেন, কি জানি
আবার যদি নৃত্য আরম্ভ হয়! কিন্তু ডমরুটি

আল্পনা

হস্তগত না করিয়া তো যাইতে পারেন না,
মহাদেবের কোলের কাছে সেটা পড়িয়া
আছে, তিনি তাহা দিবার নামও করেন না।
নকলে প্রমাদ গণিলেন। অনেকক্ষণ পরে
একজন মাথা চুলকাইতে চুলকাইতে বসিলেন
—“হে দেব! তাহা হইলে ডমরুটি লইবার
জন্তু কবে আসিতে আস্তা করেন?”

মহাদেব একটু অপ্রতিভ হইয়া কহিলেন
—“না, না, ওটা আদর্শ লইয়া যাও! দেখ
তো ওটার কথা স্মরণই ছিল না। এই জন্তুই
লোকের আয়ত্ত বলে—ভোলানাথ।”

(৫)

বিষ্ণু ধূমপায়ীদের উপর হাড়ে চটা ছিলেন।
ধূমপায়ী সভা উঠাইয়া দিবার জন্তু স্বর্গের
কৌণ্ডলি সভায় অনেকবার প্রণাম উত্থাপন
করিয়াছিলেন, কিন্তু দেবাদিদেব মহাদেবের

হকার জন্ম

জন্ম তাহা পানেন নাই, তিনি বরাবর বিষ্ণুর প্রস্তাবের তীব্র প্রতিবাদ করিয়া আসিতেছেন । বিষ্ণু তথাপি ছাড়েন নাই ; উন্নতিবিধানিনী পত্রিকায় ধূমপানের বিরুদ্ধে লম্বা লম্বা প্রবন্ধ লিখিয়া বিষয়টাকে সজীব রাখিয়াছিলেন । কিন্তু এত করিয়াও বিশেষ কোনো ফল হয় নাই ;—তাঁহার সমস্ত বাধা সত্ত্বেও ধূমপায়ী সভা দিন দিন শ্রীবৃদ্ধিলাভ করিতেছিল ।

যে দিন প্রতিনিধিদল উপকরণ আহরণের চেষ্টায় তাঁহার প্রাসাদে আসিলেন, বিষ্ণু অগ্নিশর্মা হইয়া উঠিলেন ; প্রহরীকে ডাকিয়া বলিলেন—“যাও বল গিয়া দেখা হইবে না ।”

প্রহরীর মুখে এ কথা শুনিয়া ধূমপায়ীর দল পশ্চাৎপদ হইলেন না, তাঁহারা কহিলেন—“তোমার মনিবকে বল যে, আমরা অতি অল্প সময়ের জন্য তাঁহার সহিত সাক্ষাৎ করিতে চাই ।”

প্রহরী প্রভুর অগ্নিমূর্তি দেখিয়া আসিয়া-

আল্পনা

ছিল, সে অবস্থায় তাঁহার কাছে আর খাইতে সাহস করিল না, সে বলিল—“বৃথা চেষ্টা ! সাক্ষাৎ অসম্ভব !”

এমনি করিয়া তিন তিন দিন ধুমপায়ী সভার প্রতিনিধিদল বিষ্ণুর বহির্দ্বার হইতে ফিরিয়া আসিলেন । তখন তাঁহারা এক মতলব আটিলেন ।

মর্ত্য সৃজন হইবার পর হইতে সেখানে লীলা খেলা করিবার জন্ত স্বর্গের অনেক দেবতা আদিষ্ট হইয়াছিলেন । বিষ্ণুর উপর তাঁর পড়িয়াছিল যে তাঁহাকে মর্ত্যধামে বংশী-বাদন করিয়া গোপিনীকুলের মনোরঞ্জন করিতে হইবে । বংশী বাজানো তাঁহার কখনো অভ্যাস ছিল না, সেইজন্য আজকাল প্রত্যহ সন্ধ্যাবেলা একটা কন্সার্টের আড্ডায় বংশী বাজানো শিখিতে যান । ধুমপায়ীরা সে সন্ধান পাইয়াছিলেন ।

একদিন সন্ধ্যাবেলা ধুমপায়ীদের একটা

ছোকর জন্ম

ছোকরা ছদ্মবেশে সজ্জিত হইয়া বিষ্ণুর বাড়ীর সম্মুখে পাষাচারি করিতাছিল ! সে দিন বিষ্ণু বাঁশীটি হাতে করিয়া যেমনি বাহির হইয়াছেন, অমনি সেই ছোকরা চিলের মত হৌ মাঝিয়া বিষ্ণুর হাত হইতে বাঁশীটা কাড়িয়া লইয়া ছুটি দিল -- তাহার বাষ্পময় স্মৃঙ্গদেহ নিমেষের মধ্যে সন্ধ্যার অন্ধকারে কোথায় মিলাইয়া গেল তাহা বিষ্ণু দেখিতে পাইলেন না ; তিনি বিরস বদনে বাটীতে ফিরিয়া গেলেন । কন্সার্টের আড্ডায় যাওয়া তাঁহার বন্ধ হইল ।

বিষ্ণু শীঘ্রই বুঝিতে পারিলেন যে, ধূমপায়ীদিগের চাতুরীতেই তাঁহার বাঁশীটি খোয়া গিয়াছে । বাঁশীটা ছোর করিয়া কাড়িয়া লইয়াছে সে কথা লজ্জায় দেবসভায় প্রকাশ করিতে পারিলেন না ; ধূমপায়ীরাও কি উপায়ে তাহা সংগ্রহ করিয়াছেন অপ্রকাশ রাখিলেন । আসল ব্যাপারটা কেহ জানিল না ; সকলে বুঝিল, বন্ধা এবং মহেশ্বরের গ্লান

আল্পনা

বিস্কু ও ধূমপান যন্ত্রের জন্তুতাহার বাঁশীটি দান
করিয়াছেন। কিন্তু বাঁশীটি হস্তান্তর হওয়ার
বিস্কুর মস্তো আসিবার দিন পিছাইয়া গেল।

(৬)

ব্রহ্মার কমণ্ডলু, বিস্কু বাঁশী ও মাদ্যখরের
ডমরু গাইয়া বিশ্বকর্মা যন্ত্রনির্মাণে লাগিয়া
গেলেন। এই তিনটি সামগ্রী দর্শনমাত্রেই
তাহার উদ্ভাবনীশক্তিসম্পন্ন মস্তিষ্কে ধূমপান
যন্ত্রের একটি ছায়া পড়িল; তাহারই অনুকরণ
করিয়া তিনি একটি কায়া রচনা করিলেন।
কমণ্ডলুর মুখের ফাঁদ কমাইয়া ফেলিলেন,
বাঁশীর ছিদ্রগুলি বুকুইয়া দিলেন, ডমরুর দুই
মুখের চর্ম ফাঁসিয়া গেল, তখন কমণ্ডলুর
উপর বাঁশী, বাঁশীব উপর চর্মবিহীন ডমরুটি
স্থাপন করিয়া দেখিলেন,—ঠিক হইয়াছে!

১-কলিকা ছকার সৃষ্টি হইল! বিস্কু

হকার জন্ম

দুঃস্থ হইলেন, ব্রহ্মা নিশ্চিন্ত হইলেন, মহেশ্বর
মহা খুসী। তাঁহার ডমরুটিকে তিনি বাণ-
জন্ম হইতে মুক্তি দিতে পারিয়াছেন মনে
করিয়া তাঁহার অত্যন্ত আনন্দ হইল। পিতৃ
ডমরুটিকে তিনি একভাবে দান করিয়া আন
একভাবে গ্রহণ করিলেন। গঞ্জিকা সেবনে
ঈশ্বর কেবলমাত্র কলিকাটি লইয়া তাহাকে
শ্রেষ্ঠত্ব ও অমরত্ব দান করিলেন। সেই অবধি
গঞ্জিকা সেবনে কলিকাই প্রশস্ত।

হকা সৃষ্টি হওয়ার কথা ইন্দ্রের কানে
পৌছিল। তিনি ছুটিয়া আসিয়া ব্রহ্মাকে
কহিলেন—“করিয়াছেন কি দেব! সৃষ্টি রক্ষা
হইবে কি করিয়া?”

ব্রহ্মা ব্যগ্রস্বরে বলিয়া উঠিলেন—“কেন,
কেন?”

ইন্দ্র কহিলেন—“মর্ত্যালোকবাসীরা যজ্ঞ-
কার্য্য বন্ধ করিয়াছে। তাহার উপর আমার
বজ্রটি চুরি করিয়া লওয়া অবধি তাহারা

আল্পনা

তাহাকে সব রকম কাজে লাগাইতেছে, অগ্নিদেবকে আর বড় গ্রোহা করে না ; ধূম অভাবে বরুণ প্রীতিমত জলবর্ষণ করিতে পারিতেছেন না ; তামাকু ব্যবহারের সর্বত্র বহুল প্রচার হওয়ায় একটু আশার উদয় হইতেছিল ; তাহার পুনঃ যদি যত্ন সাহায্যে টানিয়া শঠবার ব্যবস্থা করিয়া দেন, তবে আর উপায় কি ? বারি অভাবে পৃথিবী প্রাণিশূণ্য হইয়া পড়িবে—আপনার সৃষ্টি রম্যতলে বাইবে ।”

ইন্দ্রের কথা শুনিয়া ব্রহ্মার চতুর্ভুজ ভয়ে বিবর্ণ হইয়া গেল, তিনি ক্ষুণ্ণকণ্ঠে বলিলেন—“তাই ত ! তাই ত ! ধূমলোকবাসীরা ত আমায় এ কথা বলে নাই, তাহারা আমাকে ভয়ঙ্কর ঠকাইয়াছে !”

ইন্দ্র বলিলেন,—“ইহার উপায় বিধান করুন ।”

ব্রহ্মা বলিলেন—“নিশ্চয়ই ! ধূমপায়ীরা

আমার সঙ্গে যেমন জুয়াচুরি করিয়াছে, আমিও তাহাদের তেমনি অভিসম্পাত দিব। ইচ্ছা ! তুমি হুকু আন।”

জলগঞ্জের বাইরা ব্রহ্মা তখন শাপ দিলেন — কোন ধূমসেবী আজ হইতে ধূমপানযন্ত্র-নিঃসৃত সমস্ত ধূম গলাধঃকরণ করিতে পারিবে না,—ধূমের অধিকাংশ তাহাকে ফুঁ দিয়া মুখের ভিতর হইতে বাহির করিয়া দিতে হইবে। যে এই নিয়ম লঙ্ঘন করিবে সে ধূমপানে কোনো তৃপ্তিলাভ করিতে পারিবে না, তাহাকে যক্ষ্মাকাশে অকালে দেহত্যাগ করিতে হইবে।”

* বাইরা তামাকু সেবন করেন তাইরা জানেন যে, ধোঁয়া টানিয়া মুখ হইতে বাহির করিয়া দিয়া তাহা চোখের সামনে স্পষ্ট দেখিতে না পাইলে তামাকু বাইরা কোনো তৃপ্তি হয় না। তাহার কারণ আমার মনে হয় ব্রহ্মার এই অভিশাপ :

আল্পনা

তাহার পর একদিন ধূমপায়িসভায় হকার
প্রতিষ্ঠা হইল ! চন্দনচর্চিত পুষ্পমালা
সুশোভিত হকার সম্মুখে নতজানু হইয়া
বসিয়া হকা-শাস্ত্র খুলিয়া সকল সভ্য হকাত্তাত্র
পাঠ করিলেন—“হে হকে ! হে ধূমপায়িসভা-
সভ্যজনহঃস্বহারিণি ! হে কুণ্ডলীকুন্ডধূমরাশি-
মুদগারিণি ! তোমাকে বারম্বার নমস্কার
করি, তুমি আমাদিগের প্রতি সদা প্রসন্ন
ধারক । হে বিশ্বরমে ! তুমি বিশ্বজনসমহারিণী,
অলসজনপ্রতিপালিনী, ভাৰ্য্যাভৎসিতচিত্তবিকার
বিনাশিনী ; মুঢ় আমরা তোমার মহিমা কেমনে
বর্ণিব ? তুমি শোকপ্রাপ্ত জনকে প্রবোধ দাও,
ভয়প্রাপ্ত জনকে ভয়না দাও, বুদ্ধিদ্রষ্ট জনকে
বুদ্ধি দাও, কোপযুক্ত জনকে শান্তিপ্রদান কর ।
হে বরদে ! হে সৰ্বস্বঃপ্রদায়িনি ! তুমি
আমাদের ঘরে অক্ষয় হইয়া বিরাজ কর,
তোমার যশঃসৌরভ সূর্য্যকিরণের স্থায় ছড়াইয়া
পড়ুক, তোমার গর্ভস্থ অলকলোল মেঘগর্জনবৎ

ছকাবে জন্ম

ধ্বনিত হুঁতে থাকুক, তেঁমাব মুখ ছিদ্রেব
সহিত আনাদের অধবেঠেব যেন তিলেক
বিচ্ছে না হয়। স্বস্তি। স্বাস্ত। স্বস্তি।”

হাঁও একাব জন্ম কথা সমাপ্ত।*

বাল-কথা

এই ছকাবে জন্মকথা যিনি নিত্য আগ্রহ ও
অনুচিত্তিতে শ্রবণ কবেন তাঁহাব জন্ম
লোকবাস হয়। যিনি একবাব মাত্র শ্রবণ
কবেন তাঁহাব পুনঃই হুঁদা থাকে না।

যিনি ধূমপান করেন দেবী বৃষাবতী ও

* ছকার সৃষ্টি হওয়ায় শ্বাসলাকে ধূমপান অত্যন্ত
বৃদ্ধি পাইয়াছে, এইজন্য শ্বাসলাকে পাওয়া গিয়াছে। সে
জন্ম তাঁক সাজিবার নিমিত্ত একদল শ্বাসলাকে আয়োজন
কওয়ার ধূমলোকে বামাংশ মস্ত্যলোকে সিগারেট ও বিডি
পাঠাইয়াছেন, —বালবেবা সিগারেট ও বিডি খাইয়া
অকাল মস্ত্যদের তাগ করিবা ধূমলোকে গিয়া তাঁক
সাজিবে, এই উদ্দেশ্য।

আত্মপনা

অমূল্যশ্রেষ্ঠ ধূম্রলোচন সকল বিপদে তাঁহার
সহায় হন ; তাঁহার বুদ্ধির অড়তা থাকে না,
মাথা বেশ পরিষ্কার হইয়া উঠে, কল্পনা অতীব
প্রতিভাশালী হয়, তিনি 'সম্ভব অসম্ভব'
নানা গল্প গুজবের সৃষ্টি করিতে পারেন,
দেবাদিদেব মহাদেব তাঁহার প্রতি সदा প্রসন্ন
থাকেন । যিনি হকার নিন্দা করেন অনাস্তরে
শৃগালদেহধারণ করিয়া তাঁহাকে কেবল 'হকা
হয়া' করিতে হয় ।



